

may 28 - ff. v. as. adas.

PHILIPPI RVBENI
ELECTORVM
LIBRI II.

In quibus antiqui Ritus, Emenda-
tiones , Censuræ.

EIVSDEM
ad IVSTVM LIPSIVM Poëmatia.



ANTVERPIAE,
EX OFFICINA PLANTINIANA,
Apud Ioannem Moretum.

CLC. IBC. VIII.

mil sixcets huit.

1711
ELECTORVM

1711

1711

1711

1711

1711

1711

1711

1711

1711

1711

1711

1711

NOBILISS. ET AMPLISS.
 DOMINO
 IOANNI RICHARDOTO
 SENATVS BELGICI
 PRINCIPI.



Ximia profectò dignitas est eorum qui sedent in puppi, clauumque Reipub. tenent ac gubernant. Sunt enim arbitri rerum humanarum, imò velut mens & anima ciuitatis, ac supremi rectoris vmbra quædam & imago. Verùm hanc fortunam vt multi cupiunt, ita pauci numero capiunt. Ad scientiam principem & dominam (ita ciuilem hanc Peripateticorum ille coryphæus indigitat) magnis opus est præsiidiis & adiumentis. Habet amplissimus iste honos suum onus, cui sustinendo prudentiâ ac virtute, quasi gemino tibicine, fulciri debet. *Plura enim, vt benè animaduertit historicorum prudentissimus, in summâ fortunâ auspiciis & consiliis, quàm telis & manibus geruntur.* Idcirco dux ille Græciæ, quod præclarè notat eloquentiæ Romanæ antistes,

numquam optat, A iacis vti similes decem
habeat, sed vt Nestoris: id si contigerit,
non dubitat, quin Troiam, cūm facili nego-
tio, tum breuissimo tempore, sit expugna-
turus. Et hie te gradibus, PRAESES. AMPLIS-
SIME, qui nostrae es ætatis Nestor, &, vt ille,

*—hominū
longe opti-
mus unus
Consilio &
sermone.

— * βεβηκὼν ὅχ' ἀεὶ ἀπάναν

Βελῆ καὶ μύθοισιν,

in id euectum videmus, super quod ascendi
non potest. Hinc singularis illa SERENISS.
erga te PRINCIPVM caritas: sed & om-
nium, quotquot ipsis triginta vel amplius ab-
hinc annis hisce regionibus cum imperio præ-
fuerunt. Mira certè res, & pænè supra fidem,
diuersis ex æquo placere, & apud plures v-
num eundemque gratiæ & auctoritatis lo-
cum obtinere. Sed nimirum magnæ virtutis
ea vis est, vt sine lenociniis, sine conciliatri-
culis ipsa se commendet; & quamuis nihil
ad gratiam faciat, omnia tamen sint grata quæ
facit. Quinetiam vel inuitam vltro ipse ve-
stigat & ambit Honor: vtque prouidus ac
diligens nauarchus nauigandi peritissimos,
architectus ædificandi, legit & assumit; ita
boni prudentesque Principes eos asciscunt
sibi consiliarios & adiutores, quos aptissimos
ad Rempub. & idoneos maximè iudicant.
Cuius quidem ordinis atque loci non minùs
meri-

meritis quàm dignatione sine controuersia
longè tu princeps, qui congestis omnibus à
Deo bonis, ita imples omnia, quemadmo-
dum alij singula; præterque excellens inge-
nium, raram doctrinam, multarumque no-
titiam linguarum (quas quidem singulas sic
tenes, nullam ut aliam scire videaris) eam
prudentiam eumque rerum usum possides,
ut viri πολιτικωτάτης germana quædam effigies
& simulacrum existas. Quicquid grauitè ac
prudenter in legationibus obeundis, fœderi-
bus fandiendis, omnique administratione
Reipub. ex quo Dei benignitate guberna-
culis admotus es, in terrâ Belgicâ gestum est,
id est eâ quâ nulla nostro sæculo vel fortunæ
ludo magis exercita, vel plures & maiores
rerum conuersiones & vidit & sensit, tuâ
potissimùm opè, tuo consilio gestum est.
Quòd pro tempestate & procellâ belli Gal-
lici, quæ tam atrociter in nos detonuit, pri-
stina serenitas, velut postliminio, restituta:
quòd ab Angliâ tranquillitas, & Alcedonia
in illo mari, quod decumanis antea flucti-
bus agebatur: quòd libera denique cum vtro-
que regno commercia, & quibus vnaquæque
præ ceteris abundat regio, cum vicinis ea li-
beraliter participat, teterrimæque belli cla-
des in bona pacis conuersæ sunt: id optimis

quidem PRINCIPIBVS, quorum auspiciis, sed
& tibi, cuius maximè ductu res gesta, acce-
ptum ferri debet. Et, Deo faciente, iam ac-
cedet palma tertia: iam aliquando Christia-
num — *pax missa per orbem*

Ferreæ belligeri compescet limina Iani.

Ita spondent tum industria ac prudentia tua,
tum illud dulce loquendi pondus, quo in
quamvis cumque partem animos inclinas, &
Gallicani instar Alcide, leni quadam & blan-
dâ vi rapis: sed & nescio quis Genius, qui
conatus tuos secundat, & quicquid suscipis,
quicquid aggrederis, ad felicem exitum per-
ducit. vt meritò de te dici possit; quemad-
modum in fabulis Anij regis filiæ quidlibet
tactu sui vertebant

In segetem laticemq, meri baccamq, Minerva,
sic vbique facundiâ, prudentiâ, felicitate tuâ,
discordiam concordia, tumultum otio, bel-
lum pace commutari. O laudem insignem
& omni omnino præconio maiorem! Quid
habuit Græcia, quid Italia præstantius? Eat,
eat ostentatrix sui vetustas, triplicique Pom-
peij curru laureâque glorietur; multò certè
laudabilius fuerit, terna (terna, inquam, ani-
mo bonæ spei pleno) grauissimorum incen-
dia bellorum exstinxisse, quibus non tantum
Europa, sed etiam sola terrarum vltimarum,
& alio

& alio calentes sole populi conflagrarint. Iactet illa licet inclyta nomina titulósque deuictarum cruore gentium óblitos, Nicatorias, Poliorcetas, Callinicos, Asiaticos, Macedonicos, Africanos; omnibus illustrior & tum Deo tum hominibus, qui mite genus sumus, multò gratior & acceptior titulus PACATORIS. Quòd si lumen illud & ornamentum Athenarum Pericles omnibus suis & victoriis & præclaris in repub. factis anteposuit, quòd eius operà pullam nemo vestem induisset; quantà dignum prædicatione, quòd operà tuà pro pullà candidam omnes sumunt, omnes quasi nouum adepti fatum, gaudio gestiunt & exsultant? quam ego laudationem, quæ eulogia cum vocibus illis publici sensus indicibus conferam, quibus communis quasi parens, & à POTENTISSIMO REGE & SERENISSIMIS PRINCIPIBVS proximus publicæ felicitatis auctor, publicè passim & priuatim audis? Nam ita profectò res est: cessit, cessit liuida illa Dea, quæ plerumq; eminentis fortunæ comes. Emergit è tenebris Veritas, lucémque suam latè distulit ac diffudit. Nemo non videt, quâ caritate publico te impendas; utque siderum modo, quæ irrequieta semper cursus suos explicant, quasi in perpetuà quadam vigiliâ,
num-

numquam oculos à republicâ dimoueas, & in tanto rerum vndique accurrentium congestu vix otiosum spiritum ducas, vt cunctis negotio tuo otium, curâ ac sollicitudine securitatem præstes. Sed hæc vnus angustius epistolij velle concludere, id verò sit

* *magnum
rate per-
transire
profundū.*

—— * *ἡ ἐνὶ πελάγει μέγα λαΐμα θαλάσσης.*

Ibunt in Fastos & Annales: & vt quisque scriptorum veritatis erit studiosissimus, ita plurimum in laudum tuarum commemoratione versabitur. Nos aliqua libanda dumtaxat existimauimus, omnibus vt perspicuum foret, vel magnitudinis tuæ contemplatione, deligendum vnum ante alios te fuisse, cuius amplissimum huic pagine nomen inscriberem: vt eo velut vmbone aduersus maledicentiæ tela tutus tectusque essem, eiusque solo vel splendore, non aliter quàm Achillis aspectu Phryges ac Barbari, Calumnia, quæ semper in procinctu, perculsa pedem referret. Nec enim metuo, ne quis hæc ipsa tenuiora censeat, quàm vt offerri decorè tibi possint. Notum nimis ac testatum, quarum olim artium exstitisti cultor, earum nunc esse patronum; atque etiam in loco, quando cum influentibus negotiis paria fecisti, laxando paullulum animo, respicere eas & recolere. Neque verò minùs apud omnes peruulgata
facili-

facilitas & humanitas tua singularis, & illa
difficillima comitatus cum gravitate societas.
Postremò scitur (& quo sciatur, nihil ego re-
liquum mihi facio) quibus & quantis tibi
beneficiis sim vadatus. Constat me proflu-
xisse è fonte domus ac disciplinæ tuæ, quam-
que præcipuam duco felicitatis meæ partem,
ære & librâ tuum esse, meosque adeò labo-
res ex asse tibi deberi. Quod igitur non mo-
dò consuetudinis muta lex, verum etiam of-
ficij sanctissima religio iubet, hoc Amplitu-
dini tuæ scriptum, maximam partem Romæ
concinnatum, velut *ἀνέγνω* tutelari Numini,
do, dico. Vt optimi consulas, per ego tuum
te Genium obsecro & obtestor; Deum au-
tem OPT. MAX. votis conceptis veneror, vt
publicis te commodis, NOBILISSIME &
AMPLISSIME DOMINE, diu commodare,
& in hac statione mortali diurnare velit.



AD LECTOREM.



VA cuique saeculo nota, suum insi-
gne. Nostrum hoc loquax atque
streperum, & scriptis potius quam
factis secundum. Declarant illico-
piofi librorum indices, qui in omni
genere litterarum semestri quoque
spatio vulgantur, quibúsque vel solis peruolutandis
tantum non aetas hominis occupetur. Quid facias?
hi mores,

* tales nunc
homines.
sunt.
tempori
seruire.

* ——— Τῶν νῦν βροτῶν εἶσι.

Nos etiam, Lector, * ἀρχὴν γὰρ ποιεῖν incipimus, & ali-
quā ratione prouidere, ne tacite & absque sonitu vi-
tae cursum conficiamus, ac perinde quasi scenica satel-
litiā, silentes hiantesque prateruehamur. Ergo char-
tis aliquid illeuimus, & operam Critica dedimus,
quam haut parum multi superuacaneam, neque mi-
nus hodie fugiendam, quam in sano corpore Chci-
rurgiam volunt. Quod utinam ita res haberet, ac
nihil usquam nobis erratorum mendorumque reli-
quum elegantium & eruditorum hominum acumen
& industria fecissent! Melius certe cum libris, me-
lius cum litteris ageretur, neque toties inter legen-
dum velut in rupes & scopulos impingeremus. Ve-
rum tamen si quis tam laeuis aut cecus animi, nichi-
lo minus ut nigrum apponendum mihi calculum
acenseat, prouocabimus, ut olim quidam à Philippo
Macc-

Macedone oscitante & dormitabundo ad vigilem
& attentum, à indice parùm aquo vel neglegenti
(nolo dicere, imperito) ad eum qui diligenter animum
aduertet, iustisque nostra ponderibus examinabit. Is
enim reapse deprehendet, non temere alicubi ferrum
& ignem usurpatum. Nisi fortè quisquam repe-
riatur tam ambitiosè tristis, ut in crimen etiam
vocet, quæ animi & amœnitatis gratiâ, velut acroa-
mata quadam, in medium adduxi. Quæ sanè de-
fensione opus non habent, cum nota ampliacionis, hoc
adieccta consilio, sententiam nostram satis superq;
declaret. Sed nec, ut opinor, de genere scriptionis de-
sultorio, deque Ritualibus adiunctis & admixtis.
Ut enim

—— contextæ viridantes floribus herbæ
suauissimos miscent odores: ut sensum oculorum ma-
ximè permulcent

—— & suaue rubens narcissus,

Et crocus alternâ coniungens lilia calthâ:
sic ad delectationem & voluptatem Lectoris nihil hæc
varietate & commutatione aptius. Præiit etiam
* πᾶσι & ille καὶ πᾶσι & IUSTVS LIPSIVS, qui * omni sa-
anno superiore proximo reipub. litteraria, cui dono pientia ac
quodam Providentia genitus erat, mihiq; meo gra- virtute
uissimo tum damno tum dolore est ereptus. Quod ad gradins.
membranas & scriptos, quos cito, codices attinct,
eorū usura partim Louanij, partim Romæ mihi fuit,
cum in Bibliothecâ Vaticanâ, tum eâ quam impenso
* * 2 pretio

Lipius
died

pretio comparatam, & omni genere librorum bene
instructam, nobilitatis Romana planè princeps & in-
ter lumina purpuratorum Patrum **ASCANIVS**
COLVMA fidei curæq; mea liberaliter commise-
rat; quâque diutiùs magnâ cum incunditate, sed &
aliquo fortè bono litterarum, uti frui potuissem,
nisi parentis imperium, amicorum hortatus ac preces,
ipsius denique patria reuocantis quasi vox alia nos
omnia missa facere & abrumpere coëgisset. Vale be-
ninole Lector, & his faue, qua fauorem merentur;
qua minùs, condona.



I N-

INDEX CAPITVM

LIBRI I.

CAPVT I.

Mos antiquus in opidis con-
dendis. Depalare quid
apud Tertullianum. Vrbs vnde
dicta. pag. 1.

CAP. I. De communi loco quid
præter Plautum Artemidorus.
pag. 4.

CAP. III. Ciceronis Oratio pro
Sullâ mendis aliquot expurga-
ta. 4.

CAP. IV. Ciceronis lectio defen-
sa. Vehens pro eo qui vehitur.
5.

CAP. V. De die lustrico plura
veterum scriptorum loca. Di-
uersus is pro sexu. Aristoteles
& Plautus explicati. 6.

CAP. VI. Quis Antiochus rex
apud Plautum. 8.

CAP. VII. Restitutio loci Cice-
roniani. Velia pro villâ. 9.

CAP. VIII. In Cæsare complu-
sculæ correctiones. 10.

CAP. IX. Oratio Ciceronis pro
Sullâ duobus locis emendata. 12.

CAP. X. In Hirtio non paruæ
rei coniectura, Iubam à Petreio
cæsum; non, vt vulgò legitur,
hunc ab illo. Florus & Oro-
sius obiter correcti. 12.

CAP. XI. Quibus victimis fa-
ctum in Suouetaurilibus. Dio-
nysius Halicarnass. emendatus.

14

CAP. XII. Ciceroni labes duæ
deterse. 15.

CAP. XIII. De duplici Plauti
loco coniectura. 16.

CAP. XIV. De verbo Populares
quædam non protrita: vox po-
puli latè patens. In Glossario
vetere diuinatio. 17.

CAP. XV. Lux Hirtio. 18.

CAP. XVI. Quinctiliani locus in
Declamat. purgatus. 19.

CAP. XVII. Quid sinus togæ.
Quinctilianus illustratus. 20.

CAP. XVIII. Medicina Liuij
duobus vulneribus. 22.

CAP. XIX. Valetio Maximo
vox fugitiua restituta. 23.

CAP. XX. Antilogiam in Cæsa-
re videri. 23.

CAP. XXI. In Liuiio vera scri-
ptura reposita. 24.

CAP. XXII. Quæsitum super
loco Cæsaris. Curicta insula.
Appianus correctus. 24.

CAP. XXIII. Liuius de opinio-
ne emendatus. 26.

CAP. XXIV. Vocula Cæsari red-
dita. Ærarium sanctius ab eo
apertum. 26.

CAP. XXV. Liuij & Silij ἀβελήσα.
28.

CAP. XXVI. Curtij numeralis
error de exercitu Darij. 29.

CAP. XXVII. Antilogiæ suspi-
cio ab Hirtio & Suetonio segre-
gata. 30.

** 3

CAP.

CAP. XXVIII. Liuij locus corrigitur & declaratur. 31.

CAP. XXXIX. Vitium in Curtio animaduersum. Roxanè Oaxthris, nò Cohortani filiam fuisse. 31.

CAP. XXX. De Circo & mappe missione. 32.

CAP. XXXI. Desperatus & depositus Liuij locus sanatus. 33.

CAP. XXXII. Conatus in duobus Hirtij locis emaculandis. 34.

CAP. XXXIII. Q. Curtius aliquoties castigatus. 35.

CAP. XXXIV. Quid Abacus & Delphica. Quando Romam & vnde aduecti. Quà materià:

quomodo vasa in iis disposita. In Plinio coniectura. 36.

CAP. XXXV. Cæsaris quædam loca tentata. 38.

CAP. XXXVI. In Liuiio diuinationes. 39.

CAP. XXXVII. Curtij duo loci pristino nitore restituti. 39.

CAP. XXXVIII. De Armillis collectanea. Glossæ & Isidorus emendati. Tertullianus illustratus. 40.

CAP. XXXIX. Coniectura triplex in Liuiio. Vaa in Ammiano. 42.

CAP. XL. In Polybio loci nomen de opinione repositum. 43.

LIBRI II.

CAP. I. Vestibus olim versus & tituli inscripti. sed & imagines intextæ. 45.

CAP. II. Mendum è Propertio extritum. Sententia melior & argutior reposita. 47.

CAP. III. Liuij locus de coniectura correctus. 48.

CAP. IV. In Hirtio coniectura. Verba in ordinem reposita. 49.

CAP. V. Lucani incogitantia & *ἀπερονοσία*. 50.

CAP. VI. Liuius lux & sanitas 50.

CAP. VII. Taxatus Cæsaris locus & tentatus. 51.

CAP. VIII. De simpulo siue simpulio. Scholiastes Iuuenalis & Varro correcti. 52.

CAP. IX. Duum Liuij locorum correctio. 53.

CAP. X. Petronius correctus &

illustratus. 54.

CAP. XI. Liuij locus emaculatus. 54.

CAP. XII. De veste militari. Publius blicius ea data. Sagum, Lacerina, Pænula, Armilaua. De colore vestium militarium disceptatum. 55.

CAP. XIII. Occultior significatio vocis Commeatus, & exempla. 58.

CAP. XIV. Soleis feminarum infertur clauis, gemmae. Calcei purpurei, inter puncti auratis prælati. Crepidæ æratæ. Calceipedum quasi vincla. 59.

CAP. XV. De numero copiarum Rom. ad Cannas. Liuius ex Siliis emendatus. 61.

CAP. XVI. Veteres haut semper ad legem Grammaticorum scripsisse,

- plisse, eique rei exempla. 62.
CAP. XVII. Agellij duo fœd. f. fima stigmata sublata. 63.
CAP. XVIII. Vlpianus explicatus de Sparsionibus equorum. Quid Spartor? 64.
CAP. XIX. Percutiendi verbum rariore significato. 65.
CAP. XX. De tunica interiore disceptatum. Ovidius, Plutarchus, Agellius explicati. 65.
CAP. XXI. Περιεργία & curiositas Pauli Louij. 67.
CAP. XXII. In Agellio glossemata quædam expuncta 68.
CAP. XXIII. Dissensus scriptorū in annis imperij Titiani. 69.
CAP. XXIV. Suus numerus Suetonio restitutus. 70.
CAP. XXV. De sâeris Apicibus, eorumq; materiâ & formâ. Galerius, Albogalerus, Apiculum. Varronis lectio defensa. 71.
CAP. XXVI. Iuuenalis emendatus & secus quàm vulgò enarratus. 74.
CAP. XXVII. Suetonius & Dio, siue potius Xiphilinus, leui correctione in gratiam reconciliati. 75.
CAP. XXVIII. In Scholiaste

- Iuuenalis vetus scriptura integrata. 76.
CAP. XXIX. Iulij Frontini de Strategematis pluscula loca sanata. 77.
CAP. XXX. Adoratio sacræ purpuræ. Non omnes ad eam promiscuè admissi. A Constantio cœpit, & hodie etiam in vsu. 79.
CAP. XXXI. Qui Diui fratres in Lampridio. Vopiscus correctus. 80.
CAP. XXXII. E Iulio Frontino plura vitia sublata. 81.
CAP. XXXIII. De versibus aliquot Claudiani cōiecturæ. Numeri militares. 82.
CAP. XXXIV. De cultu sacrarum arborum. Longè lateque diffusam hanc superstitionem fuisse, & in Conciliis sæpè damnatam. 83.
CAP. XXXV. Frontinus de Aquæductib. duobus locis correctus. 85.
CAP. XXXVI. De pueris ac puellis alimentariis. 86.
CAP. XXXVII. In Claudiano diuinationes. Dissensus à viro docto. 88.



THEOGNIS.

Τὸς ἀγαθὸς ἄλλῳ μάλα μέμφεται, ἄλλῳ ἐπαίνει·
Τῶν δὲ κακῶν μῆνιν γίνεται ἑδεμία.

Ille bonos culpat grauiter, hic laudibus ornat;
Prauorum verò mentio nulla hominum.

PHILIPPI RVBENI
ELECTORVM
LIBER I.

CAPVT I.

*Mos antiquus in opidis condendis . Depalare quid
apud Tertullianum. Vrbis unde dicta.*



DIERSA sunt hominum studia,

** Kai αἰνός ἀνὴρ καὶ δὴν ἰαλῆται.*

** Et alia
res alij vo-
luptatem
creat.*

Me quidem, vt verum proloquar, antiqua
delectant. Quippini? inter vetera tot mo-
nimenta, quæ passim in oculos incurrunt,

——— ** οὐκ ἔστι δ' ἐχρὲς εἰσπρόσκειν.*

** - habet
stupor aspi-
cientem.*

Itaque paullatim è Scriptoribus collectum
imus, quæ maximè eò facere videntur, vt

varijs inter se locis comparatis & quasi collisis abstrusum veri-
tatis lumen effulgeat. Specimen aliquod in his libellis vnà cum
Criticis dabimus, & initium quidem ab opidis condendis, omi-
nis causâ, sumemus. Primum igitur obseruo, palis siue termi-
nis, qui opidum condituri essent, spatium ei destinatum signa-
se & finisse. Liuius lib. I. Pomerium dicit esse circa murum locum,
quem in condendis vrbibus quondam Etrusci, quâ murum ducturi erant,
certis circa terminis inauguratò consecrabant. Ex quibus verbis, non
tam muri locum, quàm largiùs quicquid pomerij esset, termina-
bant. Ita & Varro IV. De L. L. Cippi pomerij sunt circa Romam.
Tacitus de Româ vetere, lib. XII. Inde certis spatijs lapides per ima
montis Palatini. Tertullianus hoc dixit meo animo, Depalare. vt
in Apologet. cap. x. Mons, quem incoluerat, Saturnius dictus; ciui-
tas, quam depalauerat, Saturnia vsque nunc est. Et Metaphorâ scitâ,
aduersus Hermog. cap. xxix. Omnia opera sua Deus ordine con-

A

summauit,

summanit, incultis primò elementis depalans quodammodò mundum, debinc exornatis velut dedicans. Nec aliter aduersus Marcionem lib. v. cap. vi. de Paulo Apostolo: Nam quòd architectum se prudentem affirmat, hoc inuenimus significari depalatorem disciplinæ diuinæ. Vbi quod interpretes explicant, Propalatorem, & quasi à palàm deducunt, haud placet, & priores sanè loci refutant. Sed architectum ille explicat quasi conditorem, & qui fines posuerit disciplinæ diuinæ. Ergo primùm termini. quid deinde? Aratrum terræ impressum formâ & modo, quem Cato apud Isidorum promit, lib. xv. *Qui urbem nouam condit, tauro & vacca aret: vbi arauerit, murum faciat: vbi portam esse vult, aratrum sistat, ut portam vocet.* Similia aut plura Io. Zonaras in Romulo: Ρωμύλος θάλας τὸν ἀδελφὸν ᾤκισε τὴν πόλιν, καὶ βοῦν ἄρρενα συζύγας ἔθηκε, καὶ ἄροτρον ὄντι χαλκῷ ἑμβαλὼν, αὐτὸς μὲν αὐλακὰ βαθεῖαν κυκλοτερεῖ περιέγραψεν. οἱ δὲ ἐπὶ τοῖς τοῖς βόλαις, αἱ ἀνίστη τὸ ἄεστρον, εἰσω πᾶσαι τῆς αὐλακὸς περιέσφρον. καὶ ὅπου μὲν ἔμελλε τὸ πείλος ἀνίστασθαι, καὶ ὧς εἰρηται, ἡ αὐλαξ ἐτέτμητο. ἔνθα δὲ πύλας ᾤκηται διανοεῖτο, δὲ λειμῶνα ἐποιεῖτο τῆς αὐλακὸς, τὸ ἄεστρον ἀνίσχοντες ὑπερθεῖν. Πᾶν μὲν γὰρ πείλος νομίζουσιν ἱερὸν. τὰς δὲ πύλας εἰπεῖν ἤγνοτο ἱερὰς, οὐκ ἔτι τὰ μὲν δι' ὧν εἰσάγει, τὰ δὲ διαπύμπειν ἤν' ἀναγκαῖον ἐν μὴ καὶ παρῶν. Romulus cum fratrem sepelisset, urbem condidit, & bouem marem vacca adiungens, areumque vomerem aratro inferens, ipse sulcum profundum in orbem circumduxit. qui sequebantur glebas, quas aratrum excitasset, omnes intra sulcum reiciebant. Atque vbi murus extruendus erat, ut dictum est, sulcus ducebatur: vbi verò portas statueri volebant, interruptio sulci atque intervallum fiebat, aratro sublato. Nam omnem murum sanctum arbitrantur. Quòd si idem in portis, tum nec inferre nec efferre per eas necessaria liceret & quæ non pura. Similia Plutarchus in eâ re, imò ab ipso Zonaras, qui sæpè eum transcribit. nisi quòd vbi hîc αὐλακὰ βαθεῖαν κυκλοτερεῖ περιέγραψε, sulcum profundum in orbem circumducit, ille αὐλακὰ βαθεῖαν περιέγραψε τὸς τέμμεσι, sulcum profundum circumducit terminis. vbi benè hoc de terminis tangit, & non facit priscam Romanam circularem: vti certè nec fuit. Dionysius quidem disertè, vbi hæc narrat, περιέγραψε τετραγώνον ἡμίμα τῆς λῶφης, colli quadrangulam figuram circumscribit: & Festus indicat in voce Quadrata. Addit Dionysius: Εἰς τὴν Ρωμαίους τῶν τῆς περιεσφοντος ἡμῶν χωρίων ἐν δικαστοῖς πόλει ὡς ὁρίζονται. Ex quo Romanis istud de circumaratione in

condendis

condendis opidis hodieque manet. Varro hoc quoque totum, vt ple-
raque antiquitatis (exstaret modò) monuit lib. iv. De L.L. *Opi-*
da condebant in Latio Etrusco ritu multa, id est, iuuentis bobus tauro &
vacca interiore, aratro circumagebant sulcum. Terram unde exscalpse-
rant, Fossam vocabant, & introrsum factum, Murum. Postea quod
fiebat orbis, Vrbs. Sed quod est introrsum factum, putarem me-
lius, iactū. vti ex Zonarā & Plutarcho discimus fieri solere. Cu-
mulus scilicet ille terræ, siue porca altior appellata Murus. De
hoc sulco & Festus: *Primigenius sulcus, qui in nouā vrbe condendā*
tauro & vacca designationis causā imprimitur. Tangit Isidorus:
Vrbs vocata ab orbe, vel ab vrbo parte aratri, quod in nouā vrbe condendā
adhiberi solet. Et Pomponius tit. De verb. sign. *Vrbs* ab vrbo appel-
lata est. *vrbare* est aratro definire. & Varus ait, *vrbum* appellari cur-
uaturam aratri, quod in vrbe condendā adhiberi solet. Hinc est illud,
virī. Optauitque locum regno & concludere sulco.
Sed & Manilius de toto more, lib. iv.

*Vrbi*bus augebit terras, iuuentis que iuuentis

Mænia succinctus curuo describet aratro.

Et signum coloniarū opidive conditi taurus & vacca, aut alter co-
rum, in numis passim. Quod ipsum Romæ in veteri vrbe Tac-
itus agnoscit xii. Ann. Foro Boario *æneum tauri simulacrum* aspi-
cimus, quod id genus animalium in condendis opidis aratro subditur. Et
Xiphilinus de Commodo: Τὴν δὲ Πάριον ἀθάνατον, ὅπου καὶ κολῳίαν,
αἰκουμένην τῆς γῆς (καὶ γὰρ ἀπικον αὐτὴν ἑαυτὴ δὲ καὶ ἐξούλετο) ἐπιτομήμασε. καὶ
ἀνδραγὰς τε αὐτῶν χρυσοῦς χιτῶνα λιτρῶν μετὰ τε Γούρῳ καὶ βοδὸς Ἰνδίας ἐξέτετο.
Romam immortalem, fortunatam coloniam, orbem terrarum appella-
uit. volebat enim omnino urbem suam esse coloniam videri: & idē
statua ei aurea mille librarum cum tauro & vacca posita est. Nec verò
in condendis solū opidis, sed & euertendis, adhibitum ara-
trum. Seneca de Clement. lib. i. cap. vlt. *frungere testis ignem, ara-*
trum vetustis *vrbi*bus inducere, potentiam putat. Horatius: 1. car.
ode 16. — imprimeretque muris

Hostile aratrum exercitus insolens.

Adde IC^{um} L. xxi. Quibus mod. vsus fr. amitt. & fatis erit exem-
plorum. At frustra est totaque errat viā Cælius Rhodiginus,
cū hæc verba Ciceronis, vt vexillum videres, & aratrum cir-
cumduces, ad excidium referenda censet; quæ nemo non videt
eundem errorem fouet Lamb. ad J. ver. H. A. 2 ad de-

ad deductionem coloniæ pertinere. Sed non est lege agendum cum eo, cui nihil pensius fuit, quàm multa concēturiare, numerumque librorum & grandes titulos ac lemmata venditare. Extremum erit quod Festus scribit in *Quadrata*: locum ante templum Apollinis in Palatio sic dici, *vbi reposita sunt, quæ solent boni ominis gratiâ in vrbe condendâ adhiberi.*

CAP. I I.

*De communi loco quid præter Plantum
Artemidorus.*

PRologus Plautinus, sed non Plauti, sic ait:

Eâ tempestate flos poetarum fuit,

Qui nunc abierunt hinc ad communem locum.

Clara res est, omnesque scimus eum significari locum, quod imus omnes. Tamen quia sumpta ea dictio è communi vulgi sermone, pro bono facturus mihi videor, si fido teste firmem. Is est Artemidorus lib. i. cap. LXXX. Narrat quendam per somnium *sibi visum in lupanar ingredi, nec posse inde retroire.* Is, inquit, *post aliquot dies mortuus est. merito.* Κενός γὰρ ὁ τόπος οὗτος καλεῖται, ὡς καὶ ὁ τίς νεκρὸς δεχόμενος. *Communis enim locus ille appellatur, ut & is qui mortuos suscipit.*

CAP. III.

Ciceronis oratio pro Sullâ mendis aliquot expurgata.

POST tot eruditos homines, qui in Cicerone emendando multum & laboris & operæ consumpserunt, superesse videntur quæ notemus. Oratione pro Sullâ Cicero in Torquatum inuchitur, quod ab eo peregrini esset nomine affectus. Sic enim inter alia:

Ac si, Iudices, ceteris patricijs me & vos peregrinos videri oporteret, à Torquato tamen hoc vitium siceretur. Est enim ipse à materno genere municipalis.

Vitij vox hic vitiosa, & substituam libens, *conuitium*. Peregrinitatem enim vitium, nisi valde *ἀνέγος* haud dixeris. Quod inferius, pollutum videtur:

Permitto

Permitto aliquid iracundiæ tuæ, do adolescentiæ, cedo amicitia, tribuo parenti. Sed nisi aliquem modum vitæ constitueris, coges oblitum me nostræ amicitia habere rationem meæ dignitatis.

Cur enim modum vitæ hîc postulet? imò linguæ. Sed vera lectio scripti libri: *aliquem modum tute constitueris.*

Nemo vnquam me ne tenuissimâ quidem suspitione perstrinxit, quem non peruerterim.

In membranâ reperio, *quem non pertulerim ac perfrigerim.* Verè, si perculerim legas.

Ac si considerare cæperis, vtrum magis mihi hoc necesse fuerit facere, an tibi: intelliges honestius te inimicitarum modum statuere potuisse, quàm me humanitatis.

Est inibi, *an istud tibi.* quod verbum sententiæ planè est opus: quia defendere sibi Cicero sumpterat; Torquatus accusare.

CAP. IV.

Ciceronis lectio defensa. Vehens pro eo qui vehitur.

Multa quidem Dionysius Lambinus in Cicerone correxit; quædam verò deprauauit. velut in hoc loco è Bruto, siue De claris Oratoribus:

Sed in te intuens, Brute, doleo, cuius in adolescentiam per medias laudes quasi quadrigis volantiem transversa incurrit misera fortuna reipub.

Sic ipse edidit, cum antè libri *vehentem* haberent: quod negat ferri posse, ceu ineptum loquendi genus. Nam *equus, currus, quadrigæ vehunt; non autem res vlla vehit equo, curru, quadrigis.* Tène hoc dicere, ijs litteris, eâ eruditione virum? Ineptè igitur locutus est Quadrigarius Annal. vi. *Ei Consuli pater Proconsul obuiam in equo vehens venit, neque descendere voluit.* Liuius apud Carisium lib. 11. *Ibi manens sedeto, donicum videbis me carpento vehentem domum venisse.* Apul. 1. Miles. *Equo per albo vehens.* Lampri-
diius Ela galalo: *Quæ earum carpento, quæ equo veheret.*

* Ἀλλ' ἐγὰρ πῶς ἐς τὴν αὐτῆς ἡμετέρας αἰῶν

Ἀνδρῶτα. —

Humanum est labi, errare, nescire, decipi.

* At nō est
homini vi-
gilanti per-
petuū esse.

CAP. V.

De die Lustrico plura veterum scriptorum loca. Diuersus is pro sexu. Aristoteles & Plautus explicati.

DE Lustrico die quod variè scriptum est, & ἀγιομνηστικὸν videtur, hoc capite exequi, & vno velut fasce completi mens est. Et, vt exordiar à Festo, Lustrici dies, ait, infantium appellantur, puellarum octauus, puerorum nonus, quia his lustrantur, atque eis nomina imponuntur. Ergo purgatur tunc lustranturque, & ipse bonâ iam vitæ, nomina imponuntur. Discrimen hoc in vtroque sexu de die lustrico etiâ Plutarchus obseruauit in Quæst. Rom. CII. Διὰ τὴν ἡμέραν μὲν παίδων τοὺς ἀγῆσαν ἐναυαίους, ἡμέρας δὲ θήλειαν ὀγδοαίους τὰ ὀνόματα τίθενται; *Quare pueris maribus nono die, puellis octauo nomina imponunt?* & causas deinde suas addit. Idem Macrobius I. Saturn. cap. XVI. Est etiam Nundina Romanorum Dea, à nono die nascentium nuncupata, qui lustricus dicitur. Est autem lustricus dies, quo lustrantur, & nomen accipiunt: sed is in maribus nonus, octauus est feminis. M. Antoninus Imperator mutasse videtur, ac tricesimum diem præfinisse. Ita enim Capitolinus de eo: *Iussit apud Præfatos æuarij Saturni vnumquemque ciuium natos liberos profiteri, intra tricesimam diem nomine imposito. Vbi tamen alij legunt, intra tertium diem.* Nomina autem hæc dare proximi sæpè solent, qui ritus hodieque valet. Suetonius Neronis cap. VI. *Futurae felicitatis signum euident lustrico die exstitit. Nam C. Cæsar, rogante sorore, vt infanti ei, quod vellet, nomen daret, intuens Claudium, eius dare se dixit.* Vbi nomen pro prænomine capiendum, quia ipsa gentilia nomina certa semper eademque erant; at Prænomina modò mutabant. Hoc ipsum de propinquis Polyænus indicat, Strateg. lib. VI. exemplo VI. de Iafone, qui nato sibi puero, primores Thessalorum ad conuiuium vocauit, vt nomen puero imponeretur, atque in ijs fratrem Merionem, vt is primas in eo actu terneret. Imò totum hoc Romani à Græcis sumpsere, etsi in die leuiter dissidentes. Nam Græcis decimus erat qui istis nonus. Præter alios Suidas: Δεκάτῳ ἐστὶν αὖτε, ἢ τὸς μὲν παίδων συγχρονισμένῳ τοῖς Ἀθηναίοις ἀσσοῖς τῇ δεκάτῃ ἡμέρᾳ νυκτὶ δὲ τῆς γαμήσεως συγκαλεῖσθαι τοὺς πατέρας &

Ἔως & μετῴς οἰκίοις καὶ τοῖς ἐγγύτατα φίλοις καὶ παρὲνταιν ἐμείνων τὰ τ' ὀνόματα τοῖς παισὶ τίθεσθαι, καὶ καλερεῖσθαι τοῖς θεοῖς. ἔπειτα τοῖς συνεληθῆσας ἐωχάει: *Decimam conuiuari. Mos erat cum pueri nati essent Atticis civibus, decimā noctium à natali conuocari paternos maternosque cognatos & amicorum proximos, atque ijs presentibus nomina pueris dare, & Dijs sacrificare; denique qui conuenissent conuiuari. Aristophanes in Auib. de hoc ritu:*

Οὐκ ἄρτι θύω τῷ δεκάτῳ αὐτοῦ ἐγώ,

καὶ τ' ἔνομ' ὡς περ παιδὶ κρυῷ δὴ θέμῳ.

Non ergo decimam nunc sacrifico ob hanc ego?

Et nomen illi iam velut puero dedi.

Vbi Scholiastes: Σαφές ἐπὶ τὰ ὀνόματα τῶν παίδων ἐτίθεσαν τῇ δεκάτῃ. *Notum quod nomina infantibus imposuerunt decimā. Sed & Euripides in Electrā:*

Ἦ καί σαι, οἴμαι, ἥν' ἐμὲ λοχόματ' ἔχων.

Τέττον ὑπὲρ μου θύσον· ἐγὰρ οἶδ' ἐγώ.

Δεκάτῃ σελήνῃ παιδοῦς, ὡς νομίζεται.

Et partionem audisti, opinor, tu meam.

Pro me sacrifico (ego ipsa ritum nescio)

Decimā puelli luce, sicut mos habet.

Ita isti. At Aristoteles de septimo die scribit, quod miremur. In Historiā Animalium lib. vii. cap. vltimo: Τὰ πλεῖστα δὲ (παιδιά) ἀναίρεται πρὸς τῆς ἐβδομῆς· διὸ καὶ τὰ ὀνόματα τότε τίθεται, ὡς περ δυνάτες ἦδη μᾶλλον τῆς σωτηρίας. *Plerique puerorum moriuntur ante diem septimum: ideoque & nomina tunc imponunt, tanquam iam de salute magis fidentes. Sed licet accipere tunc non ita strictè, nempe circa & post septimum diem. Plautus non mouebit, qui in Truculento, quasi ex more Græciæ:*

Quin Dijs sacrificare hodie pro puero volo.

Quinto die quod fieri oportet. DIN. Censeo.

Nam illa sunt Amphidromia Græcorum, quinto die vñitata. de quibus Suidas, Hesychius & Athenæus. At nostra hæc sunt Nominalia ab illis diuersa. Dico Nominalia: nam & sic ille dies appellatus. In Glossis: *Nominalia, ὀνομαδεσία*. Tertullianus de Idololatriā cap. xvii. inter officia priuatarum sollennitatum recenset *Nuptialia, Nominalia*, quibus, vt mox significat, *nomen solet imponi*. Atque hæc de Lustrico die.

CAP. VI.

Quis Antiochus rex apud Plantum.

L Epidè & facetè à Plauto scriptum in Pœnulo:
 — *vbi ego curer mollius,*
Quàm regi Antiocho oculi curari solent.

Sed enim quæ caussa huius dicti? Lambinus & alij negant quicquam super hac re legisse. Ego videor aliquid, parum plenè, & ab Historico in rebus grauibus, *ὡς ἐν παρόδῳ* scriptum, tamen quod satis sit ad rei fidem. Antiochus Syriæ rex, Seleuci Callinici filius solitus ex oculis laborare, & vti medico Apollophane in his alijsque rebus magis arduis curandis. Colligimus ex Polybij v. vbi narrat Hermæ eadem, concinnante hoc medico & annuente rege patratam: *Συμπεποίησαντες*, inquit, *καὶ ταῦτα καὶ Θεοβάλδωροι συνέψαν*, *ὡς σκοτωμάτων τινῶν ἐπιπεπληκότεον τοῦ βασιλέως, τὴν μὲν διεργείαν ἀπέλειπον ἐπὶ πᾶσας ἡμέρας*, & plura quæ addit. Sed ex his vides *σκοτώματα*, id est, caligini oculorum obnoxium regem fuisse; & haud dubiè pro more Syriaco, sed & regio, molliissimè curatum. Nam, vt vel obtentus hic morbus infidijs (id enim aliquis fortasse dixerit) neque re, sed verbo malè Regi fuerit; vero tamen omnino simile est, iam antè eodem illotentatum, fideique conciliandæ genus morbi simulasse & notum & familiare. Et quamquam *τὸ σύνεσμα* pro *δίω* quoque, id est, vertigine sumitur, hîc tamen, & propriè quidem, hebetudinem visus atque caliginem significat. Idque pòst paullo modus curationis confirmat per motum & inambulationem matutinam, quæ ad oculariam ægritudinem proficiant; ad vertiginem non item: quemadmodum pro affectu, & eo quod inter nos est

Alternum sanctæ fœdus amicitie,

Nonnius docuit me Lud. Nonnius, qui supra liberalem omnem doctrinam καὶ τὴν ἰατρικὴν à patre & auo maiorum gentium medicis velut iure hereditario possidet.

CAP.

CAP. VII.

Restitutio loci Ciceroniani. Velia pro Villâ.

IN Oratione de Aruspicum responsis:

P. Valerio pro maximis in rempub. beneficijs data domus est in Villâ publicâ; at mihi in Palatio restituta: illi locus; at mihi etiam parietes atque tectum.

Sunt hæc à ratione & veritate longè auersa. Nam quomodo domus in domo sit data? cùm ipsa Villa publica ædificium fuerit, quemadmodum in nummis videre est: atque adeò in campo Martio, procul sanè à loco, vbi Valerius, consensu omnium, habitauit. Corrigebat Pantagathus, in *Vico publico*: Antonius Augustinus in *Viâ sacrâ*. Vtrumque, ἀέροντι παρῆναι. Nec enim de vico illo potest verum esse, qui non in regione eâ Palatij, sed *altæ Semitæ*, vt descriptores Urbis memoriæ prodiderūt, & imposuit illi viro, cui tamen pleraque veterum litterarum quesita meditataque erant, corrupta Liuij lectio. Non item de *Viâ sacrâ*, quia cū auctore nullo nititur, tum à libris nimium quantum abhorret. Ego meo remigio rem geram:

* Ὡς δὲ μοι φερίεντι δόξασατο κέρδιον εἶναι,

* Sic inquiranti mihi visum rectius esse.

data domus est in Velîâ publica. Profectò ita res fuit. Cùm in summâ Velîâ ædificare Valerius cœpisset, idque suspectum populo, tanquam arcem moliretur, *confestim* (ait Liuius) *delata materia omnis infra Veliam, & vbi nunc Vicæ Potæ est, domus in infimo cliuo ædificata.* Et Asconius, an potiùs Varro, firmamentum addit. Nam Asconius in Pisonianam scribit, Varronem tradere, *P. Valerio Volefi filio Poplicolæ ædes publicas sub Velîâ, vbi nunc ædes Victoriæ est, populum ex lege, quam ipse tulerat, concessisse.* Vica Pota enim & Victoria eadem vna Dea. Docet hoc incomparabilis vir & nullo non præconio maior I. Lipsius lib. II. Quæstionum Epist. & Notis in Ludum Senecæ: atque etiam Isidorus, disertè scribens, *Viciam* antiquis dictam, quæ nunc *Victoria* est: in quo si *Vicam* rescribamus, habemus hanc *Diutam*. & in veteri codice legi, *Vitam* pro *Vicam*, quod est à *Vico*. Sic enim veteres dixere *sine n*: vt *Tago*, *Frago*, *Pugo*.

B

CAP.

CAP. VIII.

In Cæsare compluscula correctiones.

Commentarios Cæsarianos multi studio doctrinæque præstantes homines illustrarunt; & nuperrimè quidem Ioannes Brantius vir clarissimus, & à iure civili, ab historiâ ac litteris politioribus benè instructus, Notis non modò suis illis perelegantibus & examussim bonis, sed etiam Petri Ciacconij, quas è schedis eius & liturarijs ingenti labore & industriâ collegit, in ordinem redegit, & vnâ vulgari curauit. Quo facto cùm studij propensæque in rem litterariam voluntatis illustre specimen dedit, tum magnam ab eruditis omnibus gratiam iniuit. Huius itaque, id est hominis *πολύ φιλέτης*, ceterorúmque quibus obtingit ea Sparta, pace bonaque cum veniâ, carptim ego quædam & vellicatim è Cæsare libabo.

Hac re perspectâ Crassus, cùm suâ cunctatione atque opinione timidiore hosites, nostros milites alacriores ad pugnandum effecisset, atque omnium voces audirentur, exspectari diutius non oportere, cohortatus suos, ad hostium castra contendit.

Qui rem & filum narrationis videt, fatebitur contra mentem Cæsaris hæc scribi. Nam quomodo suâ cunctatione Crassus timorem hostibus, alacritatem suis daret? imò contrà prorsus; & detrectantes metum pati solent. Addo, quòd hosites hîc, non Crassus, cunctentur: atque adeò ipse eos vltro in castris sedentes inuasit. Fuluij liber, *sua cunctatio atque opinio*: nihil pro re. ego sic emendabam: *cùm suâ cunctorumque opinione timidiore hosites*: & statim, numero plurium, *effecissent*. Sententia nimis est clara. De bello ciuili lib. i.

Eadem ferè atque eisdem de rebus Prætor Roscius agit cum Cæsare, sibi que Pompeium commemorasse demonstrat.

Vir doctus haud iniuriâ resistit, & hæc verba culpât. Quid enim aliud eadem dicere, quàm, *eisdem de rebus*? Hoc est verè * *δι᾽ αὐτῶν* *εἰπεῖν*, quod meritò Comicus in scitiam appellat. Tentabam mederi: *Eadem ferè, atque eisdem diebus*. vt hoc velit, non eadem solum mandata Roscium pertulisse, sed eodem quoque tempore.

Quod

* *Bi idem dicere.*

Quod verum esse, ex Dionē lib. xli. & ipso hīc Cæsare discimus. Eodem libro:

Decuriones Auximi ad Actium Varum frequentes conveniunt, docent iudiciū sui rem non esse: neque se, neque reliquos municipales pati posse, C. Cæsarem, tantis rebus gestis, opido manibusque prohiberi. Proinde habeat rationem posteritatis & periculi sui.

Nego hīc aptum esse *posteritatis* verbum: quia præsens istuc omne periculum imminebat, non in posterum expectabatur. Verius, *potestatis*. Callidè rogant scilicet, nec sine occultis minis: videat cogitètque, non quid velit solum, sed quid etiam possit. sese vel inuito eo Cæsarem admissuros, nec esse ipsum resistendo. quid autem futurum sic deserto? Paullum infra:

Gladiatores, quos ibi (Capuæ) Cæsar habebat, in forum produxit Lentulus * *libertati confirmat, atque ijs equos attribuit. quos postea monitus à suis, quòd ea res omnium iudicio reprehendebatur, circum familiares conuentus Campaniæ, custodiæ causâ, distribuit.*

* *Lip. libertate.*

Implexè & morosè dictum videtur, *familiares conuentus Campaniæ*. Qui enim isti sunt? Cicero qui in locis vicinis, & tantum non in re præsenti fuit, liquidò ita narrat, ut gladiatores distributi modò sint in vrbe ipsâ. Verba eius lib. vii. ad Atticū Epist. xiv. *Gladiatores Cæsaris, qui Capuæ sunt, sanè commodè Pompeius distribuit, binos singulis patribus familiarum.* Non ergo temerè credimus per alios conuentus Campaniæ distributos. Mihi stat legere: *circum familias conuentus Campani*. Conuentum Campanum accipio ipsos incolas & corpus Capuæ vrbis. Sic *conuentum Vticensem* infra nominat, sic *conuentum Cordubensem*: sic de hac ipsâ vrbe lib. iiii. *Periculum veritus, quòd conuentus arma ceperat.* Vide Festum de hac significatione in voce *Conuentus*: & Afconium, atque alios. Iam *Campanus* à Capuâ formatur, non *Capuanus*, quod Varro indicavit lib. ix. de L.L. Virgilius etiam:

Et Capys, hinc nomen Campanæ ducitur vrbi.

CAP. IX.

Oratio Ciceronis pro Sullâ duobus locis emendata.

GVsterius iterum aliquid è Tullianâ suadâ, Oratione pro Sullâ.

Ego verò quibus ornamentis aduersor tuis? aut cui dignitati vestra repugno? quid est quod iam ab hoc expetas? Honor ad patrem, insignia honoris ad te delata sunt. Tu ornatus erumnis venis ad eum lacerandum, quem interemisti; ego iacentem & spoliatum defendo.

Haud paullo pulcrior meliôrque lectio è m. f. eruitur, in quo est: *Tu ornatus eximijs*. Liquet scribendum: *exuuijs*. Imago ab ijs est, qui in bello hostem peremptum armis & ornamentis spoliant, eaque sibi circumponunt. Tale pænè hoc Taciti: *Cum ex funere Reip. raptis Consularibus spolijs, innoxios pueros, illustres senes, conspicuas feminas eadem ruinâ prosterneret.*

Et pro vulgarâ lectione;

Ecquod est huius factum aut commissum, non dicam audacius, sed quod cuiquam paullo minùs consideratum videretur, quero. Verbum ecquod vnquam ex huius ore excidit, vnde quisquam posset offendi?

• longe concinnior pleniorque libri eiusdem:

Ecquod est huius factum aut commissum, non dicam audacius, sed quod cuiquam paullo minùs consideratum videretur? Factum quero? Ecquod vnquam verbum ex huius ore excidit, vnde quisquam posset offendi?

CAP. X.

In Hirtio non parua rei coniectura, subam à Petreio casum; non, ut nunc vulgò legitur, hunc ab illo. Florus & Orosius obiter correcti.

IN Commentario de bello Africo locus est asper & confragosus, quem ἐμαλὼν & planum reddo.

Rex

rabotux, inégat.

Rex interim Iuba ab omnibus ciuitatibus exclusus, desperatâ salute, cum iam conatus esset cum Petreio, vt per virtutem interfecti esse viderentur, ferro inter se depugnant, atque firmior imbecilliorum Iuba Petreium facili ferro consumpsit. Deinde ipse sibi cum conaretur gladio trahere pettus, nec posset, precibus à seruo suo impetrauit, vt se interficeret.

In phrasi scrupulus, & in ipsâ historiâ, ob dissensum. De phrasi illâ, cum iam conatus esset, scio M. Antonium Muretum * τοσῶτον * Tam alta doctrina βὰδ * παυδείας * rescribere, cum omnia conatus. Haud malè; verumtamen, pace tanti viri, verius arbitror, cum iam cœnatus esset. * In Notâ ad Sen. De Prouid.

Nam ista post epulas euenisse Florus dicit: Iuba cum se recepisset in regiam, magnificè epulatus cum Petreio. Sed & Appianus hoc factum prodiit ἐν τῇ δαίτῃ, in cœnaculo. Quod autem ad dissensum, noster hic à Iubâ vult Petreium interfectum, cum Florus & Liuius contrâ. Ego verò nec opinor aliter ab Hirtio scriptum, & planè emendem, imbecilliorē Iubam Petreius. Arguunt frequentia sic fuisse, cum addit superstitem à seruo suo impetrasse. De homine Romano hoc benè, cui serui & liberti; vix de Rege, cui comites aut satellites potius tribuisset. Denique nemo Iubam à seruo cæsum tradidit; quidam mutuis eos iectibus perijisse. Seneca ab hac parte, De Prouidentia: Jam Petreius & Iuba concurrerunt, iacentique alter alterius manu cæsi. Item Appianus: Ἰόβας δὲ καὶ Πετρήϊος ἄλλ' ἡνωμένων πτωθωνόμοιοι, ἐπὶ τῇ δαίτῃ ἐξέρεσι διεχέσσαντο ἀλλήλοις: Iuba & Petreius eorum quæ euenierant gnari, in cœnaculo mutuo se interfecerunt. Apertè pro Senecâ, vt mirum sit Muretum scribere quòd ab Hirtio sentiat. Sed & Dio in hac sententiâ: Ἐπειρ' ἐπειδὴ μηδεὶς αὐτὸν ἐδέξατο, ἀπέρρω τε πλεῖστω μέλειαν, καὶ τὸς Πετρήϊον μηδεμίαν μὴδ' αὐτὸς ἐλπίδα ἀδείας ἔχοντι, ἐμονομάχησε καὶ σὺν ἀπείδων: Deinde cum nemo eum (Iubam) susciperet, & desperaret de salute, cum Petreio, qui nec ipse vsquam spem securitatis videret, singulari certamine concurreuit, & vnâ cum illo mortuus est. Hæc ita isti; sed Hirtius aliter: ac Florus; Iuba cum se recepisset in regiam, magnificè epulatus cum Petreio fugæ comite, super mensas & pocula interficiendum se ei præbuit. Ille & regi suffecit & sibi. Obiter moneo, cum se recepisset in regnum. nam regiam certè non fuit ingressus, neque in hac ca gesta, sed in villâ. Florus autem ait, Petreium sibi ipsi manus attulisse, cæso Iubâ, quod Hirtius negat: & credibile est, meliùs

hunc scisse. Hauferat hoc ipsum è Floro, de more suo, Orosius: Iuba percussori iugulum, pretio dato, præbuit. Petreius eodem se gladio perfodit. Sed planum & certum est, emendandum, iugulum Petreio præbuit; & Glossematium vel imperitia contaminauit. Altera salebra:

Quibus rebus Scipio, quique cum eo essent comites, mirari & requirere.

Superfit enim dictio, quam exturbat codex scriptus, hoc modo: quique cum eo essent, commirari & quærere. Compositum hoc v. furpat, vt alia multa, Comicorum in morem.

CAP. XI.

Quibus victimis factum in Suouetaurilibus. Dionysius Halicarnass. emendatus.

Diuersæ olim victimæ pro genere sacrificij, proque Deo Deæve, cui fieret, adhibitæ fuerunt. Suouetaurilibus quidem, vt arbitror, ex ipsæ quas vox notat & designat, Sus, Ovis, Taurus. Ne tamen hoc inter res iudicatas habeatur, facit dissensus Dionysij Halicarnassensis, qui sacrum hoc instruit *ἑὸς καὶ κείῳ καὶ ταύρῳ, auro, ariete, hirco*. Hircum videlicet pro sue supponit. Quid ergo? magis illi fides vni, quam multis erit, bonis & priscis? Varro, cui talia satis exquisita sine dubio fuere, II. De re Rust. scribit: *Populus Romanus cum lustratur Suouetaurilibus, circumaguntur verres, aries, taurus*. Enimuerò & ille suam agnoscit, sed marem, quem verrem appellat. Quid Fabius? *Souetaurilia iam persuasum est esse ex sue, oue, tauro*. Festus: *Solitaurilia hostiarum trium diuersi generis immolationem significant, tauri, arietis, veris*. Glossæ veteres: *Solitaurilia, θυσία ἐκ αὐτοῦ, κείῳ, ἑὸς*: *Sacrificium ex sue, oue, tauro*. Asconius de lustris Censorio: *Solitaurilia sacrificium de sue, oue, tauro faciebant*. Quid quod etiam hodie Romæ in fornice Constantini plurimisque locis sacrum hoc specie trium istarum victimarum? Omnino Dionysij scriptio labare videtur, & fortasse Græcorum ei ritus in mente, apud quos interdum in tali sacro hircus. Suidas: *Τριττός, ἢ ἐντελής θυσία, ἐκ αὐτοῦ, κείῳ, καὶ ἑὸς*: *Trittus, perfectum sacrificium, ex sue, oue, hirco*. At creberri-

mè ijdem aliter . imò ipsum illud Romanum iam inde ab Homero, Odys. A.

Ρέξας ἱέρα καὶ ἀ Ποσειδάωνι ἄνακτι

Ἀφνειὸν, αὐτὸν τε, σὺν αὖν τ' ὀπιθεῖσθα καὶ ἄφρον.

Neptuno faciens sacra regi salspotenti

Masculam ouem, & taurum, suis verremq; maritum.

Ibi tamen Eustathius varietatem ostendit . & , ἴσθον, inquit , ὅτι ἡ τοιαύτη θυσία, ξιττύα λέγεται παρα τοῖς παλαιοῖς, οἱ ξιττύαν ἐλεγον τὴν ἐκ ξιῶν ζώων θυσίαν, οἷον δύο μύλων καὶ βόες, ὡς Ἐπίχαρμος, ἡ βόες καὶ αἰγὸς & ἀφροῦτα, ἡ καὶ ἄφρον καὶ κρεῖ καὶ ταύρου . Sciendum quòd tale sacrificium Trittya dicitur antiquis . qui ita vocabant ex tribus animalibus sacrum : sicut duarum ouium & vnius bouis, vt Epicharmus, aut bouis, caprae, ouis, aut verriis, arietis, tauri . Postremus hic ternio Homeri & noster est . Sicut idem in Hesychio : Τριπύαν, τριάδα, ἔναι θυσίαν καπερου, κρεῖς, αὐρῶς . Trittyan, triada, quidam sacrificium verriis, arietis, tauri . Et ampliùs deinde : Τριπυεῖα ἢ ξιττύα, θυσία Ἐνυαλίου . Δύεσσι δὲ πάντεσσι ξία ἑπορχα : Τριεῖρα siue Trittua, sacrificium Marti . Immolantur autem omnia tria cum suis testibus . Significat integra, neque abscissis virilibus (quod in alijs sacris solebat) immolata fuisse . Atque ideo Solitaurilia priscâ voce, quòd harum hostiarum omnium (verba Festi) inuiolati sunt tauri , quae pars scilicet ceditur in castratione . Tauros appellat ipsas illas res viriles , vt in alijs exemplis . Sed notetur in Hesychij verbis , Marti factum sacrum . quod ipsum Dionysius : Τὰ δὲ ἱερεῖα αὐτὰ εἰς ἀεὶ ἀρχθῆναι περὶ τὸ σεαυτοπέον καλῶσαις ἔθνεσσι κατέχον τὸ πεδίον Ἀρεῖ . Eas verò victimas, ter circumductas exercitum, Marti immolauit . Sed quid igitur in dissensu pronuntiandum ? Dionysij scriptorem (hoc malo, quàm ipsum) aberrasse videri, & καὶ ἄφρον pro τράζω, verre pro hirco, substituendum .

C A P. XII.

Ciceroni labes duae deterſa.

AD Ciceronem redimus, qui plurimùm nobis in mente & manu. In libris eius, quos emendatos censemus, legitur, pro M. Caelio:

Quo quidem tempore ille moriens, cum iam ceteris ex partibus oppressa

pressa mens esset, extremum sensum ad memoriam reipub. reservabat (vetus codex, reuocabat:) cum me intuens flentem, significabat interruptis atque morientibus vocibus, quanta impenderet procella vrbi, quanta tempestas ciuitati, & cum parietem sæpè feriens eum qui cum Q. Catulo fuerat ei communis, crebrò Catulum, sæpè me, sæpissimè remp. nominabat: ut non tam se emori, quàm spoliari suo præsidio cum patriam tum etiam me doleret.

Quæ ille de Q. Metelli morte insidijs & fraude vxoris conciliatâ narrat, aptatque orationi planè ad suum casum. At quod dicit, *quanta impenderet procella vrbi*: haud germanum videtur, ex ipsâ re, quoniam bis idem dixerit, *vrbi, ciuitati*; & ex librorum dissensu. Quidam enim: *quanta impenderet procella sibi*. Fortè ciui. Moriens duo nempe hæc ominabatur & prædicebat: cladem ciui, idest Ciceroni, & cladem patriæ. Ita sensisse eum & dixisse Ciceronis verba satis clarè ostendunt; sed maximè ista: *spoliari suo præsidio cum patriam tum etiam me doleret*. Vulgatam tamen lectiorem non utique reiijcimus; nec ignoramus, inter urbem & ciuitatem discriminis aliquid esse. Pro C. Rabirio istud corripo:

At Diocetes fuit regius, & quidem in custodiâ etiam fuit regiâ, & vita eius oblata pænæ est. multa præterea quæ libido regis, quæ necessitas cõgît ferre, pertulit.

Corripo, inquam: & *vita eius ablata pænæ est*. Cicero ipse inferiùs: *Pertulit ipse custodiam, vidit in vinclis familiares suos, mors ob oculos sæpè versata est*. Coniectura, fateor, hæc est; sed apud æquum & cordatum lectorem satis firma. ἢ δὲ Μεγαρέων ἐδ' εἰς λόγος. Fidentiùs vt loquar, facit assensus & approbatio R. P. Andreæ Schotti; in quo viro, præter pietatem in Deum, animi candorem, humanitatem, & multam accuratamque doctrinam, inexplabile prorsus & incredibile quoddam studium rem litterariam omnimodis adiuuandi.

C A P. XIII.

De duplici Plauti loco coniectura.

Plauti Stichus:
Adeunt, perquirunt quid fiet causâ ilicò,

Alienum

Alienum æs cogat, an pararit prandium?

Vxorin' sit reddendâ dos diuortio?

Curiosos ac *πρωτοεργονοας* notat, qui, si quis auctionem instituit, statim quærunt causas. Obruitur ne ære alieno? an prandiū instituit? an ab vxore diuortit? & causæ quidem aliæ satis iustæ & idoneæ; illa remotior & *παρὰ δόξαν*, de prandio. Obsecro, vniū sine prandij causâ faciendâ auctio? valdè ille sit inanis atque inops, qui eo rem absumat. Certum est litteram mutatam, & primitus scriptum fuisse, *praidium*, id valet prædium. Causæ seriæ sunt, non parasitica. Quærunt de ære alieno, de parato emptōve prædio, de dote reddendâ. Huic annotationi libet alteram *ἐπιμύθεϊν*, è Truculento:

A S. *Erubui mecastor misera propter clamorem tuum.*

S T. *Itane erubuiisti: quasi verò corpori reliqueris*

Tuo potestatem coloris vlli capiendi, mala.

Buccas rubricâ, cerâ omne corpus intincti tibi.

Mirum de cerâ; magisque placeat, cretâ; quæ cum rubricâ aptè iungatur. Nam vterque color in vsu fæminis, quæ vitia corporis, vt Plautina ponam verba, *fusco occulunt*. Idem alibi per translationem:

Creta est profectò horum hominum mihi oratio.

quæ videlicet maculam & sorditudinē omnem animo absterfit.

C A P. X I V.

De verbo Populares quadam non protrita. Vox Populi latè patens. In Glossario Vetere diminutio.

VAgamur huc & illuc,
Floriferis vt apes in saltibus,
 & erraticâ scribendi ratione varia libamus. Et nunc quidem super voce *Populares* adferre quædam mihi visum. Significantur eâ consortes & qui eiusdem cœtus factionis que sunt, ac velut vnius populi. Sallustius: *Catilina cum ad insurandum populares sceleris sui adigeret*. Seneca De vitâ beatâ: *Mea quidem hæc sententia est (inuitis hoc nostris popularibus dicam) sancta Epicurum & recta præcipere*. *Populares* vocat suos Stoicos, in quibus & ipse censetur.

batur. Sic idem Sallustius: *Quod factum primò populares coniurationis concusserat. Iterumque in Iugurthâ, etsi paullo aliter: Animaduertit fugam ad se versum fieri, quæ res indicabat populares esse.* id est, Romanos & suos milites. Et an non milites etiam interpretemur? In Glossis legitur: *Populares, exnotat.* Quod tamen suspectum; & verius immisâ negatione, & *exnotat: non milites.* Nam ita passim, medio vel inferiore ævo, distincti ferè à militibus, & pro plebeiis & infimo populo vsurpati. Capitolinus in Antonino: *Pestilentia grauis multa millia & popularium & militum interemit.* Spartianus in Nigrino: *Qui esset odio Senatoribus, militibus, prouincialibus, popularibus.* Vopiscus in Probo: *Immissi deinde populares (è plebe Romanâ) rapuit quisque quod voluit.* Appuleius lib. IX. *Confususque miles de inertia sua quidquam ad quemquam referre popularium, quosdam commilitones nactus istas tunc clades enarrat.* D. Gregorius de Paullino Nolano: *Ego hunc tanti meriti virum, populare, vt conspicitur, esse non suspicor.* Posset tamen & in Glossis legi, *Populares, paterat:* qui sunt eiusdem gentis aut patriæ, vt sæpe. Quod autem initio dixi, pro confortibus aut vnius corporis capi, id causam habet, quia *Populi* vox latè olim ita sonabat, & ad omne ferè corpus aut gregem pertinebat. Sic in Manilio, lib. IV. de piscibus:

Littoribusque suis populos exponere captos.

Idem de auibus lib. V.

Ipsè quoque aërios populos celiq̃ue ducatum,

Altuumq̃ue genus, studium censusq̃ue vocabit.

Columella de apibus: *Duo populi coniungi debent.* Appuleius de formicis: *Ruunt aliæ superq̃ue aliæ sepedum populorum vnde.*

C A P. XV.

Lux Hirtio.

IN Hirtio ita scriptum est Commentario VIII. belli Gallici: *Fit deinde S. C^m vt ad bellum Parthicum legio vna à Cn Pompeio, altera à C. Casare, mitterentur: neq; obscurè hæc duæ legiones vni Casari detrahuntur. Nam Cn. Pompeius legionem Primam quam ad Casarem miserat confectam ex dilectu prouinciæ,*
Casari

Cæsari eam tanquam ex suo numero dedit. Cæsar tamen, cum de voluntate aduersariorum se exspoliari nemini dubium esset, Cn. Pompeio legionem remisit, & ex suo numero Decimam quintam, quam in Galliâ Citeriore habuerat, ex S. C.^o iubet tradi.

Obscurè & implicate, nisi cum Fuluiο legimus: *ex dilectu prouinciæ Cæsaris, eam tanquam.* Sed & explicanda res est. Cn. Pompeius in tumultu necis Clodianæ, legionem vnā è Gallis Cisalpinis conscripserat: quam postea Cæsar in Galliæ magno motu ad se mitti petijt: quod ita narratur initio lib. vi. *Simul ab Cn. Pompeio Proconsule petit, quoniam ipse ad Urbem reip. causâ maneret, quos ex Cisalpinâ Galliâ Consulis sacramento rogasset, ad signa conuenire & ad se proficisci iuberet.* Vbi videtur legendum diuissim: *Consul is.* cum scilicet tertium Consul esset. Ergo hæc legio est, quam Pompeius suam numerat, quod fuerat à se lecta; Cæsar suam, quod in prouinciâ, cui præerat, collecta. Notamus etiam, quæ hic Hirtio *Decimaquinta* est legio, manifestè Cæsari Tertiam esse & scribi lib. i. i. belli Ciuilis: *Erant in sinistro cornu Pompeij legiones duæ, traditæ à Cæsare initio dissensionis ex S. C. quarum vna Prima, altera Tertia appellabatur.* Qui hæc sine correctione composuerit, nã ille scit conciliaturas.

CAP. XVI.

Quintilianus locus in Declamat. purgatus.

Petrus Pythæus multimodis rem litterariam benè iuuit; non minimùm autem eò quod bonas & argutas illas Declamationes Quintilianus primus è tenebris eruit, & emendauit. In earum CCCX. legas in ipso Themate:

Qui voluntate domini in libertate fuerit, liber sit. Mango nouitium puerum per publica rostra iecit prætexitatum. dicitur ille liber.

Istud de publicis rostris suspiciosum, &, quantum cernere mihi datur, haud sincerum est. Legebam: *per publicanos traiecit.* Et sententia hæc est: Mango, vt fraudem publicanis faceret, puerum venalem nouitium in prætexitâ quasi liberum & ingenuum

traduxit. Fraus successit; sed lis oritur, & puer asseritur in libertatem. Quod ad phrasim, omnino similis in Themate sequenti: *Quidam rem furtivam transtulit per publicanos.* & prior illa ad aquas & portum spectat: eoque aptum *Traiciendi* verbum. Geminum planè est, quod vir ingenio, virtute & eruditione nimium quanto præstabilis, meûsque summus & prorsus * ἀρίμτος φίλῳ, Ioannes VVoucrius apud Suetonium legi monuit lib. De claris Rhetoribus: *Venalicij quum Brundisij gregem venalium è naui educerent, formoso & pretioso puero, quod portitores verebantur, bullam & prætextam togam imposuere: facile fallaciam celarunt. Romam venitur. res cognita est: petitur puer, quod domini voluntate fuerit liber, in libertatem.*

* inest-
mabilis a-
micus.

CAP. XVII.

Quid Sinus toga. Quintilianus illustratus.

Incredibile est, quantum ad pleniorē antiquitatis notitiam valeat obseruatio numorum, lapidum, aliorumque veterum monumentorum. Equidem affirmare ausim, haud parum multa in scriptoribus esse, quæ vix aliter, quàm ex illis cum intelligitur explicari rectè possint. Et inter ea, meo quidem animo, quæ ex M. Fabio Quintiliano, quæ vestis modum Oratori præscribit, hic subieci.

Est aliquid in amictu quod ipsum aliquatenus temporum conditione mutatum est. Nam veteribus nulli sinus: perquam breues post illos fuerunt. Itaque etiam gestu necesse est vsos esse alio, quorum brachium, sicut Græcorum, veste continebatur.


Et paullò pòst:

1. Sinus decentissimus, si aliquanto supra imam togam fuerit, numquam certè sit inferior.
2. Ille qui sub humero dextro ad sinistrum obliquè ducitur velut balteus, nec strangulet, nec fluat.
3. Pars togæ quæ postea imponitur, sit inferior: nam ita & sedet melius & continetur.
4. Subducenda etiam pars aliqua tunicæ, ne ad lacertum in actum redeat.
5. Tum sinus iniiciendus humero, cuius extremam oram reieciisse non dedecet.
6. Operiri autem humerum cum toto iugulo non oportet: alioqui amictus fiet angustus,

1. pander l'arobe. - 2. gorge.

ra
xx.
appa
ne.

fi-
rius.



angustus, & dignitatem, quæ est in latitudine pectoris, perdet.
 7. *Sinistrum brachium eousque alleuandum est, vt quasi norma-*
lem illum angulum faciat. 8. *Super quod ora ex togâ duplex*
æqualiter sedeat.

Nam qui isti sinus? Lazarus Baïus, quamquam ex professo de Re vestitiarâ scribit, nullum de iis verbum. Et Antonius quidem Augustinus, etsi rerum veterum apprimè sciens, longius abit: Aldus verò Manutius accedit, remque ipsam tantum non attingit; sed non pariter atque alias res solet, leuiter satis atque de-
 functoriè. Quoniam autem hæc talia quò plenè animò & cogi-
 tatione comprehendantur, ante oculos contemplanda poni de-
 bent, ego per imagines interpretes id præstare conabor. Et, vt
 promissâ repræsentem, ecce togæ recentioris cum sinibus exem-
 plum; antiquioris citra sinus, & astrictæ, quoniam * alibi po-
 nam, in præsentia prætermittam.

* Infra
 cap. xxx.
 De mappa
 missione.

Pro explicatione notas adieci, quæ verbis Fabij respondent,
 & omnino satis habeo, quasi punctis hæc signasse. Neque enim

— *multam hinc operam consumere par est,*

aut longos facere logos super eâ re, quæ melius oculis quàm au-
 ribus diiudicatur. Vnum tamen certum est indictum non amit-
 tere: quòd sinus hosce Manutius togæ, non attextos, sed appen-
 sos & assutos tradit, id nescio sanè, an ei dictarit * *Ἰουὶς ἡ*
Διὸς, nec, vt ipsi Fidei, credendum hîc ei censeo. Quin affirmare
 ausim, sinum nihil quicquam à togâ sciunctum; sed partem
 eius, imò illam ipsam fuisse, in certum compositam atque re-
 plicatam modum. Dicerem, fortè etiam ita leuiter consutam
 atque concinnatam, vt eandem ad faciem semper ferè esset. cu-
 ius instar hodièque in mulierum Hispaniensium & Italarum
 quarundam pallis, quas Mantos appellant. Sed obstare Ter-
 tullianus videtur, qui suo æuo (nescio an superiore) cottidianam
 curam & reformationem adhibitam fuisse scribit.

* *Ιουὶς ἡ*
Διὸς *ἡ*
Veritas.

Inseratur Iconismus statua togata.

est gravé le portrait

Medicina Linij duobus vulneribus.

* mollem
manum
admonebo.

Luium variè corruptum & auxilij egenum esse facilè animaduertet, quisquis in eo fuerit non indiligenter. Ego quibudam locis * *μαλακὴν χεῖρα ἀποβαλόμεναι*, & medicinam facere conabor, Apolline, quod spero, propitio. Lib. xxi. narrat legatos Romanos ad castra Annibalis venisse, iuxta Saguntum variâ ludificatione tardatos, & deniq; non admissos. Adiungit:

Apparebat non admissos protinus Carthaginem ituros. litteras igitur nunciosque ad principes factionis Barchinæ præmittit, ut prepararent suorum animos, ne quid pars altera gratificari pro Romanis posset. Itaque præterquam quòd admissi auditique non sunt, ea quoque vana atque irrita legatio fuit. Hanno vnus, aduerso senatu, propter auctoritatem suam cum assensu audientium egit.

Negat ecce admissos. Adeóne feroces igitur aut barbari Carthaginenses, ut nec legatos audirent? falsum, & statim infra scribitur: *Multò insensius arguebant locutum Hannonem, quàm Valerium Flaccum legatum Romanum.* Ergo admissi, auditi, ac dimissi. Et omnino tollenda negatio, legendumque: *præterquam quòd admissi auditique sunt.* Sensus est: Ea quoque legatio tam vana fuit & irrita, quàm illa ad Annibalem: nisi tamen quòd hîc admissi sunt & auditi. Sed cor mihi perfrigefacit quod sequitur, *cum assensu audientium egit.* Itâne? cum assensu? Atqui paullò antè narrat, *aduerso senatu dixisse.* & paullò post: *Nemini omnium certare oratione cum Hannone necessum fuit, adeò propè omnis senatus Annibalis erat;* & quæ plura in hac refragatione subtexuntur. Quid agam? quomodo tragulam hanc deiecerò? Audendum est. Nam, ut ille verè scribit,

Timidus in rebus dubiis, nauci non erit.

& reponendum, *propter auctoritatem suam, non assensum audientium.* Hanno, inquit, silentio causam egit Romanam, non quòd assentirentur, sed quia inueterata viri auctoritas hoc saltem iuris apud eos obtinebat.

CAP. XIX.

Valerio Maximo vox fugitiua restituta.

Valerius Maximus lib. I X. cap. XI.

Mithridates autem multo sceleratius, qui non cum fratre de paterno regno, sed cum ipso patre bellū de dominatione gessit. Nemo quidem hoc de ipso Mithridate; sed de Pharnace eius filio, cum Dio tum Eutropius & Orosius. In libris priscis vidi, Mithridatis autem. Notulam insere, & veritas emerget: Mithridatis F. autem. Ea valet filium, & ita signabant: quæ notula elapsa scelere Mithridatem, vitio Valerium inquinauit.

CAP. XX:

Antilogiam in Casare videri.

contradiction

Offendimus in istis Cæsaris verbis Commentario III. Ciuiliū:

Multi iam menses transferant, & hiems præcipitauerat: neque Brundisio naues legionesque ad Cæsarem veniebant.

Nam falsa videtur, imò *absurda* scribere. Ait transisse multos menses: ex quo scilicet copias suas Brundisio exspectat. & addit, iam hiemem præcipitasse. quod est, in exitu & declinatione esse. Atqui pridie Nonas Ianuarias, id est mediâ ipsâ hieme, Cæsar Brundisio soluerat (ipse met ita scripsit) quomodo igitur vel ad vltimam hiemem multi menses? Solus sanè Februarius supererat. Res consideranti clara: sed quâ soluimus aut medemur? Putarem legendum: *Multum iam mensis transferat.* siue ad ipsum hoc Ianuarium, siue & Februarium refers. Nam brevis scilicet traiectus ille ex Italiâ in Epirum: & Cæsar animo breuiorem faciebat; cui quælibet mora longa & molesta, ob cupidinem vincendi. Hæc ita probè dicta videntur; sed ad aliud ecce saxum nos fluctus ferunt. Nōne enim damnat & euertit quod eodem libro paullo suprà: *Hic fuit oppugnationis exitus, iamq; hiems appropinquaret, & tantis detrimentis acceptis Octavius, desperatâ expugnatione, Dyrrhachium sese ad Pompeium recepit.* Hæc, inquam, antè narrat: & si

& si tunc hiems demum appropinquabat, quomodo nunc in exitu? Quomodo etiam Cæsar Ianuario soluit, cum hæc narrentur postquam oram Italię soluisset? Caligo hęc mihi est, & omnino putem, vel malè, nec suo loco (quod alibi in his libris factum) hæc inserta, vel mendosè legi. Io. autem Rhellicanū miror, qui cuneum aliquem huic nodo quærens, per hiemem non tempus hibernum, sed tempestatem intelligi censet. quod sanè ποικίλωτες, & ab huius scripti simplicitate perquàm alienum.

CAP. XXI.

In Lilio vera scriptura reposita.

VBertim & λόγῳ quadam ἐκβολῇ Lilius disputat, quid futurum, si Alexander Macedo in Italiam venisset. Atque ille pro Romanis pronuntiat, cum ob alias causas, tum ob vitia Regis.

Referre, inquit, in tanto rege piget superbam mutationem vestis, & desideratas humi iacentium adulationes, etiam victis Macedonibus graues, nedum victoribus.

Quo loco duo monenda. Primum, humi iacentium adorationes, ^{*adoratio.} legendum videri. Nam * προσκύνησις illa Persarum satis nota, & ritum hunc adorandi reges fuisse, non adulandi. Secundò, transposita verba esse, & præter Liuij mentem & præter verum. Anne victis Macedonibus graues eæ adorationes? illi verò victores erant, nec video quod acumen aut quæ lingua hæc excuset. Cordi meo obsequar, & scribam: *etiam victis graues, nedum [Macedonibus] victoribus.* Faxde & seruiles illę adorationes, inquit, vrebant angebántq; etiam victas gentes: quidni hanc victricem?

CAP. XXII.

*Quæsitum super loco Cæsaris. Curicta insula.
Appianus correctus.*

Commentario I I I. Ciuilium, in mandatis quæ Cæsar dat Vibullio pro pace:

Julium

Illum ab Italia expulsū, amissā Siciliā, Sardinia, se morte Curionis & detrimento Africani exercitus tanto, militumque deditione ad Corcyram affectum.

Quæ hæc deditio militum Iulianorum, ad Corcyram, & inter clades nobiles, haud faciliè dixeris: imò nusquam in ipso Cæsare reperio, totaque ea pars deest. Itaque suspicio est, vitium esse, germanamque scriptionem, ad *Curictam*, insulam Illyrico obiacentem. Est enim clades illa ad oras Illyrici accepta, in quā Antonius cum x v. cohortibus captus est ab Octauio & Libone Pompeianis. Nemo locum certiùs clariùsque expressit quàm Lucanus:

*Quā maris Hadriaci longas ferit unda Salonas,
Et tepidum in molles Zephyros excurrit Iäder;
Illic bellaci confusus gente * Curetum,
Quos alit Hadriaco tellus circumflua ponto,
Clanditur extremā residens Antonius orā.*

* Foris,
Curium.

Et plura, quæ historicâ fide (vt solet) addit. Ergo in *Curetum*, siue potius *Curitum* insulâ ea clades, vbi flumen Iäder in mare exit, & iuxta Salonas. Est sanè in Ptolomæo Curicta insula eo tractu; sed longiusculè tamen à Salonis, ad occasum & interiora maris sita. Quod ipsum Lucanus videtur indicare, cum ponit ad partem, quâ in *Zephyros* (id est, occasum) *Iäder excurrit*. Certè pro hac lectione quidam Flori vetus liber, vbi *Curitico* vel *Curitico* litore scriptum. Quod non rejiculum, cum & Plinio & Ptolomæo insula hæc *Curicta* nominata. Reliquum est, vt in Appiano manifestarium hîc errorem ostendam, ΙΙ. Εμφύλιαν: Καὶ τῶν ἡμερῶν Ἀντωνίου τε περὶ τῆς Ἰλλυρίας ποταμοῦ ὁπλισθεὶς Δολαβέλλα Πομπηίου στρατηγούτου: *Isdem diebus Antonius apud Illyricam oram victus est ab Octauio Dolabellâ, Pompeij legato.* Falsò planè: quasi idem Octavius qui Dolabella. Atqui seiungendi sunt, & Dolabella in Iulianis partibus fuit. Itaque talis aliqua lectio in Appiano substituenda: Ἀντωνίου τε καὶ Δολαβέλλα περὶ τῆς Ἰλλ. *Antonius & Dolabella apud Ill.* voce in suum locum retractâ. Nam Dolabella (quod in Orofio legas, libro v i. cap. x v.) ab Octauio victus ad Antonium fugerat.

CAP. XXIII.

Linus de opinione emendatus.

*valde ar-
tificiose &
acutissimè.

A Nnibalis illa concio ad milites ante pugnam ad Tici-
num, facunda est, & * *μολὴ τῶν μὲν ἐξ ἐπὶ πεφύκας* facta, ac
forte pro Annibale nimis. In eâ hæc quoque leguntur:

*Non ego illud parvi aestimo, milites, quod nemo vestrum est, cuius
non ante oculos ipse sæpè militare aliquod ediderim facinus, cui non
idem ego virtutis spectator ac testis notata temporibus locisque
referre sua possim decora: tum laudastis me milites, donastis.
Alumnus prius omnium vestrum quàm Imperator, procedam
acie aduersus ignotos inter se ignorantisque.*

Sed satin' aut integra, aut pura? illa certè non videntur: *tum lau-
dastis me milites, donastis.* Quid donauerint? an munera accipere
à militibus Imperator solet? imò dare. Si non aliquid desit,
legerim in hanc mentem: *donati estis.* Duo recensuit: Et ego, in-
quit, fortiter sæpè feci vobis spectantibus, & vos me. Laudem
igitur à vobis accepi, præmium vnicum ducibus; & vos dona à
me ex militiæ more.

CAP. XXIV.

*Vocula Cæsari reddita. AErarium sanctius
ab eo apertum.*

Commentario Cæsaris I. De bello ciuili locus est, nisi
glaucoma mihi ob oculos obiecta, mutilus & mendosus.
*Quibus rebus Romam nuntiatis, tantus repente terror inuasit, ut
cùm Lentulus Consul ad aperiendum ærarium venisset, ad pecu-
niam Pompeio ex S. C.^o proferendam, protinus aperto sanctiore æ-
rario ex vrbe profugeret. Cæsar enim aduentare, iam iamque ad-
esse eius equites falsò nuntiabantur.*

Agite dum, excutite mecum & euentilate. Testimonia desunt
aperti à Lentulo & Pompeianis ærarij; imò in diuersum potiùs
eunt. Dio Cassius lib. XL I. clausum ærarium à Consulibus
narrat, & clauces vnâ ablatas: *Quasi, inquit, Cæsar secures non ha-
beret*

beret ad perfingendum. Idem & Cicero tangit Ep. xii. lib. vii. ad Att. Nec Cæsarem rerum prolatio, nec Senatus magistratuumque discessio, nec ararium clausum tardabit. Et idem Epist. xv. queritur, pecuniam omnem, non modò priuatam, quæ in vrbe est, sed etiam publicam, quæ in arario, Cæsari relictam. At enim rediit, inquires, postea Lentulus, & aperuit. Hoc præter Cæsarem indicare Cicero videtur, Epist. xx. eiusdem libri vii. Id. Febr. Capuam C. Cæsarius Tribun. pl. venit: attulit mandata ad Consules, vt Romam venissent, pecuniam de sanctiore arario auferrent. Sed si verba, quæ sequuntur, consideres, videbitur contrà. Ostendit enim periculum: &, Redeant? inquit: quo præsidio? deinde exeant: quis sinat? Consul ei rescripsit, vt priùs ipse in Picenum. Ergo Pompeij quidem hæc mens & desiderium fuit: vix est, vt arbitrer patratum. Cicero, qui dies & gesta diligentissimè recenset, non id ostendit, neque alius historicorum. Quid quòd palàm contradicunt? Nam consensu narrant, Cæsarem in reditu à Brundisio ararium, obsistente Metello, perfregisse, compilasse. Ita Dio, Plutarchus, Appianus, Lucanus: & pecuniæ etiam summas Plinius lib. xxxiii. cap. iiii. Orosius lib. v. cap. xv. (etsi numero impari) conceperunt. Sed iterùm fortasse quispiam dixerit, Sanctius modò ararium, vt Cæsar hîc scribit, à Lentulo apertum; at alterum à Cæsare. Sed & is factius nihilo facit. Nam in publico siue exposito non adeò magna vis auri propter assiduos sumptus: & constat Cæsarem intactas & reconditas populi opes abstulisse, quæ sine dubio in arario sanctiori. Diserte, vt Appianum & alios præteream, Lucanus:

*Protinus abducto patuerunt templa Metello.
Tunc rupes Tarpeia sonat, magnoque reclusas
Testatur stridore fores: tunc conditus imo
Eruitur templo multis intactus ab annis
Romani census populi: quem Punica bella,
Quem dederat Perses, quem victi præda Philippi:
Quod tibi Roma fugâ Pyrrhus trepidante reliquit,
Quo te Fabricius Regi non vendidit auro:
Quicquid parcorum mores seruastis auorum:
Quod dites Asia populi misere tributum,
Victoriq; dedit Minoia Creta Metello:*

*Quod Cato longinqua vexit super aquora Cypro.
Tunc Orientis opes, captorumque vltima regum,
Quæ Pompeianis prælata est gaza triumphis
Egeritur: tristi spoliantur templa rapinâ,
Pauperiorque fuit tunc primum Cæsare Roma.*

Sed & Florus lib. i v. cap. i i. *Ærarium quoque sanctum, quia tardius aperiebant Tribuni, iussit effringi.* Paullus Manutius vidit hanc antilogiam, & tollere conatus est. Verum nihil agit, & vt Cornicum hoc vsurpem, inanilogus est, isto suo de triplici ærario commento. quasi videlicet vnum triumphale fuisset, in quo pecunia manubiarum & spoliiorum: alterum, in quo aurum vicefimarium, idque sanctius: tertium, in quo annua vectigalium pecunia: medium autem illud apertum a Lentulo, primum siue triumphale à Cæsare. Sed ego

Numquam istud dixim neque animum inducam meum.

Quis enim auctor de triplici ærario? Quæ etiam mens aut stultitia Lentuli, modicum aliquid auri abripere, gazas & massas intactas relinquere? Adde dissenfum Flori.

* Nunc dicam, nobis quod rectius esse videtur.

* Νῦν δ' αὖ τ' ἔρπειω, ὥς μοι δοκεῖ εἶναι αἰεὶ.

in Cæsaris nempe verbis mendum aut defectum potius esse, & interpositâ negatione legendum, *protinus non aperto.* Constat quidem venisse eo fine Lentulum (ex Cæsare hîc & Cicerone:) sed ex verbis item ipsis Cæsaris & narratione, trepidè nimis au- fugisse, & re infectâ, videtur. Verumtamen hîc nisi de opinione nihil certum dico, & Academicâ lege, ἐπὶ λόγῳ.

CAP. XXV.

Liuij & Siliij ἀπολογία.

A Bfolui Liuius non potest, ita scribens, lib. xxx i. *Saguntum vt caperetur, quid per octo menses periculi, quid laboris exhaustum esse? Romam orbis terrarum caput petentibus, quidquam adeo asperum atque arduum videri, quod inceptum moretur?*

Verba Annibalis sunt, qui milites suos territos & detrectantes porro ire ob infames illas Alpes, incitat atque adhortatur. Saguntum,

guntum, inquit, cum præmium peteretur, octo menses eam ob-
sedistis, oppugnastis; piget transcendere hos montes, cum Ro-
ma ipsa futura merces sit? Cetera appositè & disertè; sed quòd
Romam orbis terrarum caput hîc Annibal appellat, quis id feret?
A decore valde ea laudatio abit (præsertim cum hostis) & ma-
gis à vero. An enim illo æuo Roma terris caput? imò nec toti
Italiæ, Gallis Cisalpinis & Liguribus etiamnum restantibus: &
extra eam vix quicquam firmiter in potestate suâ ac ditione
habuit, præter Sardiniam & Siciliæ partem. En dominam or-
bis! Peccauit igitur Liuius, eiûsque exemplo Silius, qui eundem
Annibalem adhortantem suos facit sub pugnam Cannensem,
lib. IX.

—— Raptor per sæcula longa

Dardanus edomitum vobis spoliauerit orbem.

Minimè verò: paupertina tunc Roma, neq; dum in illud spolia-
rium cruentæ exuiiæ congestæ edomiti orbis. Vterque æuum
suum pro veteri, cum hæc scriberet, mente complexus est: quæ-
que essent vera & apta, si ab ipsis dicerentur; desinunt esse talia,
cum ad præfatos illos relegantur.

C A P. XXVI.

Curtij numeralis error de exercitu Darij.

ERrorum in libris magna seges & materia numerales notæ.
nec ratio scruposa est, tam procliui librariorum circa eas
lapsu. Manifesta res est, tum multis è locis, tum ex isto Q. Cur-
tij, quo numerat copias Darij, quas in Ciliciam duxit contra
Alexandrum, Lib. III.

*Vniuersas vires in conspectum dedit, & circumdato vallo, quod
decies centenùm millium armatorum multitudinem caperet, Xer-
xis exemplo numerum copiarum iniit.*

Hæc ita recentiores libri, cum præfati præferant, *decem millium ar-
matorum*. Neutri fideliter, quòd & hi minuunt valde, & illi ni-
mium quantum augent. Enimuerò grandis ille numerus vanus
& * ἀδόξος: quæ vel ipse Curtius refellat, vbi de copiis Darij ad * *inopina-
bilis.*
Arbela: *Dimidio ferme maior exercitus erat, quàm in Ciliciâ fuerat.*

* magna
nuga.

Ergone ille vices centenū millium? * λέγεις ποδός. imò *οἰσίν-
gentorum millium peditum, ducentorum millium equitum*, ex Diodo-
ri fide. Quem eundem si audimus in priore numero (quod
ipsius exemplo Curtij faciamus, qui multa ab illo mutuatur)
si, inquam, audimus, emendabimus in Curtianis, *sexies cente-
nū millium*. Tot enim in Ciliciâ ille numerat; at Arrianus tan-
tū *millia quingenta*. Curtij summæ, quas distinctè subiicit,
hunc ipsum numerum non efficiunt; nec ex scilicet correctæ.

CAP. XXVII.

Antilogia suspicio ab Hirtio & Suetonio segregata.

AD pacem inter scriptores conciliandam nihil profectò
videtur efficacius, quàm diligens observatio distinctio-
que temporum, còque potissimū remedio quicquid inter Hir-
tium & Suetonium dissensionis ac dissidij vir doctus esse cen-
suit, omnino tolli componique posse existimo. Verba sunt &
querelæ Cæsaris Commentario VII I. Gallicorum:

*Ereptum Ser. Galbæ Consulatum, cū is multò plus gratiæ &
suffragiis valuisset, quòd sibi coniunctus & familiaritate & ne-
cessitudine legationis esset.*

Si verè hæc & ex animo Cæsar, quid ita Suetonius in Galbâ, cap.
III. causam huius repulsæ in ipsum Cæsarem transfert? Nam
ait: *Eius Galbæ nepos* (hic ipse noster) *ob repulsam Consulatus insen-
sus Julio Cæsari, cuius legatus in Gallis fuerat, conspiravit cum Cas-
sio & Bruto*. Apparet iniuriam hanc à Cæsare illatam, atq; adeò
Galbam eius cæde se vindicasse. Hoc & Cicero indicat Philippicâ
XI I. vbi hæc verba ex epistolâ M. Antonij: SER. GALBAM
EODEM PUGIONE SVCCINCTVM IN CASTRIS VIDETIS.
Subiicit Cicero: *Nihil tibi de Galbâ respondeo, fortissimo & con-
stantissimo ciue. coram aderit, præsens tibi ipse, & ille, quem insimulas,
pugio respondebit*. Nam pugionem hunc intellegit, quo Cæ-
sarem interfecit. Quis litem hanc dirimat & incidat? Tempo-
ra distinguenda sunt. Prior enim illa repulsæ evenit, cū Cæ-
sar in Galliâ: quod ex narratione Hirtianâ constat; hæc po-
sterior, Cæsare iam Dictatore, & rerum honorūque potente.

Cū

Cum igitur tunc magistratus ordinaret, Galbam iterum petentem distulit aut reiecit. quod ei sic perdoluit, ut in necem Cæsaris cum Cassio conspiraret: illo Cassio, qui ipse ob causam similem, ut Velleius memoriæ prodidit, cum Bruto coniurationis auctor. Designat posterius hoc tempus vno verbo Suetonius, cum ait: *cuius legatus fuerat*. non ergo nunc erat, cum secundo petebat.

CAP. XXIX.

Liuij locus corrigitur & declaratur.

QUod in Liuij. XXII. legitur, *Celtiberi principes, qui regionis suæ legatos obsidesque dederant Romanis, nuntio misso excitati à Scipione arma capiunt.* in tenebris aut in vitio est. Nam qui isti regionis Legati? Ioh. Saxonijs in suis ad Liuium notis explicat *Vicarios, & quos vulgò dicimus Locum-tenentes.* Apage, non sic Latini. Liber scriptus ex parte subuenit, qui habet traiectis vocibus: *Celtiberi, qui principes regionis suæ.* ut non legati regionis, sed principes sint. Sed, ut diximus, ex parte: quia suspectum etiam & durum, *Dare legatos.* Obsides sanè damus, at illos mittimus. Velim: *qui principes regionis suæ legarant, obsidesque dederant.* Duo commemorat amicitiae & fœderis signa. Celtiberi, inquit, primores gentis suæ legatos miserant, & obsides quoque præterea dederant. Hæc autem legatorum missio supra indicata his verbis: *Reditumque in citeriora prouinciæ, quod omnium populorum qui Iberum accolunt, multorum & vltimæ Hispaniæ legati venerunt.*

CAP. XXIX.

*Vitium in Curtio animaduersum. Roxanem Oxa-
tris, non Cohortani filiam fuisse.*

EGo iam diu mecum disputo, & Homeri verbis;
quid ita Roxanem Cohortani Satrapæ filiam Q. Curtius faciat,
quam

* Studiore
in pectora
verso.

quam alij consensu Oxatris vel Oxyartis. Verba eius sunt hæc, libro VII.

*Inde pervenit in regionem, cui Cohortanus Satrapes nobilis præerat, qui se regis potestati fideique permisit. Ille imperio ei red-
dito, haud amplius, quam ut duo ex tribus filij secum milita-
rent, exegit. Satrapes etiam eum, qui peres ipsum relinquebatur,
tradit. Barbarâ opulentâ conuiuium, quoniam regem accipie-
bat, instruxerat. Id cum multâ comitate celebraret, introduci xxx.
nobiles virgines iussit: inter quas erat filia eius Roxane eximiâ
corporis specie & decore habitus in barbaris raro.*

Vides ex contextu & serie, palâm appellari Roxanem. Atqui Ar-
rianus cautus & veri diligens historicus ita scribit: Καὶ τὴν Οὐαρ-
την πατρὸς παῖδον ὅτι ἐν αἰσῇ γάμος, Πρωτὴν ἐνόμωτον: Erat Oxyartis filia
virgo iam viro matura, Roxane dicta. Atque adeo Alexander apud
Curtium lib. x. Ergo ipse Oxatris Persæ filiam mecum in matrimonio
iunxi, non dedignatus ex captivâ liberos tollere. Iterumque Curtius
indicat, lib. i x. Oxatres Prætor Bactrianorum non absolutus modò,
sed etiam iure amoris, amplioris imperij donatus est finibus. Vbi Cur-
tius sanè quàm eleganter ius amoris dicit, quia non ex merito
promotus, sed ab hoc in filiam affectu. Quid igitur? illum pro
Cohortano substituiamus? temerarium sit & falsum. Nam quæ
hîc narrantur non congruunt Oxyarti, qui iam diu in fide regis.
Puto hiatum aliquem & defectum esse, & post illa de Cohorta-
no narrationem fuisse de Oxatris comitate & conuiuium, cuius
caussa siue occasio deest. Ponamus igitur ἐκλεΐψας notam inter
hæc verba: tradit * barbarâ opulentâ. Nam ut aliter nunc suppe-
tias feram, non est copia.

C A P. XXX.

De Circo & mappa missione.

QUod à Pyrrho Ligorio, ceterisque qui Circum delinea-
runt & descripserunt, aut perperam expressum aut præ-
termisum est, in præsentia monendum existimaui: dexteram vi-
delicet eius partem spatium occupasse latius quàm sinistram.
Vidimus in eo, qui iuxta viam Appiam est vnus omnium, qui
fuere,

portraits de ceux qui courent à cheval dans le Cirque

ICONISMVS CIRCENSIVM ET MISSIONIS MAPPÆ.

Pag. 33.



fuere, maximè integer; & aliquantum submirati, caussam anquirere cœpimus, mœxque inuenisse visi sumus. Procurfionis nempe initium hinc fiebat, plurèsque simul quadrigæ effundebantur. has autem, vbi longius prouherentur, disiungi necesse erat; atque ita, aliis ante alias emicantibus, angustiora facilè spacia sufficiebant.

Irroborauit etiam inueterauitque paullatim opinio, Prætorum Editorumve, vt signum committendorum Circensium daret, ingentem vtraque manu mappam misisse, eoque modo Ligorius depinxit. Verùm hæc sollicitat Lapis antiquus apud portam Noientanam, vbi id ipsum fit vnâ tantum manu, linteolumque siue mappula fimbriata, muccinij instar, excutitur atque mittitur. Sed ellum, vt verba compendi faciamus, & oculis certius dijudicemus.

Inserendus hic Iconismus missionis mappæ.

C A P. XXXI.

Desperatus & depositus Liuij locus sanatus.

IN Liuiο, lib. xxii.

Consules M. Atilius Regulus, Cn. Seruilus Geminus, exercitu accepto, hibernaculis maturè communitis (tum enim autumnus tempus erat) Fabij artibus cum summâ inter se concordia bellum gesserunt.

Mira & prodigiosa hîc scriptio veterum librorum: *M. Atilius Fabianus, Cn. Seruilus Musicanus*, aut *Nusitanus*. Nec aliter etiam antiquitus excusi. Glareanus & Sigonius, tam multi in studiis ac celebrati nominis, non hîc par ceteris factis suis fecere; & audacter potius, quàm feliciter, hæc quæ habemus substituerunt. Non enim illa cognomina Consulium, inquiunt, vt è Fastis patet. Fateor; sed nōne tamen attentius cogitandum erat super librorum pertinace illo consensu? Ego non is homo sum qui sciam

E

diuini-

* Arist. vii
Eudemio-
rum.

* pruden-
tium & sa-
pientium
velocē esse
diuinationē.

* magnilo-
quentia.

* Non est se
supra vires
iaculare de-
corum.

* dextrē &
felicitē.

diuinitus; neque me fugit quod summus ille * Sophus scripsit;
* *φερύμενον ἢ σφόν* (à quibus me titulis longissimè abesse scio)
ταχέαν ἔβ ἢ *μνησκω* dicam tamen quod in mentem mihi venit,
& cruditis, vt spero, viris approbantibus rescribam; *M. Atilius*
Fabiano, Cn. Seruilius Minuciano exercitu accepto. Consules nem-
pe pro more veteri copias inter se diuiserunt, & Atilius quidem
Fabianum exercitum accepit, Seruilius Minucianum. Ista au-
tem diuisio paullo antè inter duos Dictatores facta: *cum prima*
& quarta legio Minutio, secunda & tertia Fabio euenerunt. Ita enim
Liuius ipse suprā. Nihil alienius ingenio meo quàm iactantia &

* *μεγαλτοπία*, satisque commemini Poëtæ monitum,

* ——— *ὃ καλὸν ὑπερβῆναι δεξιότατον.*

non verbor tamen dicere * *ὁσέως ἢ δεξιῶς*, præ quàm aliis fuit,
hunc locum à me tentatum videri.

CAP. XXXII.

Conatus in duobus Hirtij locis emaculandis.

Hirtius de bello Alexandrino, vbi raponem illum Longi-
num describit:

*Pecunie locupletibus imperabantur, quas Longinus sibi expensas
ferri non tantum patiebatur, sed etiam cogebat. in gregem locu-
pletium simultatum causse tenues coniciebantur, neque vllum
genus questus pratermittebatur.*

Dictio *simultatum* huic sententiæ non satis apposita videtur.
Scribo: *multarum*. Cassius Longinus, inquit, tenues aliquas &
leuiculas causas diuitibus impingebat, ob quas certâ pecuniâ
eos multaret. Non item ad palatum meum est hoc eodem
libro:

*Nam neque interfectis amissam vitam, neque exsecris virilita-
tem restituere posse. quod quidem supplicium grauius morte ci-
ues Romani subiissent.*

Quæ verba Cæsaris sunt scuitiam Pharnaci meritisimò obie-
ctantis. Nónne verò nihili & vacuum ibi verbum est, *amissam*?
mihi quidem videtur; & si quid tale addendum, aptius fore,
ereptam.

ereptam. Ut coniecturam tamen meam iterum promam, libenter rescribam: *interfectis Amisi vitam*. Historiam hoc illustret atque factum, de quo Appianus I I. Εμφυλίαν: Ἀμισὸν πόλιν ἐν τῇ Πόντῳ Ῥωμαῖοις ἔδωκεν, καὶ τοὺς παῖδας αὐτῶν τομίας ἐποίησαντο αὐτῶν. *Amisum Ponti urbem ad Romanos inclinantem diripuit, in seruitutem ciuibus abductis: eorumque liberos omnes exsecuit.* Tamen fluctuat mihi animus, & * ἐκ εἰδῶς, ἀλλὰ εἰκάζων, id dico.

* non probè
sciens, sed
coniecturâ
ductus.

CAP. XXXIII.

Q. Curtius aliquoties castigatus.

Philotas coniurationis reus forti fanè & facundâ oratione apud Q. Curtium causam suam agit. In eâ hæc quoque exstant:

Non mehercule ista me magis lædunt, quàm quòd Amyntas Perdicæ filius insidiatus est regi. cum quo quòd amicitia fuerit mihi, non recusò defendere, si fratrem regis non oportuit diligere à nobis.

Legendum cenfeo: non recusò dependere. litterulâ immutatâ, sed longè commodiore sensu. Ego paratus sum, inquit, luere hanc culpam, & pœnas pendere, si nefas amare eum, quem rex amat. In Alexandri quoque oratione, quâ Philotam culpât, scriptum vitiosè:

Deum providentiâ & misericordiâ vno, conspectusque vestri Venerabilis coëgit, ut vehementius parricidis irascerer, quoniam spiritus, imò vnus vitæ meæ fructus est, tot fortissimis viris & de me optimè meritis referre adhuc gratiam posse.

Nam τὸ spiritus * ὑποβολή, libenterq; verbum vicarium ei dem, ^{*suppositum est.} supremus. Ἀνέπελον hoc & clarum. In extremo verò libro, rectâ iam & oppressâ coniuratione, quasi acclamationem & epi-phonema auctor addit:

Magno non salutis, sed etiam vitæ periculo liberatus erat Alexander. Quippe Parmenio & Philotas principes amicorum, nisi palam fontes, sine indignatione totius exercitus non potuissent damnari. Itaque anceps quæstio fuit. Dum insiciatus est faci-

nus, crudeliter torqueri videbatur; post confessionem ne amicorum quidem misericordiam meruit.

Sordent squalentque hæc verba: magno non salutis, sed etiam vite periculo. An enim salus & vita diuersa? non priscis quidem Latinis. Quare rescribendum autumo: *non salutis, sed & inuidiæ.* Alexander, inquit, non solum salutis & capitis discrimen effugit, sed etiam inuidiæ & calumniarum flammam, per confessionem hanc Philotæ. Fortè etiam rectius legatur: *Ita cum anceps quæstio fuit, dum inficiatus est facinus, crudeliter.* Sed non temerè affirmo.

CAP. XXXIV.

Quid Abacus & Delphica: quando Romam & unde aduecti: quâ materiâ: quomodo vasa in iis disposita. In Plinio coniectura.

Fatendum est, ab Asiâ Græciæque cultum & elegantiam manasse; nec artes inde solum & disciplinas, sed suppellectilem quoque lautiores ac magnificentiæ choragium, Romanos accepisse. Quædam huius generis ab historicis nominantur. Liuius lib. xxxix. de triumpho Manlij ex Asiâ & Gallo-Græciâ, de quæ eius militibus: *ff primùm plagulas & alia textilia, & quæ tum magnifica suppellectilis habebantur, monopodia & abacos Romam aduexerunt.* Et Plinius libro xxxiv. cap. i. Triclinia ærata abacosque & monopodia (n. Manlium, Asiâ deuictâ, primùm inuenisse triumpho L. Piso auctor est. Vbi legendum, *ὡς ἐν πλεῖστον τῶν ἀ-ξίων*, inuexisse. Romam enim ille modò transtulit, & diu antè nota hæc Asiaticis & inuenta. Quid autem per *Abacum* hîc intelligitur? non aliud quàm mensula minor, quæ seorsim ad cenaculi latus stabat, poculis & vasis ad potum ferendis. Apertè hunc usum Cicero ostendit, in Verr. *Abaci vasa omnia, vti exposita fuerant, abstulit.* Plinius libro xxxv. cap. i. narrat, in triumpho Pompeij de Asiâ & Ponto translata vasa ex gemmis & auro abacorum nouem: id est, quæ vel abacos nouem implerent. Nominat Sidonius lib. i. *In hac (cenatiunculâ) stibadium & nitens abacus.* Cur *nitens*? quia ex marmore, argento, auro, aliâve materiâ pretio-

pretiosiore factus. Vulgò quidè è marmore. Id Horatius voluit:

—— *Lapis albus*

Pocula cum cyatho duo sustinet. —

Ibi Scholiastes vetus: *Mensa marmorea, quam Delphicam vocant.* Sed ex rariore etiam materiâ apud diuites: vt Plinius notat de Murrhinis: *Protinus ad hominum vsum transiere, abacis etiam escariisque vasis inde expetitis.* et si verius fortassè ibi scribatur, *abaci etiam:* vt significet non ipsos abacos, sed eorum vasa (quod palàm est) item escaria ex murrhinis concinnata. Sed notandum in Scholiaste Horatiano, idem *Abacum* & *Delphicam* esse: quod ipsum Iuuenalis Scholiastes in illud,

—— *Vrceoli sex*

Ornamentum abaci. —

Quod nos, inquit, Delphicam dicimus. Itaque recepta & vsitata vox *Delphica*. Vnde nomen? an quia Delphis eiusmodi mensulæ, in quibus exposita donaria, Apollini sacræ? Sanè quod Plutarchus in Solone & Laërtius in Thalete *ἑκτον* aureum appellarunt, qui nimirum sapientissimo daretur, id Valerius in ipsâ eâ historiâ *auream mensam Delphicâ* dixit. Ea vox etiam in Martiale:

Argentum atque aurum non simplex Delphica portat.

Significat, vel operosum abacum, nec è simplice soloq; marmore, vel non vnum, sed plures pro copiâ poculorum, in diuite hac domo fuisse. Sidonius indicat, strui per loculamenta in iis vasa solere:

Nec per multiplices, abaco splendente, cauernas,

Argenti nigri pondera defodiam.

Qui mos adhuc seruatur, ac ministerij hæc vasa per gradus & ordine disponuntur. Agrelius vetus Grammaticus scribit per paria solemne fuisse collocari: *In Delphicâ, inquit, comparia vasa semper sunt.* Vnde ipse Cicero dicebat: *Scyphorum paria complura.* In Glossis priscis legimus: *Abacus, Delphica, μυσίκεον.* Ab vsu nempe; quemadmodum Hispani hodie *Aparador*, & Itali *Credenza*. Sic Lampridius in Alexandro: *Ducentarum librarum argenti pondus ministerium eius numquam transit.* Ibidem: *Argentum in ministerio plus ducentis libris non habuit.* Vopiscus in Tacito: *Argentum mensale, quod priuatus habuerat, ministeriis conuiuiorum, quæ in templis fierent, dedicauit.*

CAP. XXXV.

Cæsaris quadam loca tentata.

Secundo Com. Ciuilis belli, de rebus à Curione in Africâ gestis :

Sed hoc itinere est fons, quò mare succedit, longè lateque is locus restagnat.

Mirum satis fontem hîc esse, & mare in eum succedere. An scribendum? *pons, quòd* (ita Ciacc. è suo cod. pro *quòd*) *mare succedit, & longè lateq; is locus restagnat.* Quasi dicat: Est eâ parte viâ pons structus, non quòd flumen aliquod illic, sed quia mare longiùs in terram se insinuat, & æstuarium stagnumque facit. eius pars ponte transeunda. Com. III.

At Labienus cùm ab eo impetrauisset, vt sibi captiuos tradi iuberet, omnesque deductos (Faërnus, productos) ostentationis, vt videbatur, causâ, quò maior perfugis fides haberetur, commilitones appellans, & magnâ verborum contumeliâ interrogans, solerèntne veterani fugere, in omnium conspectu interfecit.

* inenarrabile.

Non omnino capio, quid de *Perfugis* hîc velit. Nihil tale præiuit aut sequitur, & mihi quidem * ἀδύνατον est, quibus perfugis fides hoc factò concilianda sit. Reformo leuiter in aliam sententiam: *perfugio fides haberetur.* perfugio nimirum ipsius Labieni. Hoc sine crudelitas hæc suscepta, vt ostenderet se bonâ fide Pompeianum esse, & alienissimum ab illis partibus, in quas

* leue mendium.

tam fœdè sæuiret. Est & alterum inibi * ἑλατταμένον :

Senatores omnes ex prouinciâ vocasse, vt iis testibus summa pecunie vteretur.

Quod, vt opinor, tollitur, si legimus, *summa pecunia iniretur.* Sed quid hæc minuta colligo? vix pretium curæ est, & tamen remoram sæpè faciunt Lectori.

CAP. XXXVI.

In Lini diuinationes.

Ocultum sed certum vitium est in his Linijs verbis libro
xxi. de Annibale iter faciente:

*Quartis castris ad Insulam peruenit. Ibi Arar Rhodanusque am-
nes diuersis ex Alpibus decurrentes, agri aliquantum amplexi
confluunt in vnum.*

Minimè *diuersis*, sed *diuersi*. Ex iisdem enim Alpibus Arar &
Rhodanus orti, seorsim disparatiq̃ue aliquamdiu fluunt. Sene-
ca in Apocolocyntosi:

*Vidi duobus imminens fluuijs iugum,
Quod Phæbus ortu semper obuerso videt:
Vbi Rhodanus ingens amne prærapido fluit,
Ararq̃ue dubitans quò suos cursus agat.*

Eodem libro, de procuratione prodigiorum,

Signum æneum matrona Iunoni in Auentino ædificauerunt.

Bellè. Signa scilicet & æræ statuæ ædificantur, vt domus, ac
templa. Ridiculum est, & tamen deprauatio ea manifestaria in
omnibus adhuc libris. Quin tu lege, *dedicauerunt*, & Liniū im-
puri sermonis absolue.

CAP. XXXVII.

Curtij duo loci pristino nitore restituti.

O ffendunt nos in honestissimâ Q. Curtij facie etiam par-
uæ labe. Talis est in oratione, quâ milites suos Alexander
inrepat, missionem importunè flagitantes, & quidem in hac
eius parte, libro x.

*Omnem herculè spem, quam ex vobis conceperam, damno: nec, vt
cum militibus meis (iam enim esse destitistis) sed vt cum ingra-
tissimis oportet, agere decreui.*

Satin' enim concinno sensu sunt hæc postrema? vt cum ingratissi-
mis oportet.

--- * ego
verè haud
arbitror
esse.

— * ἐγὼ δ' ἐκ διομαι εἶμι.

Erunt autem, si legas: *vt cum ingratis operis*. Non vltra vobiscum, inquit, quasi cum militibus aut ingenuis agere mihi decretum est, neque præmia dare aut munera; sed, vt vilibus mercenariis, appendere debitam modò diurnamque vestram mercedem. *Operarum* scilicet vox ignominiam habet, quadratque in eos, qui viles & lucello tantum inhiantes. * *Σύσσιχος* est huic istud Ciceronis pro Sestio: *Erat mihi contentio non cum victore exercitu; sed cum operis conductis, & ad diripiendam urbem incitatis*. Spero, vt cum Pindaro dicam, hoc iaculum * *ἐκ ἀγῶν* & *ἐξω βαλέειν*, & ita caput hoc concludo.

* non extra
certamen
ieciſſe.

CAP. XXXIIX.

De armillis Collectanea. Glossa & Isidorus emendati. Tertullianus illustratus.

Armillas inter dona militaria legimus. Quid fuerunt? rotundi circuli ex argento vel auro, quibus summum brachium cingebant, idque ornatus causâ. Festus: *Armillas ex auro, quas viri militares ab Imperatoribus donati gerunt, dictas esse existimant, quod antiqui humeros cum brachiis armos vocabant. vnde arma ab his dependentia sunt vocata*. Ait, ex auro. atque ita apud Valerium lib. vii. cap. xiv. *Scipionem dona militaria diuidentem T. Labienus admonuit, vt forti equiti aureas armillas tribueret*. Sed fuere etiam sæpissimè ex argento. In eo ipso Valerij loco, Scipio non paruit Labieno, & Imperator te, inquit, argenteis armillis donat. Sic Liuius lib. x. *Equites omnes ob insignem pluribus locis operam, corniculis armillisque argenteis donat*. Capitolinus in Maximino: *Seneculus militares ludos dabat, propositis præmiis argenteis, id est armillis, torquibus, baltheolis*. In lapidibus etiam prisceis testimonia huic ritui; vt Taurini: C. GAVIO. L. F. DONIS. DONATO. A. DIVO. CLAUDIO. BELLO. BRITANNICO. TORQVIBVS. ARMILLIS. PHALERIS. CORONA. AVREA. Festus Galbeos siue Calbeos eiusmodi armillas ostendit olim dictas. *Galbeos, inquit, armillas dicebant, quibus triumphantes utebantur, & quibus ob virtutem milites donabantur*. Facit huc quod ille idem: *Galbeum orna-*
menti

menti genus. Atque olim sanè Armillæ istæ in vsu; sed, vt videtur, per luxum. De Sabinis Liuius lib. i. in arcis prodicione: *Quod vulgò Sabini aureas armillas magni ponderis brachio laevo habuerint.* Dionysius in eadem re: Καὶ αὐτὸν ἑρπὺς εἰσέρχεται τῷ ἡλίων, ἐπὶ τοῖς ἀκρῶσι, βραχίονι ἐφόρου. Atque ipsam (Tarpeiam) cupido subiit armillarum, quas circum brachia sinistra gerebant. & addit: Χρυσῶν γὰρ ἦσαν οἱ Σαβῖνοι τότε, καὶ τυρρηνῶν ἐκ τῶν ἀφροδισιῶν: *Aurienim gestores tunc Sabini erant, & non minùs quàm Etrusci molli vitæ addicti.* Ac posteriore etiam æuo armillæ per delicias gestatæ. Petronius de suo Trimalcione: *Dextrum nudauit lacertum, armillâ aureâ cultum.* Athenæus in reliquo Samiorum luxu, lib. x. i. i. ἐφόρου χερσὶν ὄντας ἔτι τοῖς βραχίοσι: *Ferebant armillas in brachiis.* Sed & Caligula manuleatus & armillatus in publicum processit: Sueton. cap. l. i. i. Etiam Nero (in eodem Suetonio cap. v. i.) *exuvias serpentis aureæ armillâ inclusas dextro brachio gestauit.* Credo hæc esse, quæ Tribunis militū dari solebant, & Brachiales appellabantur. Trebellius in Claudio, ex epistolâ Valeriani: *Anulum bigemmeum vnciale, brachiale vnum vnciarum septem.* Vopiscus ex epistolâ Aureliani: *Stipendium in balthæo, non in popinâ habeat, torquem, brachiale & anulum apponat.* Atque vt Latini Brachiales, ita Græci βραχισῆρας aut βραχισῆρας dicunt. Etiam in Glossis prisce Latinam vocem expressam inuenias: βραχιόλιον, *Viriola.* Corrige, *Viriola.* Vt in iisdem: ἡλίον, *Viriola, Armilla.* Isidorus lib. x. ix. cap. xxxi. *Dexteras communes esse virorum ac feminarum, quia vtriusque sexus dextra sunt. Armille autem propriè virorum sunt, collatæ victoriæ causâ militibus ob armorum virtutem. Vnde & quondam vulgò Virilie dicebantur.* Scribe, *Viriola.* Ampliùs, *Dextralia commune est virorum:* quod res exigit & contextus. *Dextralia* nominat D. Gregorius lib. i. i. i. epist. c. i. *Sicut ex auro vno alij murenas, alij anulos, alij dextralia ad ornamentum faciunt. Quæ ipsa Dextrocheria dicta.* Capitolinus in Maximino: *Pollice fuit ita vasto, vt vxoris dextrocherio vteretur pro anulo.* Idem in Maximino Iuniore: *Dextrocherium cum costulâ de hyacinthis quattuor.* Trebellius Pollio in Quieto Macriani F. tyranno: *Alexandrum Magnum Macedonem viri in auro & argento, mulieres in reticulis & dextrocheriis & in anulis & in omni ornamentorum genere, exsculptum semper habuerunt.* Iuuenalis etiam, vt propria feminarum, ea tangit, Sat. i. x. vbi

munera recenset pathico cuiquam mittenda, quasi mulieri:

En cui tu viridem umbellam, cui succina mittas

Grandia.

Scholias tes vetus ibi: *Gemmata dextrocheria*. Et sanè illud discrimen inter Armillas & Dextrocheria siue Dextralia indicare etiam Tertullianus videtur, De pallio, cap. iv. *Cum latrinarum antistes sericum ventilat, & immundiorè loco cervicem monilibus consolatur; & armillis, quas ex virorum fortium donis ipsæ quoque matrone temerè usurpassent, omnium pudendorum conficias manus inserit*. Nam armillas à matronis abdicat, etsi fatetur vilissimos homines (sed diuites) eas usurpasset. *Latrinarum antistes* est, ut opinor, qui foricas conducit, apud Iuuen. Sat. iii. Nec plura de Armillis, nisi quod Festus Plautinum Spinther huc trahit: *Spinther*, inquit, vocabatur armille genus, quod mulieres antiquæ gerebant summo brachio sinistro. Priscianus lib. v. *Spinther* quod *ἀρσπεν* aut *fibulâ* in humeris aut armillam significat. Et subiungit loca Plauti è Menæchmis.

CAP. XXXIX.

Coniectura triplex in Liuiio. Una in Ammiano.

A Pud Liuium in oratione P. Scipionis, suos ad pugnam in Annibalem hortantis, ita scriptum, lib. xxi.

Nec nunc illi, quia audent, sed quia necesse est, pugnaturi sunt. Nisi creditis, qui exercitu incolumi pugnam detrectauere, eos duabus partibus peditum equitumque amissis, qui plures penè perierint quàm supersint, plus spei nactos esse. At enim pauci quidem sunt, sed vigentes animis corporibusque, quorum robora ac vires vix sustinere vis vlla possit. Effigies, imò vmbra hominum, fame, frigore, squalore enecti, contusi ac debilitati inter saxa rupesque: adhuc perusti artus, niue rigentes nervi, membra torrida gelu.

Pluscula transcripsi propter duplicem mendam. Anterior in verbo, *penè*. quod aut alegandum, aut mutandum in *planè*. Cum enim lineâ superiore proximâ adfirmatè Scipio dixerit, duas partes hostium amissas, cur nunc ambigat & inuertet? Parum hoc decorum sit: utique in concione publicâ, cumque verè & confidenter asserere possit, plures petiisse, quàm supersint.

Nam,

Nam, vt omittam de tertiâ tantùm parte reliquâ, quod illum pro causâ magis quàm pro vero dixisse credo, Polybius periisse vel in Alpibus ait, *ῥεῖδ' οὐ περ ἡμίσειαν τ' δ' ὠδάμεας*; circiter dimidium exercitus. En priorem mendam. Altera videtur in voce, *torrida*. quæ cum gelu rectè quidem alibi iungitur, vt supra: *pecora iumenta que torrida frigore*, verùm hoc loco nec scitè nec opportunè. Nam præiuit in hac ipsâ clausulâ, *perusti artus*; & inuenustum istud, *δὲ τὸ τοῦτο*. Itaque scribendum aio, *torpida gelu*; & vnâ mecum Silius, qui hæc è Liui proculdubio sic hausit:

*Hostem miles habes fractum ambustumque niuis
Cautibus, atque ægrè torpentia membra trahentem.*

Lib. xxi. de pugnantis ad Thrasymenum:

Tantusque fuit ardor animorum, adeo intentus pugna animus, vt eum terremotum, qui multarum urbium Italie magnas partes prostrauit, auertitque cursu rapido amnes, mare fluminibus inuexit, montes lapsu ingenti proruit, nemo pugnantium senserit.

Nil temerè muto. Vult fortasse auctor, in locum fluminibus vacuum mare se insinuasse, cum illa nouum sibi alueum & cursum quæssissent. Tamen dubitabam leuiter, an non *culminibus*: vt dicat, mare sublatum expulsūque in ipsos montes. Silius ita hîc:

—— *Lacus ater in altos*

Sublatus montes, & sede excussus auitâ.

Et Ammianus in terræmotu, qui sub Valentiniano: *Ingentes alie naues extrusa rapidis flatibus* (fortè fluctibus) *culminibus infedere tetorum.*

C A P. XL.

In Polybio loci nomen de opinione repositum.

O Vid Polybius velit, haud facilè assequare, dum scribit, libro iiii.

Κρίναν δὲ συμφέρειν τὸ καὶ πάντεσσι τόπον ἀναγκάσαι μάχεσθαι τὰς πολέμοις, καὶ λαμβάνει τὸ καὶ κατὰ περιστάσεων ἀνάγκη εἶναι εἰς τὸ ταῦτ' αὐτῶν συνέβαινεν τὸν τε σίτον καὶ τὰς λοιπὰς χορηγίας ἀπὸ τοῦ τοῦτοῦτοῦτο.

Quæ verba sic ab interprete versa: *Cum statuisset usque adeò premere Romanos, ut necessariò in prælium descendere cogerentur, Neapolitanam arcem occupat, frumento & omni commeatibus genere munitissimam.* Quid? Neapolitanam arcem Annibal? graue vulnus Romanis infligitur; sed mihi inauditum. Legimus quidem aliquantò post Cannensem pugnam Annibalem * affectasse Neapolim, sed frustra. Numquam ille obtinuit maritimam eam urbem, aut eius arcem; quâ verò nunc posset, cum in Apuliâ maritimâ versetur, id est diuerso valde tractu? Falsa non dubiè interpretatio: sed nec lectio, ut opinor, vera. A' hne ὁ Καλῆλιος πορ. πολ. ἀπεργν? Certè eam agnoscit auctor in hac regione ad Geronium paullò antè ubi de Minucio: Ἀφεικέμενος δὲ ἐπὶ τῇ ἀκρῇ, ἢ κείῃ μὲν ἐπὶ Λαρινάτιδος χώρας, πορ. σα. πορ. δὲ Καλῆλιν: *Adueniens in arcem que in Larinatum regione sita; appellatur autem Calela.* Nam hunc locum castris occupauit, & muniit Minucius, cumque aggestio illic facta commeatuum, videtur nunc eo Annibal potitus. Nec turbet aliquem quòd πολὺν siue opidύ Polybius appellet. Nam, quid si fuerit opidum arci iunctū aut subiectum? Quid etiam, si interpolata lectio sit, & illud πολέως glossematium & aliena vocola? Huc equidem inclino, nisi secus iudicauerit litterarius ille Prætor, cuius operâ Polybium, quasi Virbium aliquem, * παλιγγῆσθαι breui expectamus; & adipisci tam gratum erit, quàm sperare prolixum est.

* *Lin. initio*
lib. xxiii.

* *repatium*



PHILIPPI RVBENI
ELECTORVM
LIBER II.

CAP. I.

*Vestibus olim versus & tituli inscripti.
sed & imagines intexta.*



Vantum cui longinqua valet mutare vetustas?
Quis nunc ferat, præterquam in scenâ,
spectaculis & rebus ludicris, inscriptas ver-
sibus ac titulis, aut variis depictas imagi-
nibus vestes? Et tamen has olim frequenti
in vsu fuisse è scriptis veterum constat. Ut
omittam Homerum, qui variegatam ani-
malium figuris tunicam Vlyssi attribuit;

vt taceam de Massagetis, quos Herodotus herbarum succo pin-
xisse animalia in vestibus tradit, & hæc talia casca nimis & vetu-
sta; sub ipsis Cæsaribus in imperio Romano legimus idipsum
vsurpatum. Et quidem apud Spartianum in Carino, de pallio
tyrianthino, cui Messallæ nomen & vxoris inscriptum: apud
Aufonium etiam in Epigrammatis, de Sabinâ textrice simul &
Poëtriâ:

Licia qui texunt & carmina, carmina Musis,

Licia contribuunt casta Minerva tibi.

At ego rem sociam non dissociabo Sabina,

Versibus inscripsi quæ mea texta meis.

De eadem:

Sine probas Tyrio textam subtegmine vestem,

Seu placet inscripti commoditas tituli;

F 3

Ipsius

Ipsius hoc domina concinnat utrumque venustus:

Has geminas artes vna Sabina colit.

De Hermiones zonâ:

Punica turgentes redimibat zona papillas

Hermiones: zona textum elegion erat:

Qui legis hunc titulum, Paphie tibi mandat, ames me,

Exemploque tuo neminem amare vetes.

In gratiarum actione, ex epistolâ Gratiani Augusti: *Palmatam tibi misi, in qua Diuus Constantius parens noster intextus est.* Sed ut palam fiat, quod initio dictum, frequens id atque adeo promiscuum & cōmune omnibus fuisse, audiamus Alterium Amasææ

* ineditâ.

episcopū, in Homiliâ quâdâ * ἀνεκδότω de diuite & Lazaro, vestes eiusmodi, dum vsum earum carpit, nimisquàm graphice describentem: Οὐ δὲ μέλει τ' εἰρημόμων ἔσθαι τ' μοῦνος ὀπποίας τὰς ὁδοὺς, ἀλλὰ πᾶσι κενὸν ὑφαντικῷ ἐξορρόντες περιστρέφον, ἥτις τῇ πολλῇ τῇ σήμερον Θ' τοῦ κρόκου τ' χρυσίδος μιμνῆται τὴν δύναμιν, καὶ πάντων ζώων τοῖς σπῆλαις τὰς μορφὰς ἐπισκυσίνεται, τὴν ἀνδρῶν καὶ μυελῶν εἰδωλοῖς πεποικιλμένῳ φιλοτεχνῶσι ἐδιδῶκεν αὐτοῖς τε καὶ γυναιξὶ καὶ παισὶν ταύζοντας λοιπόν, ἔσθαι δ' ἄλλοις, καὶ τ' ἀμειβίας τῇ πλάττει τοῦ χρυσοῦ καὶ τῷ βίῳ, ἔσθαι χρυσοῦ, ἀνθρωπομοθεύουσας τῷ Παύλῳ καὶ μαρτύροις τ' θεοπνεύστοις φανῶσι, ἔσθαι χρυσοῦ, ἀλλὰ φανερὰ. ἃ γὰρ ἐκεῖ Θ' ἀπεκρίθη λόγῳ, ταῦτ' ὅτι κατὰ, καὶ κενὸν τοῖς ἔργοις, ὅταν οὐκ ἐνδυσάμενοι φανῶσι, ὡς τοῖς γεγενημένοις τοῦ ἔργου τῇ συνωρυγχάνοντων ὁρῶνται, καὶ πᾶσι καὶ τὰ παιδία αὐτὰς ἀντίστοιχον μεσιδῶν τοῦ ἀλλοῦ καὶ διακτυλοδανεύοντα τὴν ἐν τοῖς ἱματίοις χρυσῶν βαδίξουσιν δὲ παρετόμω, ἐκ ἀναχωρήσας μέχρι πολλῆς, ἐκεῖ λέουσιν καὶ παρδάλεις, ἄρκοι καὶ ταῦροι καὶ κύνες, ὕλας καὶ πτεῖραι καὶ ἄνθρωποι θεοκτενέοι, καὶ πάντα ἢ τ' χρυσίδος ἐπιτέλλουσιν μιμνῆται τὴν φύσιν, ἔδει γὰρ μὴ τοῦς εἰρημοῦς αὐτῶν μόνον, ὡς ἔοικεν, καὶ τὰς οὐκίας κοσμεῖσθαι, ἀλλὰ καὶ τοὺς χιτῶνας καὶ τὰ ἐν ἐκείνοις ἱμάτια. ὅσοι δὲ καὶ ὅσοι τῶν πλεονέκτων δολοφονῶν, ἀναλεξάμενοι τ' Ευαγγελικῇ ἱστορίᾳ τοὺς ὑφανταίς παρέδωκαν αὐτὸν λέγω τ' Χριστὸν ἡμεῖς μὲν τῶν χρυσοῦ ἀπάντων, καὶ τῶν χρυσοῦ ἀπάντων ἔσθαι, ὡς ἡ δόξα ἔχει. ὅφει τ' γὰρ τῶν Γαλιλαίας καὶ τὰς ὑφίας, τ' τοῦ χρυσοῦ καὶ τῶν κένων τῶν ὁμων φέροντα, τ' τοῦ πλὴν τῶν πηλῶν θεοπροφάνων, τ' ἀμφοτέρωθεν τ' χρυσίδος λαμβανόμενοι, τ' ἀμφοτέρωθεν τοῖς ποσὶν τῇ ἰσχύϊ τοῦ χρυσοῦ ἑσθίοντες, καὶ ταῦτα ποιῶντες δολοφονοῦντες καὶ ἱμάτια χρυσοῦ τῶν θεῶν ἀμυνόμενοι. Nec vero constituerunt hic stultæ sollertiae fines; sed vanâ quâdam & superuacua arte texendi in-

uentâ,

uentâ, quæ staminis atque subtegminis contextu pictoriam facultatem imitatur, & omnium formas animalium in vestimentis exprimit, floridam & infinitis imaginibus variegatam vestem tum sibi tum vxoribus & liberis studiosè comparant: ludentes etiam in reliquis puerili more, nilque sedulo vel seridè agentes, per immodicas diuitias abutentes vitâ, non viuentes, aduersantes denique Paulo, pugnantisque cum is quæ numinis insimulâ profatus est, non dictis, sed factis. Quæ enim ille verbo proscripsit, hæc isti mordicus retinent, & ipsâ re confirmant. Quandocumque igitur sic amici prodeunt, quasi depicti parietes ab obuiis aspiciuntur. sed & pueri eos circumstunt, ridentes inter se, digitisque commonstrantes in vestibus picturam. Prosequuntur etiam ad multum spatij, neque temerè recedunt. Sunt ibi leones, panthere, vrsi, tauri, canes, siluæ, saxa ac venatores, & omnia denique, circa quæ pictorum versatur industria, ad imitationem naturæ expressa. Necesse quippe erat, vt videtur, parietes non solum atq; domos ita adornari, verum etiam ipsas tunicas & pallia eis superiecta. Qui verò, quæque ex diuitibus illis religiosiores sunt, ex historiâ Euangelicâ textoribus argumenta suppeditant: ipsum dico Christum nostrum cum discipulis omnibus, & vnumquodque miraculorum, hoc ipso quo narratur modo. Videbis nuptias Galilææ & hydrias, paralyticum humeris lectum ferentem, cæcum qui luto curatur, mulierem, quæ sanguinis profusio laborat, simbriam prehendentem, peccatricem ad pedes Iesu accidentem, Lazarum è sepulcro ad vitam reuertentem. Et hæc dum faciunt, piè se facere & vestimenta Deo grata induere arbitrantur. Plura quidem adduci à me possint; sed nihil clarius & illustrius.

CAP. II.

*Mendum è Propertio extritum. Sententia
melior & argutior reposita.*

ITa res habet: ex scriptorum mendæ quæ minùs in oculos incurrunt, & à vero propiùs absunt, quasi breuia latentéq; scopuli, incautos maximè fallût, & pertinaciùs sedibus suis hærent. Eiusmodi fortè illud è Propertij Elegiâ i x. lib. iiii. de Cleopatrà:
Coniu-

*Coniugis obsceni pretium Romana poposcit
Mœnia, & additos in sua iura patres.*

Quod nullus adhuc Ædilis, si probè commemorari, vitiosum iudicauit. Et tamen, si benè inspicimus, haberi pro sano non potest. Nec enim coniugis, id est Antonij, pretium Romam Cleopatra poposcit. Illâne Antonium emeret? imò contrâ planissimè Antonius ipsam totâ Româ. Florus: *Hæc mulier Ægyptia ab ebrío Imperatore pretium libidinum Romanum imperium petiit. Et promissit Antonius: quasi facilius esset Partio Romanus. Qui profectò dicitur hoc à Propertio sumpsit, quem emendandum ita censeo:*

Coniugij obsceni pretium.

Sui, inquam, coniugij & communicati tori pretium hoc venustissima fœmina petiit. Hoc quidem ^{* ἀνευρίσκον} est, & pluribus probare, *tam sit stultum, quàm in clarissimum solem mortale lumen inferre.* Legitur in Elegiâ x i i. lib. i. querela de amicâ abductâ aut immutatâ:

Inuidiæ fuimus. Num te Deus obruit? an quæ

Letæ Prometheis diuidit herba iugis?

Non sum ego qui fueram. mutat via longa puellas.

Quantus in exiguo tempore fugit amor?

Quæ postrema frigent ac iacent præ ingenio & argutiis Poëtæ. Correctio iuuabit ac distinctio:

Non sum ego qui fueram? an mutat via longa puellas?

hac sententiâ: An ego subito alius factus sum? an te via longa potius immutauit? Simile ferè in Theocrito:

* Num quis
me subitò
Deus aliud
hominem
facit?

* Ἄγε τις ἑξαίρετος με θεὸς βροτῶν ἀλλοτρίοις;

C A P. I I I.

Liuij locus de coniecturâ correctus.

Sincerum haberi non potest quod apud Liuium est lib. x x i. sub pugnam ad Trebiam:

Ponte perfectò tractus Romanus exercitus in agrum Insularium quinque millia passuum à vico tumultis consedit.

Sigonius & ante eum Glareanus abesse nomen loci censuerunt, & hîc

& hic quidem, *tumulis considerare* quomodo in plano, vt hîc omnia erât, intelligatur, haut capere se fatetur. Ego vitium potius quàm defectum odoror, & è duabus vocibus nomen loci concinno: à *Viētumuiis*. Vestigia scripturæ suadent, & Liuius, qui infrà Emporium isto nomine agnoscit, idq; in hoc ipso tractu. *Paucorum inde dierum quiete sumptâ ad Viētumuias ire pergit* (nempe Annibal) *oppugnandas*. Nam ita membranæ, non *Vicumuias*, vt libri vulgati.

CAP. IV.

In Hirtio coniectura. Verba in ordinem reposita.

TEntare locum Hirtij placet, De bello Africo:
Dum hæc ad Ruspinam sunt, legati ex Acillâ ciuitate libera etiam vndique ad Cæsarem veniunt, seque paratos quæcumque imperasset, & libenti animo facturos pollicentur.

Illud etiam vndique nimis laxè & *ἀόριστος* dictum videtur: nec valde subuenit Fuluius, qui diuissim, & iam, legit. Ego, quam infestam viam, nescio. Concinnabam tamen ex ductu scripturæ: & *immuni*. De solâ enim Acillâ sermo videtur, eamque dicit liberam & immunem; vt suprâ de Lepti: Inde mouit, & peruenit ad opidum Leptin liberam ciuitatem & immunem. Nota hæc conditio quarundam urbium, quibus id beneficio S. P. Q. R. concessum. Idem hic deinde,

* Ως πάντ' ἄγαν γ' ἀμυντὶ καὶ σαρὶ λέγῃ,

in his nempe verbis:

Aquila tempestate iactatus promontorium superare non potuit: atque angulum quemdam tutum à tempestate nactus cum classe se longius à prospectu remouit. reliqua classis in salo ad Leptin, egressis remigibus, vacua à defensoribus stabat.

Nam prior narratio expungitur, damnaturque à sequenti. Si Aquila cum classe angulum nactus est, quomodo adiicit, *reliqua classis in salo ad Leptin*? Sed auctor culpâ vacat, & editio prisca verissimè scribit & ordinat: *Aquila tempestate iactatus, cum classe propius promontorium superare non potuit: atq; angulum quemdam tutum à tempestate nactus, se longius à prospectu remouit.* Cur hæc

G

* Obscure
 ut omnia
 atque cre-
 perè disse-
 rit.

hæc mutata? Nam Aquila solus angulum illum cum naui suâ cepit; reliqua classis ad Leptim appulit.

CAP. V.

Lucani incogitantia & ἀσέβεια ψία.

AMo Lucanum vel ob altum & verè excelsum animum. Seruile nihil spirat in mediâ illâ temporum seruitute. Atqui dicam,

* Nihil-
que, verum
quod fiet,
non profe-
ram.

* Κ' ἐδὲν παρήστω δ' ἀνέλεος ἔπος,
à se & à decoro nimium recedit; cum laudatum illum Magnum tam humilem subito tamque mollem facit, vt nulla mulier abiectionior esse potuerit in calamitate. Versus eius principio lib. viii.

*Cornipedem exhaustum cursu stimulisque negantem
Magnus agens incerta fuge vestigia turbat,
Implicitasque errore vias. paueit ille fragorem
Motorum ventis nemorum: comitumque suorum
Qui post terga venit, trepidum laterique timentem
Exanimat.*

* ac tempe-
state horre-
da calamita-
tis.

Quid ais, Annæ? hic est ille tuus, quem paullò antè in ipso nimbo * καὶ κλυδῶνι δεινῆς συμφορᾶς, alterum Herculem fingis aut Catonem? Recognosce tua ipsius verba lib. vi i. exitu:

*Non gemitus, non fletus erat, saluaque verendus
Maiestate dolor: qualem te Magne decebat
Romanis præstare malis. non impare vultu
Aspicis Emathiam. nec te videre superbum
Prospera bellorum, nec fractum aduersa videbunt.*

Hic ego Lucanum agnosco suum & vigilem; cum illa verò scriptis, somno dedisse operam puto.

CAP. VI.

Liui lux & sanitas.

DE Fabio Maximo Liuius, lib. xxi.

*Ad aures quoque, militum dicta ferocia voluebantur: ac si
militaris*

militaris suffragij res esset, haut dubiè ferebant, Minutium Fabio duci prælaturus. Fabius pariter in suos haut minùs quàm in hostes intētus, priùs ab aliis inuictum animum præstans, quamquam probè scit, non in castris modo suis, sed etiam Romæ suam cunctationem infamem esse, obstinatus tamen eodem consiliorum tenore æstatis reliquum extraxit.

Supinum autem illud nimis & natans, ab aliis inuictum animum præstans. A quibus enim aliis? Itaq; Germanà simplicitate Glareanus: *Vt ingenuè dicam, quid hoc, ab aliis, referat, haud equidem intellego.* Nec ego certè, & ut anus ad armillum, ad correctionem decurro ac rescribo, priùs à fabulis inuictum. Sententia quidem ista: spreuisse eum rumores, & quod ipse Fabius Æmilio præcipit, aduersus famam rumoresque hominum firmum stetisse. Monemus etiam, alibi esse: inuictum animum præstat. *Quamquam enim probè scit.*

CAP. VII.

Taxatus Caesaris locus & tentatus.

Inconsiderata & supina mihi visa isthæc scriptio de expugnatione castrorum Octauij I I I. Belli ciuilis:

Ipsi (Salonenses) manu factâ, cum iis quos nuper manumiserant, in proxima Octauij castra irruerunt. his expugnatis, eodem impetu altera sunt adorti, inde tertia & quarta, & deinceps reliqua: omnibûsque eos castris expulerunt.

Ait, deinceps reliqua. Quæ, malum, reliqua? perinde quasi terna etiam aut quaterna amplius expugnata. Atqui antea scriptum: *Octauius quinis castris opidum circumdedit.* Si quina tantum, & quarta iam expugnata, quæ, fodes, hæc reliqua? Hæret hæc res nisi fortè scribimus, *Octauius quindenis castris.* id est, castellis & propugnaculis. Præter hoc nihil exculpo: quod si non optimum est, melius tamen quàm quod deterrimum.

CAP. VIII.

*De simpulo siue simpurio. Scholiastes Iuuenalis
& Varro correcti.*

ROmani cùm aliarum rerum antiquarum, tum rituum sacrorum retinentissimi fuerunt, &, quod opidò mirum, etiam in maximis opibus & inter spolia orbis terrarum fictilibus ad sacrificia vasis vsi sunt. Fuit inter ea *simpulum* siue *simpurium*; vt quidam appellarunt. Varro lib. i v. *In sacrificiis remansit Guttum & Simpulum.* Plinius xxxv. cap. xii. *In sacris quidem, etiam inter has opes, non murrhinis crystallinisve, sed fictilibus prolabatur simpulis.* Apuleius in Apolog. Eadem paupertas populo Rom. imperium à primordio fundauit: proque eo in hodiernum Diis immortalibus simpulo & catino fictili sacrificant. Intellegit hæc ipsa Valerius lib. i v. cap. v. *Per æternos Vesta ignes, fictilibus etiamnum vasis contentos, iuro.* Et Dionysius lib. i i. vbi Romuli instituta frugi dilaudans, ea (in sacris quidem) mansisse ad suum æuum scribit: Καὶ ποτὶ δ' αἰς εἶδον, inquit, ἐν κενεαγρίας ἐν ἐν ἀργυρεῖς καὶ χρυσεῖς ἄλυσον, ἀλλ' ἐν ὀρεσάνταις κυλίσταις καὶ ποτὶ δ' αἰς: Et libationes vidi infusas non argenteis & aureis poculis, sed fictilibus culignis & simpulis. Nam ποτὶ δ' αἰς ibi sic explicem; à profundendo scilicet, & quòd vsus eorum in libando. Festus: *Simpulum vas paruum non dissimile cyathò, quo vinum in sacrificiis libabatur.* Cum cyathò comparat: atque ita Glossæ, *Simpulum, κύαθς.* Scholiastes Iuuenalis in Sat. v i. *Simpurium vas sacrificiis aptum, in quo Pontifices lauare solebant.* Ridiculum de lotione: corrigo, *lauare* siue *libare*, & paulò antè, *aptum, quo*, præpositiunculâ deletâ. Quemadmodum & Varro apud Nonium corrigendus: *Non vides ipsos Deos, si quando volunt gustare vinum, deripere ad hominum sana, & tamen tum illi ipsi Libero simpurio vinitari.* Lego, *simpurio* luitari seu libitari, comparari erroris causâ. Quod etiam præit, *deripere*, velim esse, *dirigere*: id est, ire, tendere. Festus: *Dirigere apud Plantum inuenitur pro discedere.* Sed enim in his postremis exemplis *simpurium*, non *simpulum* scribitur, & vtrique scripturæ assertores. huic posteriori etiam Cicero apud Nonium: *Oratio exstat Lelij, quam omnes*

omnes habemus in manibus, quàm *simpuiua* Pontificum Diis immortalibus grata sint, Samiaque, vt is scribit, *capedines*. Et Iuuenalis Sat. vi.

Simpuium ridere Numa.

vbi & Versus *simpulum* respuit, nisi quis vellet *simpullum*. In Arnobio *sympinia* leges, quasi *ὁπὸ τῶ συμπίην*: *Brias*, *pateras*, *sympinia*. Sed nescio, an verè; neque Hadriano Iunio, quamuis viro longè doctissimo, secundas agere possum, cùm lectionem hanc annixè tuetur, & Lazaro Baifio nimis inclementer dicit, quòd hîc ei

Lib. vii.
aduersus
gentes.

— * *Συμὸς ἐνὶ σήδεσσιν ἀπὸς* ☉,

neque id ipsum ab aliis antè dictum assentiat. *Simpulum* certè Latinam, secundum Varronem, habet originem. à sumendo nimirum, quòd vinum eo *sumebant*, id est bibebant, *minutim*. Et optimis libris auctoribus tam *simpulum* quàm *simpuium* absque litterâ Græcanicâ, secùs atque eruditissimus ille vir censebat, scribendum est. Plura equidem adferrem, nisi alij occupassent, scriptumque in animo meo Sophocleum illud esset,

* *Τὰ μὲν περὶ αὐτοῦ τῶ λόγον ἀρεῖ.*

--- * *incre-*
dula pecto-
re mens est.
Lib. i v.
de L L.

Ex his autem, quæ adduxi, satis constat sacrorum proprium esse *simpulum*, & Pontificibus attribui, qui creberrimè eo vsi. Quare etiam inter insignia eius sacerdotij numi prisci ponunt.

C A P. I X.

Duum Linij locorum correctio.

Obscurus, imò vitiosus est locus in calumniosâ oratione Tribuni Bæbij apud Liuium lib. xx i.

Abhorre igitur interregnum eos. *Consulatum vnum* certè plebis Romana esse: populum liberius habiturum ac daturum ei, qui magis vincere quàm diu imperare malit.

Si meo fiet modo, furcillis primùm eiicietur τὸ *abhorre*, & vacuum in sedem atque suam reducetur quod in membranâ est, *habere*: deinde ex ingenio distractis vocibus malè iunctis scribemus, *liberum ius habiturum*. Dicit Tribunus, Patres omnibus artibus rem ad interregnum duxisse, vt in eorum manu comitia essent: nullâ tamen arte efficere posse, quin alter Consulum sit

ē plebe. populum igitur *liberum ius habiturum*, & illum saltem talem facturum, qui potius publica commoda quā sua ipsius spectet. Saxoniū quidem aliter, & *liberius habiturum*, Helleni-
finum esse ait: sed illud

... * mihī
visum va-
stius esse

* ἰμὸς θυμὸς δοκεῖ εἶναι δεῖσα.

CAP. X.

Petronius correctus & illustratus.

IN Petronij Satyrico Carmen est sublimē, sonorum, quo
causas refert civilis Cæsariani belli, atque inter eas auaritiā
& luxum. Ibi hæc:

*Nec satiatuſ erat. gravidis freta pulſa carinis
Jam peragrabantur: ſi quis ſinuſ abdituſ vltra,
Si qua foret telluſ, qua ſuluum mitteret aurum,
Hoſtiſ erat.*

Grauidas carinas haut ſatis probo; & puto germanum eſſe, *Graviſ
freta pulſa carinis*. Nempe Pontuſ & loca, per quæ læſon cum
ſuiſ ad aureum velluſ. Quod ſequitur in oratione Cæſariſ,

*Sanguine Germano ſexagintaque triumphis
Eſſe nocens capī. quamquam quos gloria terret,
Aut qui ſunt qui bella volunt? mercedibuſ empta
Ac vileſ operæ, quorum eſt mea Roma nouerca.*

id ſumptum eſt à Scipioniſ voce liberâ, qui in mediâ concione:
Taccant, inquit, *quibuſ Italia nouerca eſt*. quaſi diceret libertinoſ
aut exteroſ & nec ſanguine Romanos eſſe.

CAP. XI.

Liuij locus emaculatus.

NON ſatis cum fide retulerunt Patribuſ Decemuiri, ſi fida
hæc Liuiana, lib. xxi.

*Decemuiri libroſ Sibyllinoſ adire iubentur. qui inſpectiſ fatalibuſ
libriſ, retulerunt patribuſ, quod eiuſ belli cauſâ votum Marti
foret, id non ritè factum, de integro atque ampluſ faciendum eſſe:*

& Ioui

& Ioni ludos magnos & ades Veneri Erycinæ ac Menti vouendas esse.

Nam ubi, obsecro, Marti votum aliquod factum? Euolue priora omnia, nō reperies: etsi Liuius in eiusmodi rebus nimis quā curiosus. Ego reperio votum anno antè factum, ex libris Sibyllinis, à C. Atilio Serrano Pratore, si in decem annos respublica eodem stetisset statum. Narrat Liuius libro superiore extremo. Nec ambigo quin huc iam aspectum. Id autem votum non Marti propriè, sed Ioui aliisque diis factum. Imò statim ecce varij dii nominantur, quibus votum id instauratum, Martis nullā mentione. Credo igitur rectè hîc emendatum iri: *votum antè foret*. errore illo nato ex adhæsiōe litterulæ, suppositoq; Marte, quia videbant Martem in manibus, &

Omnia iam belli trepido concussa tumultu.

CAP. XII.

De veste militari: publicitus ea data. Sagum, lacerna, Panula, Armilauſa. De colore vestium militarium designatum.

DE veste domesticâ & vrbânâ multi multa; de militari, nisi quā Imperatores & duces spectat, * *ὡς ἐν τῷ μνημῆτι ἔχω*, vix ^{* quæ memoria est.} quiquam, aut cursim & saltuatim. Quare facturum operâ pretium me puto, si quæ circa ea mihi notata sunt, vno velut missu hoc capite exhibeo. Hæc igitur missa donatâque olim è publico, vt clarè Polybius: & ferè (pluries in Liuiο videmus) *Tunicæ ac Togæ*. atque illæ quidem grandiore semper numero. vt in Liuiο, lib. xxi. *Vestimenta exercitui decrant: ea quoque haud segniter curata res. mille ducentæ Togæ breui spatio, duodecim millia Tunicarum missæ.* & alibi. Quæ causâ disparitatis? quòd Togæ honestioribus tantum missæ, vt equitibus, Centurionibus, ac talibus; gregarij tunicâ contenti fuerunt, & super eam fortasse sago. Sagum quidem militaris vestis. atque ita Polyænus de Scipione ad Numantiam: *Ἐκέλευε ἱματίω χεῖρας σπύρα Γαλαπῆν, καὶ ἀριστερὸς αὐτοῦ ἐπιπορήσας σισύραν μαλαίναν*: *Iussit eos vti veste sago Gallicano, &*

ipse

ipse primus nigrum sagum fibulâ sibi induit & adstrinxit. Inde toties lectum: Ad saga ire, in rebus turbidis: quasi omnes tunc milites pro re natâ. Lampridius in Alexandro: Depositis armis, depositis etiam sagulis militaribus, omnes non ad castra, sed ad diuersoria iuerunt. quasi non vltra nempe milites. In Italiâ autem, & Vrbe imprimis, aliter se res habebat, quàm in prouinciis & castris. Nec enim decere videbatur ille ferox habitus dominam terram & Urbem. Capitolinus in Antonio: Per Brundisium veniens in Italiam, togam & ipse sumpsit, & milites togatos esse iussit: nec unquam sagati fuerunt sub eo milites. Eâ de causâ Excubiæ Palatinæ togatæ, vt in Taciti 1. Histor. Nec una cohors togata defendit nunc Galbam, sed detinet. Legimus item Lacernas militum & Penulas. In Propertio:

Texitur hæc castris quarta lacerna tuis.

In Ouidio:

Mittenda est domino, nunc nunc properate puella,

Quamprimum nostrâ facta lacerna manu.

Domino, marito militanti. gratiores nempe hæ vestes, à muliebri vel amatâ aliquâ manu. In Scholiaste Persij: Lacerna pallium fimbriatum, quo olim soli milites velabantur. Benè, olim. postea enim Urbani passim Lacernati esse cæpere; quidam etiam super Togas. De Penulis autem, Suetonius Neronis cap. XLIX. Irrumpenti Centurioni & penulâ ad vulnus appositâ. Seneca De Benef. III. cap. XXVIII. Quò te penulati isti in militum & quidem non vulgarem cultum subornati: Tertullianus de milite suo: Ibidem grauissimas penulas posuit, reuelari auspicatus. Per penulatos autem istos Seneca feruos ad lecticam intellegit, ac militarem in modum vestitos significat, colore etiam rufo: de quo Martialis in Lemmate, Canusina rufæ:

Roma magis fuscis vestitur, Gallia rubris,

Et placet hic pueris militibusque color.

Trebellius in Claudio: *Tunicas ruffas militares. Tertullianus huc apexit, in eodem milite: Et nunc sanguine suo ruffatus, spe calceatus. quasi iam non veste & penulâ, sed sanguine rufus. Si Isidoro credimus, veteres etiam hoc colore vsi. Ruffatâ sub Consulibus Romani vsi sunt milites, vnde etiam Ruffati vocabantur. Idem videtur ex fragmento Varronis apud Nonium in Torques: Tela dextrâ*

dextra vibrant, ruffati emicant. Est omnino de militibus, legendumque, & micant. Notum quid sit minari & micare telis. Sed dicet aliquis: quid in Imperatore & Licetoribus eximium, si omnium veltes simillimè tinctæ? In procliui est soluere hunc nodum, propter discrimen inter ruffum & coccineum colorem, qui proprius Imperatoris erat, & vnde facilè internoscebatur. Pertinet huc Cæsarianum illud Commentario v i i. *Accelerat Cæsar, ut prælio intersit. eius aduentu ex colore vestis cognito.* Non enim fides satis auctor Horatij Scholiastes ita scribens: *Romani milites in bellum cunctes, coccineis sagis utebantur, ut ne quis vulneratus terrorem incuteret sociis.* vbi pro ruffo coccineum vsurpauit. Sed an hoc tantum de velitibus, quos chlamydulâ testos fuisse scimus? in obscuro res sita est. Græci certè, & maximè Lacedæmonij τῇ φοινικίδι militiæ sunt vsi. Aristoteles apud Suidam: *Ἀριστοτέλης δὲ φησὶ ῥηθὲς τῶς Λακεδαιμονίως φοινικίδι πορὶ τῶς πόλεως. τὸτο μὲν, ὅτι τὸ ῥέος ἀνδρῶν τὸτο δὲ, ὅτι τὸ τῷ χρώματι αἱματωδὲς τὸ τῷ αἵματι ῥύσεως ἐστὶν καὶ ἀφ' ἐσθῆν.* Aristoteles ait Lacedæmonios puniceâ veste ad bella vri, tum quia color ille virilis, tum quia sanguineum illud in tincturâ sanguinis ipsius fluxum assuefacit contemnere. Plutarchus & aliis Græcis tunicas puniceas attribueri videtur, cùm de Philopemone scribit, eum milites suos adornatos & instructos voluisse Græcis ostendere, & in theatrum duxisse ἐν τῷ σεπτιωτικῷ γυμνασίῳ καὶ τοῖς φοινικῶς ὑποδύεσθαι in sagulis militaribus & puniceis tunicis. Idemque de Macedonibus, in Æmylio: *visos eos ἀσπασσέντας ὅτι χρυσοῖς ὅπλοις, καὶ νεφροῖς φοινικίσιν:* micantes in aureis armis & vestibus novis puniceis. Silius hoc & Carthaginensibus tribuit:

— Rubra velamine vestis

Ars erat in pugna visum oculuisse cruorem.

Has tales *Armilausas* videntur posteri dixisse. Paulinus Nolanus de quodam improbius vestito, epist. x i i i. *Minimè monachali caligâ & veste, cùm præterea facie non minùs quàm Armilausâ ruberet.* Iterum epist. v i i. *Sibi ergo ille habeat Armilausam suam & suas caligas.* Scholium vetus in Iuuenalis illud, *viridem thoraca: id est, Armilausam prasinam, ut simia.* Emendo ἐν παρέρῳ, aut simile. Sed ille alterius coloris etiam facit. Isidorus eo præterito de nomine & formâ sic ait: *Armilausa vulgò vocata, quod antè & retrò diuisa atque aperta est, in armos tantum clausa, quasi Armiclausa.* Iam verò

H

Caligam,

* militare
calceamen-
tum.

* indocti
veterumq;
Romanarū
expertes.

Caligam, quod ait Dio, * *σεατιωτικὸν ὑπόδημα* fuisse sciunt omnes qui non profus * *ἀμαθείς καὶ ἄψ ῥωμαιοῦν ἀγύλοιοι*. De *Calceis* autem *clauatis* nihil dicam, ne actam rem agam. Pertractauit enim eam, vt ipse mihi confirmauit Iosephus Castalio IC^{us} morūque & litterarum veterum benè doctus. Sed & formam, quò vulgetur, è fornice Constantini diligenter exprimi curauit. Et oculis panè ingerunt Iosephus *ἀλώσεως* lib. v. i. cap. i. i. & Imperator Leo, qui & vsum addit clauorum: *Calcei peditum fastigia antè acuminata ne habeant. Necessum verò est paucis quibusdam clauis firmari calceos, quos carphia appellant. Ad varios enim vsus id vtile est, in primis ad itinera facienda.*

C A P. XIII.

Occultior significatio vocis commeatus, & exempla.

Commeatum veteres vsurparunt pro plurium simul nauium appulsu, quemadmodum hodie Galli, *la flotte*. Monuerunt id antè viri docti, quod reliquum est, exemplorum copiam ego dabo. Cæsar lib. v. *Duobus commeatibus exercitum reportare constituit.* Hirtius de bello Africo: *Rabirium mittit ad accersendum secundum commeatum.* Suet. in Nerone: *Alexandriui qui de nouo commeatu Neapolim confluxerant.* Apul. lib. x. i. *Metam.* Ecce litteræ de noui commeatus prosperâ nauigatione. Symmachus lib. v. i. epist. LXV I I I. *Nobis tardior Africanarum nauium commeatus inquit curas, & sterilitas conditorum.* Et rursus, lib. x. ep. I. *Edita ratio est vectigalium, quæ Hispanicnsis atque Alexandrinus inuehere debuit commeatus.* Pro eo Martialis, Ausonius & Sidonius Græcanicâ voce sunt vsi, *cataplus*: de quâ solens suo more, id est perquàm eruditè, vir plenus litterarum, & qui verè * *ὡς δὲ ἀνεργὸς ἀνδρὲς* venisse dici potest, Isaacus Casaubonus, in *Animaduersionibus* Suetonianis. Simili notione cômatus dicitur, cū manus iuncta terrâ iter facit, quod Turcæ appellant *Carauanam*. Apul. lib. v. i. i. *Vt luce clarâ, & die iam prouectò, & sole florido, vitantes vndique latentes insidias, cū ipso lumine dirarum bestiarum repigatur impetus, non laciniatim disperso, sed cuneatim stipato commeatu difficultates illas transibiremus.*

* ad culmē
eruentionis.

CAP. XIV.

Soleis feminarum inserti clauī, gemma. Calcei purpurei, interpuncti, auratis pralati. Crepida arata. Calcei pedum quasi vincla.

DE calceamentis militum quia suprà mentio leuiter mihi facta, facile animum induxi de paganorum etiam dicere, sed pauca, sed aliis, vt opinor, indicta. Nam de calceis lunatis, lineis, albis, coccineis, auratis multi meminerunt. Sed & de baxeis, peronibus, mulleis, vdonibus, foccis, cothurnis. Prateritis igitur his talibus, clauos dico calceis nō modò militum, sed etiam mulierum, insertos. Patet è Clemente Alexandrino Pædag. lib. 11. cap. XI. περὶ ὑποπόδεας; Παρεπιτίσαι δὲ καὶ περὶ τὰς ὑποπόδεας εἰσὶν αἱ ἀλαζόνες, ἢ πολλὰ βλακείαν κἀνταῖθα ὀπιδευνόμεναι. ἀρετὰ τοῦ ἀληθῶς τὰ σκεδὰ λια ἐκείνα, ἐφ' οἷς ἔστι τὰ χρυσὰ ἀνακείμενα. ἀλλ' αὖ καὶ τοῖς ἰδοῖς ἐλικοειδῶς τοῖς καττύμασι ἐκκαταρτέον ἀξίωσιν. Similiter autem in calceamentis superba arrogantēque femine magnam ostendunt mollitiem. Turpia quippe sunt illa sandalia cum aureis ornamentis. Sed & clauos circumcirca soleis insigere æquum censent. & an non ex auro? quales aliquando vel gregariis militibus. Iustinus lib. XXV I I I. de exercitu Syria regis Antiochi, non Magni illius, cui bellum cum Romanis, sed è posteris eius: Argenti certè auriq; tantum, vt etiam gregarij milites auro caligas figerēt, proculcarentq; materiam, cuius amore populi ferro dimicant. Caligas enim inter calceamenta fuisse, confessa res ac manifesta: nimisque mirum quòd vir doctus ita braccas appellatas censet. Non autem hīc stetit luxus; itum est vltcrius, & gemmæ quoque calcata. Curtius de Sophite lib. 1x. Vestis erat auro purpuraq; distincta, quæ etiam crura velabat; aureis soleis inseruerat gemmas. Flau. Vopiscus de Carino: Habuit gemmas in calceis. Sed non magnum hoc in Principibus. Plinium audiamus lib. 1x. cap. XXV. Affectantque iam & pauperes, licetorem femine in publico vnionem esse discitantes. Quin & pedibus, nec crepidarum tantum obstragulis, sed totis focculis addunt. Neque enim gestare iam margaritas, nisi calcent, ac per vniones etiam ambulent, satis

est. Et Spartianum in Elagabalo: Semiamirica facta sunt S C^a ridicula de legibus matronalibus: quæ quo vestitus incederent, quæ cui cederet, quæ ad cuius osculum veniret: quæ pilento, quæ equo sagmario, quæ asino veberetur, quæ carpento mulari, quæ boum, quæ sellâ veberetur, & utrûm pellicedâ, an osseâ, an eboratâ, an argentatâ, & quæ aurum vel gemmas in calceamentis haberet. Disertè etiam dicit Clemens Alexandrinus dicto capite & libro: Χαίρειν ἂν ἱερίον τὰς ἑταίρους καὶ ἡγεμόνας ἵππῳ σαρδάλιον ματαίωσθαι. Vale ergo dicendum est aureorum & gemmeorum sandaliorum artificii. Et Tertullianus de fastidio Parthorum & Medorum ceterorumque gentilium suorum coram matronis erubescens, nisi quod nec ad ostensionem ferè habentur. Latent in cingulis smaragdî, & cylindros vaginæ suæ solus gladius sub sinu novit, & in peromibus uniones emergere de luto cupiunt. denique iam gemmatum habent, quod gemmatum esse non debet, si non comparet: aut idè comparet, ut neglectum quoque ostendatur. Unde minùs mirandum videri debet quod Herodotus memoriæ prodidit, Ægypti reginæ magnæ alicuius urbis redditus pro calceario assignatos. Notabile etiam quod calceos purpureos pluris fecerunt quàm auratos, & supra omnes, interpunctos: ob artificium, ut opinor, atque manipretium. Epictetus in Enchiridio: Μέγρον πηχέας τὸ σώμα ἐνδύειν, ὡς ὁ πᾶς ὑποδήματος. ἀν μὲν οὐκ ἔστι τέτις σῆς, φυλάττης τὸ μέγρον ἵαν δὲ ὑπερβῆς, ὡς καὶ κρημνὶ λοιπὸν ἀνὰ γυνή φέρεται. καβατῆρ καὶ ἔστι τὸ ὑποδήματος, ἵαν ὑπὲρ τὸ πᾶσα ὑπερβῆς, γίνεται κατὰ χρυσὸν ὑπόδημα, εἴτα πορφυρεῖ, εἴτα κεντητὸν. τὸ γὰρ ἀπαιεῖ ὑπὲρ τὸ μέγρον ὅπως εἶδεις ἔσθαι. Modus pecunie corpus est unicuique, ut calcei pes. Si igitur in eo insitueris, modum servabis, sin præterieris, iam veluti per præceptum ferri neccesso erit. ut & in calceo: si ultra pedem progressus fueris, fit auratus calceus, deinde purpureus, deinde interpunctus. Eius enim quod semel transierit modum, nullus est terminus. Neque verò tacendum de crepidis æratis, de quibus apud Tertullianum: Si philosophus in purpurâ, cur non & in baxeâ Tyriâ calcæare? nisi aurum minime Græcatis decet. atquin alius & sericatus & crepidam æratus incescit: dignè quidem, ut bacchantibus indumētis aliquid subtimiret, cymbalo incescit. Mirus lusus & luxus in re calceamentorum, quæ Musonio philosopho memoratissimo pedum quasi vincla sunt & impedimenta. Verba ipsius excerpsimus è Stobæo: Καὶ τὸ γὰρ ὑποδ-

De habitu
auliebrî.

De Pallio.

ὁποδὸν δὲ τὸ ἀνυποδιδέειν τὰς διωαυδίας κρεῖττον. κινδυνώδεις γὰρ τὸ μὲν ὑπο-
 διδέειν, τὰς δὲ διέειν ἐξ ὧν ἐστὶν ἡ δ' ἀνυποδιδέειν ποδὶν ἀλυστίαν τῶν καὶ διωαυδίας
 παρίχει τοῖς ποδῶν, ὅταν ποταμὸν ὠσιν. ἔστιν καὶ τὰς ἡμεροδρόμοις ὁρᾶν ὅταν
 ἐξ ἡρωμάτων ὑποδύμεσθαι ἐν τῷ ὁδοῦ καὶ τῷ ἀθλητῶν τὰς δρομείας καὶ ἐν διωα-
 μῶν τοῖς σῶζεν τὸ τάχος ἐν δόξαι βίβωσιν αὐτὰς ἐν ὑποδύμεσθαι. *Ac nudis pedi-
 bus incedere melius est, quàm calceatum. Propemodum enim dixerim
 calceatum esse perinde ac vinctum & constrictum esse. sine calceis au-
 tem valde expediti & agiles sunt pedes; præsertim si adsit usus. Unde
 tabellarios videre est non vti calceamentis in itineribus; atque ex athle-
 tis cursores celeritatem eandem non seruare, si currendum est calceatis.*
 Dignum hîc certè notatione de tabellariis, & quod apud Suetoni-
 um est de classiariis, excalceatos eos cursitasse, cùm ab Hostiliâ
 & Puteolis Romam pedibus per vices commearent. & fortè
 etiam, quod penè præterieram, de caleis virginum aliis atque
 mulierum. Innuit sanè & indicat Tertullianus de nouis nuptis
 ita scribens: *Iam & consilium formæ à speculo petunt, & faciem nup-
 tiosorem lauacro macerant: forsitan & aliquo eam medicamine interpo-
 lant, pallium extrinsecus iactant; calceum stipant multiformem, plus
 instrumenti ad balneas deferunt. Quid singula persequar? Solemnem
 manifesta paratura totam circumferunt mulieritatem. Sed de his
 iam satis est: Quod restat, restant alij, qui faciant palàm.*

Lib. De ve-
 land. virgi-
 nibus.

CAP. XV.

*De numero copiarum Rom. ad Cannas. Linius
 ex Silio emendatus.*

V Ariatum ab antiquis scriptoribus circa numerum arma-
 torum, qui in castris Romanis, cùm pugnatum ad Cannas.
 Linius ad eos inclinat, qui septem & octoginta millia & ducen-
 tos fuisse scripserunt. & ab hac ferè parte Plutarchus, nisi quòd
 auctiore paullùm numero ab eo ponuntur μυριάδες ὅντων διχίλιον
 ἀνδρῶν δέκαται duo denonaginta virorum millia. Polybius magis
 distinctè, πεζῶν εἰς ὅκτω μυριάδας, ἵππων δὲ μικρὰ πλείους τῶν ἑξακί-
 χιλιον, recenset. Appianus numerum imminuit: & facit πεζῶν ἑπ-
 τακισμύχιους, ἵππων δὲ ἑξακισχίλιους, peditum septuaginta millia, equitum
 sex millia. Quod mirum, quoniam ille idem paullò antè lectas

vult nouas quattuor legiones. Οἱ δὲ Ῥωμαῖοι, inquit, κατέλεγον τέτταρες λεγεωνὲς τριακαεξ. Si ita est, profectò octo legionibus rem gesserunt: ergo pluribus quàm millibus septuaginta. Præter Romanas Italàsque copias, auxilia etiam regis Hieronis fuerunt, Livioidem ad mille. Paullò infrà: *Itaq; misisse mille sagittariorum ac funditorum aptam manum aduersus Baleares ac Mauros.* Sed Silius mihi pænè persuadet, legendum hîc, *111. mille*, quia nimis exiguæ & non pro regiâ munificentîâ copiolar illæ fuerint, & diserte ille sic tradit:

Addiderat ter mille viros, in Marte sagittæ

Expertos, fidus Siculâ regnator ab Ætnâ.

Mendum autem esse potest in Livioidem; non potest in Silij versu.

C A P. XVI.

Veteres haut semper ad legem Grammaticorum scripsisse; eiq; rei exempla.

VErè profectò Fabius, aliud esse Latine, aliud Grammaticè loqui. Nam sunt in optimis auctoribus, quæ utique non ferant Grammaticorum leges. Tale in Agellio, lib. i. cap. x i v. *Multis magnisque rebus, quæ bene ac beniuolè fecisset. Quas, oportuit, inquit alius: ille verò negat, & usurpat iterum lib. i v. cap. xviii. Quàm fuerit altus animo atque magnificus, & quâ sui conscientîâ nixus, pluribus rebus quæ dixerit quæque fecerit, declaratum est.* Etiam ille

Romanâ primus Crispus in historiâ:

Abundantia earum rerum, quæ prima mortales ducunt. Ad rem scilicet ipsam, non ad voculam attendere nos voluerunt. Atque hoc σολονικοφανὲς Generis est: ecce Casuum & Inflexionum. Agellius lib. i. cap. xxv. Idcirco ex iis, quibus dixi, vocibus. Lib. i i. cap. xxvi. Sed in iis tamen coloribus, quibus modò dixisti. Nónne ex litteratoriâ lege, quas & quos utrobique oportuit? At veteres, & præsertim Comici, pleni talium. Etiam in Historicis reperire est. In Hirtio, De bello Africo: Dum hæc ita fierent, rex Iuba cognitis Cæsaris difficultatibus, non est visum spatium conualescendi. Eiusmodi quoque

quoque illud IC^d L. XXVII. ad L. Aquill. *Si quis seruum con-*
ductum ad regendum mulum, commendauerit ei mulum: ille ad pollicem
eum alligauerit. Denique multa talia, quæ si autumem omnia,
 nimis longus sermo sit. & hæc satis, siue ad refellendos quosdam
 seruiliter Grammaticos, siue ad reprimendos alios audacter ni-
 mis Criticos, quos in memoriâ semper habere expediat, ** αὐτὸν * non me-*
non auerit. munda ne
moieant.

CAP. XVII.

Agellij duo fadissima stigmata sublata.

AGellius cautè, si quis alius, meditatèque scripsit. Secùs ta-
 men videatur è lib. I. cap. VI. ubi disputat de verbis istis
 Indefiniti modi, *Dicturum, Facturum.*

Qui modus, inquit, neque in numeros, neque in personas, neque
in genera, neque in tempora distrahitur (vetus editio, *distribui-*
tur) *sed omnia istæ vnâ eademque declinatione completitur.*

Nam quòd scribit, verba eiuscemodi non distrahi in numeros,
 in personas, in genera, in tempora, non est vacuum noxiis. Prio-
 ra quidem vera sunt; de temporibus verò cur addit? Profectò pa-
 lām ** ἐξω τῷ ἀποθέας* est, omnia tempora vnâ eademque declina- ** falsum.*
 tionem his verbis comprehendi. Vnicam tantum significationem
 habent ** τὸ μέλλοντες*; in præsens aut præteritum non torquentur. ** futuri*
 Aliter autem est in numeris, personis, generibus, ad quæ omnia
 se aptant. Rectissimè igitur tria hæc verba, *neque in tempora*, à
 libris priscae editionis absunt, & proculdubio glossemata sunt &
 additicia. Barbaries & stribligo videtur cap. I. lib. XV.

Magni, inquit, reditus vrbanoꝝ prædiorum, sed pericula sunt
longè maxima. si quid autem possit remediij fore, vt ne tam adsi-
duc domus Romæ arderent, venum herclè dedissem res rusticas,
et vrbicas emissem.
 in eâ videlicet lexi: *si quid possit remediij fore. Emento, remediij ferri.*

CAP. XVIII.

Vlpianus explicatus de Sparsionibus equorum.

Quid Spartor?

QUod apud Vlpianum est, De his qui notantur infamiâ
 l. i v. *neque agitadores, nec qui aquam equis spargunt*, igno-
 miniosos haberi, id ego non de vulgari aliquâ sparsione, aut ad
 recreandos equos, accipiendum arbitrôr, etsi Alciatum iuris &
 humanitatis consultissimum in hac sententiâ fuisse video; sed de
 sollemni quâdam & cum religione, imò superstitione, con-
 iunctâ. Nam fuisse mos videtur, vt, quoniam Circenses sacri lu-
 di erant, honoriqûe Deorum dicati, equi certaturi priûs lustra-
 rentur, & aquâ è certo loco petitâ spargerentur. Fidem huic rei
 peto è Charisio, lib. i. *Ad equas, an ad aquas vocari, dici debeat,*
quæsitum est. Qui ad aquas dicunt, enarrant quòd ex luco Camenarum
aqua religiosa afferri solebat, purificandi causâ. Sed melius Ad equas,
quòd olim greges equorum in Circum inducebantur, ibiqûe per popu-
lum cursu æquabantur. Qui etsi in alteram opinionem abit, tamen
 morem clarè satis ingerit, quem nos spectamus. Fallor valde,
 aut hunc ritum in mente habuit, & profanam hanc aquam aliâ
 aquâ damnavit Hilario vir sanctus: de quo * D. Hieronymus
 narrat, cum Italici cuiusdam, qui Christianus erat, equi Circen-
 ses dæmoniacis imprecationibus tardarentur in cursu, eum ac-
 cessisse Hilarionem. qui cum aliquamdiu recusasset rei tam in-
 eptæ operam dare, tandem, inquit, *rogatus à fratribus qui aderant,*
scyphum fistilem, quo bibere consueuerat, iussit aquâ impleri, eiqûe tra-
di. Quem cum accepisset Italicus, & stabulum, & equos, & aurigam
suum, & rhedam, carcerumque repagula aspersit: eoque facto plenè vi-
 ctorem de aduersario est consecutus. In lapide veteri inter offi-
 cia Circensibus deputata etiam inuenio SPARTOREM. an ne pro
 SPARSORE? an potius à Sparto id nomen ductum, & ad Circi
 metarumque dealbationem munus pertinuit? Nam in Glossis
 ita scriptum, *Spartum, λουαλα ἐν δαδῶσι.*

v r. Paterg.
cap. i i i.

* In vitâ
Hilarionis.

CAP. XIX.

Percutiendi verbum varioze significatu.

Percutiendi verbum vsurpatum pro illo occidendi. Suetonius in Caligulâ, cap. 111. *Hostem cominus sæpè percussit.* Capitolinus in Antonino Pio: *Nullus sub eo Senator percussus.* Vopiscus in Auidio Cassio: *Percutite me, si audetis, & corruptæ discipline facinus addite.* Idem in Numeriano: *Aprum Præfectum Pr. ostentans percussit.* Victor in Tarquinio Prisco: *Filium tredecim annorum, quod in prælio hostem percussisset, pretextâ & bullâ donauit.* His omnibus locis (credo & aliis) palam est Percutere τὸ φονδέναι valere. Quid mirum? optimo etiam Latinitatis æuo, ἐν φονδέναι, Percussores.

CAP. XX.

De tunicâ interiore disceptatum. Ouidius, Plutarchus, Agellius explicati.

Non sum profectò * φιλοφρόνης, nec, vt quidam, animi morbo vel petulantia, sed studio veritatis, alienos interdū errores patefacere & proferre cogor. Scribit Lazarus Baïsius, quod Lacanis vitio dabatur, & vnde * φαντομὴ δέξ per iocum dictæ fuerunt, id ipsum à Romanis etiam virginibus factitatum: &, vt sine circuitione loquar, tam his quàm illis in vsu fuisse tunicas vtriusque laterum inconsutas & apertas, vt inter eundem & in omni celeriore motu nudum femur appareret. Dij vobram fidem! vnde hoc in mētem tanto viro, quod nemo fando audiuit,

* reprehendendi amari.

* que femora ostendunt.

-- neque vsquam fictum neque pictum neque scriptum in poematis? Nimis certè mirum esset, neminem vnum eorum, quorum Satyras, Amores & Epigrammata legimus, tam bellam lasciuendi iocandique occasionem arripuisse: sed & cunctos seueros illos Censores, qui vitia carpentes ac malos vobis mores, alia quæ in vestitu peccarentur, perquam graphice descripserunt, hinc om-

nino mutos fuisse & elingues. Nam quòd Ouidium citat, vereor ne auctoritatem hic defugiat. Versus eius, quibus pugnat, hi sunt ex lib. 1. De arte:

*Pallia si nimium terra demissa iacebunt,
Collige, & immunda sedulus effer humo.
Protinus officij pretium, patiente puella,
Contingent oculis crura videnda tuis.*

Hinc ita ratiocinatur: Si tunicae vtriusque consutae fuissent, colligendo vel attollendo pallio crura conspici non potuissent: nisi quis dixerit, leuatam vnà cum pallio tunicā, quod magis amantis fuisset quàm amantis. O plumbeum pugionem! Vique adeò ne mirum & absolum fidei, dum officiosus iste amatorculus pallium sedulò colligit, motā simul, vel adhærente tunicā, puellae pedes imāsve tibias leuiter aspici? Nam de femore quē intelligi rectè possit, quod potius delapso pallio quàm collecto per apertam tuniculam apparuisset? Huc accedit, quod de cruribus Poëta dicit, quae infra genua. Neque verò de Vestalibus hīc agitur aut Sabinis, quas in animo Baesium habuisse credo, sed lenibus istis & in misericordiam pronis, quae facile ignoscant,

—— si quid flagrantius actum est.

Cum autem auctoritate Plutarchi moueri se negat, haud equum certe facit. Nam fidissimus & * ἀξιόπιστος ille scriptor discrimen hoc in vestibus inter Lacedaemonias & Romanas virgines clarè ostendit. Ipsum audiamus: Ἐν δὲ μᾶλλον ἢ περὶ τὰς παρθένους φύσιν κατέσταται τῶν Νεμεῶν παρὰ τὸ εἶναι καὶ κόσμοι, ἢ δὲ τῶν Λυκίῶν, πάλαι παλαιὰ ἀναπεπταμένη καὶ εἰληκεῖα, τοῖς ποικίλαις λόγον παρέχουσα. Φαινομένη δὲ τε ἡ αὐτὰς ἀποκαλεῖται, ὡς ἱερός, καὶ ἀνδρομενίς, λοιδορεῖται, ὡς Εὐρυπιδίης. Præterea cura puellarum ad pudorem muliebrem & verecundiam magis à Numā restricta est, Lycurgi soluta prorsus & aperta iocandi materiam Poëtis præbuit. φαεινομένης enim vocant eas, velut Ibycus, quòd incessu coxas retegerent, & ἀνδρομενίς, quasi virosas, ut Euripides. Et paullò pòst de eisdem Lacænis, ut differentiam magis declararet: τῶν δὲ ὅτι τὰ παρθενικὰ χιτῶν & αἱ πτέρυγες ἐκ ἥσων ἀνέριστα κατὰ δυνάμιν, ἀλλ' ἀνεπύσαντο καὶ συναεγέρνυσαν ὅλον ἐν τῇ βαδίσει τὸν μῦθον. Sanè virginum tunicae imae non habebant pinnae consutas, sed explicabantur, & totum incessu aperiebant semur. Satin' hæc sunt plana ac certa? Et tamen doctissimus ille vir alia nobis omnia

(si diis

* fide dignissimus

reor
la

col-
ni
nen-
to-
lus
uel
arel
pe
bus
agi
ent-

um
ci-
nes
nos
re,
qui
re
ora
elut
re
na-
pe
at
sal
ut
ia
tis



(si diis placet) persuadere conatur. qui cogitare certè debuerat, non semper verum veterem illum versum,

* Τὸ δοκεῖν καὶ τὸ ἀληθεῖν βιάζεται.

* Opinio
vel veritas
in se
cit.

neque omnes adeò fungos, vt si quis mero meridie tenebras esse dixerit, continuò credant. Tale enim hoc est, quod contra Plutarchum tam acriter defendit; qui tamen auxiliariè habet Agellium affirmantem lib. V I I. C. X I I. Romanos *feminis solis vestem longè lateque diffusam decorum existimasse ad vlnas cruraque aduersus oculos protegenda*. Nam si crura tegi voluerè, certè etiam femur atq; adeò nullæ apud eos *φανερὰ* *ἰδέσθαι*. Sed quàm hoc vanum, tam certum & exploratum hæc tunicas mulierum interiores sæpè per humeros & summa brachia inconsutas paucisque clauis siue sphæruleis (aureis fortè & gemmeis in beatioribus) atque interdum etiam vno tantùm, connexas fuisse: quo, cùm vellent, soluto, tunica tota ad pedes nullo negotio defluebat. Bono sanè modo præut quàm hodie, cùm interulæ non exui facillè possunt, quin obiter (bonâ veniâ dixerim) & os & nares delibent. Plurimæ sunt statuæ, quibus, si opus sit, hoc probemus: duæ sint instar omnium, altera Romæ ipsius in hortis Cæsiis, altera Deæ cuiusdam, in domo Farnesiorum.

Iconismus duplicis statua tunicata hic inferendus.

C A P. XXI.

Περὶ τῆς & curiositas Pauli 7ου.

A Nnibalem ægrum oculis elephanto vno, qui superfuerat, quòd altius ex aquâ exstaret, in Etruriâ vectum Liuius narrat. Vnum superfuisse etiam Ioannes Zonaras memoriæ prodidit in pugnâ ad Trebiam, & hîc quoque Polybius. Quare satis mirari non possum, Paulum Iouium historiæ suæ hoc velut antiquarium Emblema * inseruisse: *In valle superioris Arni quâ* Lib. XXVII.
Annibalem olim transisse ferunt: certissimo argumento, quòd ibi Ele-
phantum

phantum ossa ab aratoribus hac ætate reperiantur, quas bestias multo gelus Alpium correptas amiserit. Nam si pensiore iudicio rem trutinemus, vana ac futilis hæc observatio; leuissimumque, vel nulum potius, quod ille grauissimum & firmissimum censeret, argumentum. Primum enim, quomodo illic elephantum plurimum ossa, cum superstes vnus tantum? Deinde quis ei dixit, eum ipsum hinc periisse, cum vix per caliginem rationem itinerum Annibalis videamus, & adhuc incompertum inexploratumque sit, an per illam vallem transferit Annibal? Vereor sanè, ne stultiuidi illi fuerint aratores, plûsque fortasse viderint, quàm quod viderunt. Potuerunt tamen verè eruisse elephantum ossa; verùm aliorum, qui postea in Italiâ ad ludos & spectacula. Nam bellatores illi & Annibalici non in illo trans Glaxim tractu.

CAP. XXII.

In Agellio glossemata quadam expuncta.

Agellij Noctibus (quas non nisi cum Romanis rebus, vlla nox obliuionis sepeliet) lib. I I I. cap. X I I.

Laberius in Mimo libro primo, qui Salinator inscriptus est.

vett. libri: *in Mimo vel primo*. Certo certius est adtextum esse à scriptore hæsitanti, primo scriberet, an *Mimo*. Itaque tollo & * *ἐν Μίμῳ, vel primo*.

Lib. V I I. cap. I I. disputatio est super errore Cefellij Vindicis in Enniano versu exponendo; sed is ipse non est expers errore. Verba:

Hos autem versus Cefellius sic accipit, tamquam si Antiochus sic dicat: Annibal me, ne bellum geram, debortatur. quod cum facit, æquale cor putat habere me ei: quàm stultum esse me credit, cum id mihi persuadere vult?

Nam Cefellij mentem quomodo hinc vides? Obscurat eum declaratione istâ suâ Agellius, non illustrat. Puto legendum: *quod cum facit, quale cor putat habere me, & quàm*. Patet ex ipso versu Ennij, quem Periphrasis hæc exponit. Sed & in eo quoque vitium, atque omnino scribendum:

Annibal audaci cum pectore de me hortatur.

Insi-

Inſitione & Timeſi priſcis crebrâ.

Lib. x. cap. XXVIII.

Tubero in Hiſtoriarum primo ſcripſit, Ser. Tullium regem P. R. cum illas quinque claſſes Juniorum cenſus faciendi gratiâ inſtitueret.

An Iuniorum modò illæ claſſes? imò etiam Seniorum. Delenda ea vocula, niſi palàm imperitiæ Tuberonem arceſſis.

Lib. vlt. cap. vlt.

Aut memoria adminiculatior, aut oratio ſolertior, aut ſermo incorruptior, aut delectatior motio, aut in ludo liberalior.

Ponit callidè & rectè ea quæ ſunt in ipſius libris. Sed quid eſt illa *delectatior motio*? nugæ: & legendum, *delectantior in otio*. Si ſcripta noſtra, inquit, talia ſunt, vt iis effici reddique poſſit aut oratio ſolertior, aut in otio & remiſſionibus delectabilior, aut in ludo iocòque liberalior. Vide connexum ſententiæ totum.

CAP. XXIII.

Diſſenſus ſcriptorum in annis imperij Titiani.

PER mihi mirum eſt, diſſentire & variare ſic ſcriptores in annis imperij Titiani. Nam Suetonius (cuius fidem & accuratam ſcribendi rationem ignorat nemo) *exceſſiſſe*, ſcribit, *in eadem, quâ pater, villâ, Idibus Septembris, poſt biennium ac menſes duos dièsque x x. quàm ſucceſſerat patri*. Dionis compendium quoque omnia eadem: *Ἡρξε δὲ δύο ἔτη καὶ μὲνους δύο, ἡμέρας τε εἴκοσι, αἵς ἐξεπύρειται*. At Eutropius imperaſſe ait biennium ac menſes octo, dies x x. Aurelius Victor hinc quoque ſtat, dicítque, *biennium ac menſes ſerè nouem*. Sex igitur menſes ampliùs hi, quàm Suetonius & Dio. Euſebij verò Chronicon, in nonnullis quidem exemplaribus, largiùs: *Titus regnavit annos tres & menſes duos*. In quam ſententiam it Aufonius, vbi ex profeſſo annos ætatéſque Principum recenset:

Ter dominante Tito cingit noua laurea Ianum.

Mirum certè factum eſt, in tam illuſtri re & Principe tales eſſe *ἀναγραφὰς*. Quòd ſi verè annotatum à Suetonio, Veſpaſianum obiſſe in nono Conſulatu ſuo, VI II. Kal. Julij, veriſſima ſanè eius

computatio de annis mensibusque Titi. Quid autem causæ, quamobrem alij seorsum ab eo sentiant; exputare non possum: præsertim cum illi fides habenda, qui * *σύγγρον* Tito, vel certe ætati eius suppar.

CAP. XXIV.

Suus numerus Suetonio restitutus.

IN Suetonij Nerone extremo:

Denique cum post x x. annos, adolescente me, exstisset conditionis incertæ, qui se Neronem esse iactaret, tam favorabile nomen eius apud Parthos fuit, ut vehementer adiutus, & vix reditus sit.

Numerus corruptus & iusto maior videtur. Longa enim hæc latitatio in x x. vsque annum: & quam refellit Zonaras in Tito: *Ἐπὶ τῷτε, inquit, καὶ ὁ Ψευδονέρον ἐφάνη ὡς Ἀσιανὸς ὡς, ἐκαλεῖτο δὲ Τερέντιος Μάξιμος· ἀεροστοικῶς δὲ τῶς Νέρονι καὶ τὸ εἶδ' αὐτοῦ καὶ ἡ φωνή. καὶ γὰρ καὶ ἐκιδρυώδει. ἔκ τε τῆς Ἀσίας πρὸς ἀεροστοιχίσαιτο, καὶ ὅτι τῆς Εὐφράτης ἀεροστράων, πολλὰς πλείους ἀμνηστῆσαιτο. καὶ τέλος αὐτὸς ἀρτάβανον τῆς Πάρθων κατέφυγεν ἀρχηγόν ὡς καὶ δι' ὀργῆς τῆς Τίτον ἀποκρίναιτο, ἐδ' ἐξ αὐτοῦ τῆτον, καὶ καταπαρῆν ἐς Ρώμην παρὰ τοὺς βασιλεῖς. Sub eo Pseudo-Nero exstitit, qui Asianus erat, nomine Terentius Maximus, facie verò & voce Neroni persimilis. atque etiam citharâ caneabat. Is in Asiâ quosdam sibi adiunxit, & ad Euphratem progrediens longè plures conciliauit. Denique ad Artabanum Parthorum regem confugit, qui Tito insensus recepit eum, & Romam reducere statuit. Non alibi tam expressè res hæc tradita. At enimvero si sub Tito hæc fraus, quis dubitabit, quin denaria nota superet in Suetonio? Atque ita initio Titiani imperij falsus hic Nero fuerit. Breuiter de eo Tacitus initio Historiarum, ubi hunc quoque motum tangit, inter præcipua scriptionis suæ argumenta: *Mota propè Parthorum arma falsi Neronis ludibrio.**

CAP. XXV.

*De sacris Apicibus, eorumq; materiâ & formâ. Gale-
rus, Albogalerus, Apiculum. Varronis lectio de-
fensa.*

Cum pridem antiqua fori Romani monimenta curiosis oculis arbitrarer, plusculum me tenuit apicis siue pillei sacerdotalis elegans forma, quæ in zophoro trium columnarum ad radices cliui Capitolini. & hac occasione domum post paulo reuersus scidas & aduersaria non indiligenter excutere cœpi. Multa quidem in illis, verum, vt fit, sparsim & confusim annotata. Sed & aliqua superuacua: quibus de industriâ præteritis, elegi quædam, & vt ita loquar, edecumaui, quæ maximè facere ad rem propositam viderentur, leuiterque digesta capite vno complexus sum. Apex itaque sacerdotum est insigne, dictus ab eo, quod comprehendere antiqui vinculo apere dicebant. vnde aptus is qui conuenienter alicui iunctus est. Hæc Festus. Is autem duplex fuisse videtur, alter Flaminium, alter Pontificum, inò aliosum item sacerdotum. Communiter enim & ἱερωὶς à Festo sacerdotum insigne appellatur. Et Pacatus, in laudatione Theodosij: *Insignes apicibus sacerdotes.* Sed & de Saliis Dionysius: τὰς κεφαλὰς ἀπικας ὀπασμίδιον ἢ κεφαλῶν. Apices qui appellantur capitibus imponentes. Nec Athenæus aliò referendus: apud quem ita Larensius (siue is Romanis Laurentius fuit:) Πίλοις τε ἢ κεφαλῶν περιεμμεθεῖς ἢ περὶ τῶν δεξιῶν δερμάτιον δασεῖς. Pilleosque capitibus imponimus è pel- libus ouillis densos. Nam Laurentius ille inter Romanos Pontifices aut Sacerdotes. Ita enim idem Athenæus de illo: Κατὰ δὲ μὲν ἐστὶν ἢ ἐπὶ ἐπὶ κεφαλῶν καὶ ἢ ἐπὶ θυσιῶν ὑπὸ τῷ Μάρκῳ βασιλέως. Præpositum sacris sacrificiisque à Marco Imperatore. Capit nempe argumen- tum frugalitatis Romanæ, quòd etiam tunc inter sacra Pilleis istis Ouillis vterentur, prisco ritu. Atquin Ouilli pillei, apices sunt. Festus in voce Tutulus: *Quidam pilleum lanatū esse dicunt, quo Pon- tifices vtuntur.* Vides lanatum. nec enim corium nudum erat, sed cum suâ lanâ: & ideo δασεῖς, densos, crassos, Athenæus dixit. Isi- dorus: *Apex est pilleus sutilis, quo sacerdotes gentiles utebantur.*

Sutilis,

Sutiles, nimirum è pellibus, vt dictum. Idem ostendit & *Galerum* appellatum : *Galerum*, pilleum ex pelle case hostiæ factum. Et Apuleius in Apologiâ : *Diogeni pera & baculus, quod Regibus diadema, quod Imperatoribus paludamentum, quod Pontificibus galerum*. Ergo sacerdotes etiam habuere, eoque referenda insignia Apicis in C. Iulij Cæsaris, Cn. Domitij & aliorum numis, qui exstant. Nam viris doctis & antiquariis nihil accedam, qui Flaminij Iuliani notam esse volunt. Quid? an ille Flamen? numquam inauguratus fuit: destinatus tantum, & à Sullâ statim priuatus. Itaque Pontificatum eius maximum notat. De pilleo Flaminis Varro tradit, propriè *Albogalerum* appellatum : *Flamen solus habet Albogalerum, vel quod maximus, vel quod Joui immolatâ hostiâ albâ fieri oportet*. Ergo videtur ille solus album Apicem gestasse, alij alius coloris. Præterea pilleo *Flaminum* (verba Festi) adfigebatur apex virgula oleagina. Sed & discrimen erat in ipsâ gestatione. Nam ὁ Φλάμιον (ait Appianus 1. Ciuil.) *πιλοφορεῖ μὲν αἰετὶ καὶ ἄλλων ἱερέων ἐν μόναις πιλοφορεῖν ἐν ταῖς ἱεραργίαις*. *Flamen solus apicem semper fert, cum reliqui sacerdotes tantum in ipsis sacris*. Notabilis hic locus & ad differentiam & ad firmandos apices omnium sacerdotum. Formam eorum fuisse scribunt *κενοειδῆ ἢ siue metalem*. Dionysius: *Πίλλης ὑψηλὸς εἰς ὀφθαλμοὺς συναγομένους κενοειδῆ, ἔς ἑλλειψος κυρβάσις καλεῖται*. *Pilleos altos in formam coni coeuntes, Græcis Cyrbasias dictos*. Varro : *Tutulati dicti hi, qui in sacris in capitibus habere solent vt metam*. Quæ scriptura videtur ferri posse, neque temerè ablegandum, in *sacris*, in quibus eorum maximè vsus. Sed & Festus de *metâ* : *Tutululus pilleus lanatus metali formâ*. Et ad stipulantur numi antiqui: nescio an lapides; certè non ij, quos ego quidem vidi. Nam hi pro metali faciunt penè semicircularem. Ac ne quis oculorum meorum fidem timeat, rem ipsam testem dabo: lapides, inquam, ipsos ex archetypis expressos, quorum alter in arce Capitolinâ, alter in fornice Fabiano.

Addam



Addam tertium insignem artificio cultuque, & ex orbe cono-
noque mistum. Est is, de quo capitis initio dixi, in cliuo Capito-
lino, fulmenque & oleæ ramum habet. Quare facile adducor,
vt credam, Flaminis esse Dialis: maximè cum aliquorum sen-
tentiâ, quibus album ego calculum adiicio, reliquæ templi sint,
quod Augustus in cliuo Capitolino (P. Victore teste) Ioui To-
nanti consecrauit. Cum enim * Palladius id negat, quia tam cul-
ta tamque ornata structuræ ratio non competit sæculo Augu-
steo, sanè oculos in occipitio habuisse videtur, nec Epigraphen
operis legisse, quæ restitutum esse dicit. Superest de Apiculo:
Apiculum, inquit Festus, *filum quo Flamines velatum apicem gerunt*.
Sed fortè caligarunt exscriptorum oculi. Seruius enim, *Apicu-
lum*, ait, *quo Flamines velatum caput gerunt*. Dicit caput eo velari,
non ipsum apicem, & referri possit ad ea quæ idem alibi: *Flami-
nes in capite pileum habebant, quod cum per æstus ferre non possent, fi-
lo tantum capita religare cœperunt. nam nudis pectus capitibus ince-
dere nefas erat*. Dionysius etiam respexisse huc videtur, cum scri-
psit Flamines gestasse *περικεφαλαίαν ἢ στέμματα, pileos & filamenta*. An
& Statius Poëta?

* Lib. de
Archite-
cturâ.

Lanea cui Phrygi coma flaminis.

Liuius enim filum, quo Feciales vfi, *laneæ velamen* appellat. etſi ad apicem referri quoque poteſt, ſicut hoc Virgilij:

Lanigerôſque apices. ———

Non poſſum tacitus præterire, apicem pro pilleo à Cicerone uſurpatum, i. De Legibus, cùm *ab aquilâ Tarquinio apicem impoſitum* ſcribit, qui Liuii pilleus eſt in eâdem re ſiue miraculo nar-
rando. itemque quod Appianus i. Εμπελ. de Merulâ notat, apice depoſito, venas ſibi incidiffe, quòd Flaminem apicatum mori nefas.

*Interſerendus hic Iconiſmus Apicis in lapide
clini Capitolini.*

C A P. XXVI.

Iuuenalis emendatus, & ſecùs quàm vulgò enarratus.

Non ſatis eſt ad meum ſtomachum Iuuenalis illud Sat. vi. ——— *altera leiſum*

Extendit, peſtitque comas & voluit in orbem.

& genuinum Poëtæ eſſe exiſtimò, *peſtitque comas*: id eſt com-
plicat & concinnat in anulos. Eâdem Sat. quod eſt,

——— *nondum Græcis iurare parat is*

Per caput alterius.

explicant de periuriis; ego, quamquam Græcorum ingenia mo-
teſque ea non abhorrebant, ad adulationem potiùs refero, nota-
rique puto Græculos eius æui, qui paſſim in magnis domibus,
& per ſalutem aut Genium heri ſui iurabant. ſcilicet eundem
iis honorem, quem Diis aut Principi habentes. Iam ad illud,

——— *periit libraria, ponunt*

Cosmetæ tunicas,

Librariam intellegi volunt, quæ exſcribit dominæ libros. Sed
an non palmam demus Gloſſulæ Pythæanæ? *Libraria, lanipendia*:
quæ ancillis nempe diſtribueret appenderetque lanam. & inde
Penſa. Poſt deinde:

Inter-

c. effi

Cicero
in imp
plo na
à nota
dicam

z

v. n. m.

S. m.

com


a. m.
mae
alioq
ndem
lugSed
ndem
nde

ter-

266

ICONISMVS APICIS IN LAPIDE
CLIVI CAPITOLINI.

Pag. 74.



*Interpres legum Solymarum & magna sacerdos
Arboris ac summi fida intermuntia cali.*

Referunt hoc omnes ad nemus Egeriæ, quod inhabitabant Iudæi. Suprà:

Omnis enim populo mercedem pendere iussa est

Arbor, & eiectis mendicat silua Camenis.

Mihi suspicio de sensu magis arcano, & cum irrisu Sacerdotem arboris dici, quia Iudæi censebantur in templo colere vitem.

CAP. XXVII.

Suetonius & Dio, siue potius Xiphilinus, leni correctione in gratiam reconciliati.

N Vllâ re veritas altiùs mergitur, quàm dissensu diffidióque librorum. Hic lectorum

—— animos nunc huc, nunc diuidit illuc,

nec quicquam cuiquam accredere omnino finit. Interdum tamē conciliari pax potest, neque semper * ἀσπονδόν hoc bellum. * irreconciliabile.

Et fortassis tale inter Suetonium & Dionem, siue potius Xiphilinum, quâ de factionibus agitatorum auctis à Domitiano scribunt. ille quidem sic: *Duas Circensibus gregum factiones aurati purpureique panni ad quattuor priscas addidit. hic autem contrâ, non de purpureo, sed argenteo panno: Τοῖς δὲ ἀργυρεῖς ὀνομάσας πρὸς παλαιοῖς. Aurigarum duo genera adiunxit, quorum vnum aureum, alterum argenteum appellauit. Certè vnius syllabulæ mutatione res confiet, si πορφυρεῖς reponere audemus. Si id religioni habemus, dicendum est, insignem fuisse errorem aut supinitatem in exscribendo Xiphilini. Nam argenteus color albus est, atque iam antè Factio albata. In Cassiodoro quattuor colores prisci nominantur, sed cum corruptiunculâ: *Præstinus virenti verno, Venetus nubila hiemi, roseus aestati flammæ, albus pruinoso autumno dicatus est. Legendum, rufus.* Nam *roseus* profectò minimè, qui ad purpureum accedit. & in codice Columiano, *rufus vel roseus*, hæsitante librariolo scriptum; ac passim in lapidibus, FACTIO RVSSATA.*

CAP. XXIIIX.

In Scholiaste Iuuenalis vetus scriptura integrata.

SCholiastem Iuuenalis veterem Petrus Pythæus, multis ornamentis ingenij, virtutis, honoris præditus, magno rei litteraræ bono vulgavit; sed multimodis corruptum & hiulcum. pluscula ipse sanauit; pauca nunc ego. Sat. i. ad illa verba

— cum verna Canopi

Crispinus. —

[Crispinus.] Niliacus, vnus de Consulibus Liciniæ, ac de plebe Ægypti fuit, magnarum postea Roma facultatum.

Grauiissimo vulnere magno aliquo fomento medendum est. Apage igitur Consules istos Liciniæ, quos ego nec vnquam fuisse nec vsquam gentium arbitror; eorūque vicem repone, quod germanum auctoris: vnus de consodalis Licini ac de plebe. Vult quippe cum altero illo præpotenti nebulone Licino iunctum olim sodalitio fuisse, de cuius item opibus alij multa. Sat. v. de Sarmento:

Quare per ludos, qui ibi primus x i v. ordinibus sedit, hæc à populo in eum dicta sunt:

Aliud scriptum habet Sarmentus, aliud populus voluerat.

Digna dignis. Sic Sarmentus habeat crassas compedes.

Rustici, ne nihil agatis, aliquis Sarmentum alliget.

Lego: per ludos quibus primitus x i v. ordinibus sedit, id est cum primum pro equite ausus & inter equites sedere. Iocorum autem vulgarium argutia in eo, quod velint hunc falsum equitem non eo loco, sed seruili ergastulo dignum. Primus versus ludit in scripti nomine. Nam, vt eques esset, Censorium scriptum emerrat Sarmentus. Ita in vitâ Horatij prisca legitur, eum quæstorium scriptum comparasse. Et Cicero in Verr. lib. i i. clarè ostendit, cuius è libertinis, numulis corrogatis decuriam scribarum emere licuisse. Habet igitur, inquit, Censorium scriptum; at populus voluerat, vt in fronte scriptus & stigmatas ergastulorum more esset. In fine quoque eius Scholij iocus est, quem explicamus:

Jam autem senex coactus auctionare, cum interrogaret conscri-
ptum

ptum quoque Censorium venderet, non infacetè bonæ se memoriæ esse perditā.

Scribo: cum interrogaretur, cur scriptum quoque Censorium venderet; non infacetè bonæ se memoriæ esse prædicauit. Sarmenti hic iocus: rogabatur, cur Decuriam quoque, id est scriptum venderet. Bonæ memorię sum, inquit, quasi diceret, Scripto non egeo, omnia commemini sine scripto. Pro corollario capitis addam hunc Sat. x. versum,

Exsilium & carcer Minturnarumque paludes.

vbi Scholiastes:

Marius fugit, & latuit in Galliis, in Minturnarum paludibus. Monstrum: an ibi, id est in mediâ Italiâ Galliæ? Corrigendum sine dubio, in calamis. Plutarchus: Καὶ πῆξαι καὶ ὁδοῦς ἐν χειρὶ τοῦ πολέμου τὸ πῆξαι ἐπέβαλλε τῷ τε καλὰ μὲν ποτὶ δὲ καὶ ἄλλης ἐπιφύεσσι ὅπως ἐπὶ καὶ ἐν: Et loco cauo propter amnem demittere se iusso (Marius) multam arundinem iniecit, aliamque materiam aggressit leuem.

C A P. XXIX.

Julij Frontini de Strategematis pluscula loca sanata.

Vtilem sanè operam homines doctissimi in Iulium Frontinum contulerunt, remque è malâ meliusculam fecerunt. meliusculam inquam, non optimam, quod etiam nunc aliqua reperiuntur parùm lauta, quæque cinerem quærant. Strategematum lib. i. cap. x i i.

Scipio ex Italiâ in Africam transportando exercitum, cum egrediens nauem prolapsus esset, id quod trepidationem afferebat, constantiâ & magnitudine animi in hortationem conuertit. Et ludite, inquit, milites, Africam oppressi.

Velim: Ludens, inquit, milites Africam oppressi. Lib. i i. cap. i v.

C. Sulpicius Petreius Consul contra Gallos dimicaturus.

Imò verò, Peticus Consul. quod cognomen Sulpiciæ genti, & in historiis obuium. Eodem libro, cap. v.

Iapyges P. Licinio Proconsuli pagos quoque sub specie deditio- nis obtulerunt, qui recepti & in postremâ acie collocati terga Romanorum ceciderunt.

Emendat non nemo: *paganos quoque*. At ego, *paucos quoque*, malim. Illud quoque pertinet ad exemplum præcedens de Annibale. Lib. iiii. cap. ii.

Epaminondas Thebanus in Arcadiâ, die festo, effusè extra mœnia vagantibus hostium feminis, &c.

De verbo, *vagantibus*, incertat animum meum Polyænus in eâdem re narrandâ. Ait enim feminas istas bibisse *ἄρτι μέθης*, usque ad ebrietatem, & mox exiuisse *ἐν τῇ νύκτι πρὸς τοὺς ἄλλους*, ad quoddam nocturnum sacrificium. Itaque bacchari iis aptum, & bacchantibus huic loco. Sed ego fortasse hic satago, & quod dicitur, * *λω-*

* *lupi alius
quariso.*

xx πρὸς Ἰντροί non certè in eo quod subiicio. Cap. vii.

Clisthenes Sicyonius ductum aquarum in opidum Criseorum ferentè rupit. mox affectis siti restituit aquam elleboro corruptam, quâ vfos profluvio ventris decipiens cepit.

Scribo: profluvio vëtris deinceps cepit, vel deficientes cepit. Cap. ix.

Philippus in obsidione cuiusdam maritime urbis binas naues procul à conspectu contabulavit, superstruxitq; iis turres: aliis deinde turribus adortus à terrâ, domibus propugnatores distrinxit, turritas naues à mari applicuit, & quâ non resistebatur, subiit muros.

Quis adeò Pyrrhonius, ut pronuntiare dubitet, hoc loco vitium esse? Tollimus id diuisione vocum: *dum ibi propugnatores*. item, cōuersione Præteriti in Præfens, *dstringit*, pro *distrinxit*. Cap. x.

Idem, ut Saguntinos eliceret, rarâ acie ad muros accedens, &c.

Resistamus ad lumen. Quis ille *idem*? Hannibal? certè is præcessit, sed alius ab eo qui Saguntinos deuicit. Nam Hannibal est qui in Siciliâ bellum gessit, & *Himeram urbem cepit*, ut ibi narrat. Quomodo ergo *idem* qui cum Saguntinis manum conseruit? Certum est exscriptorum virtute & magisterio deprauatam scripturam, atque adeò Criticam opem aduocandam. In duabus autem positus sum sententiis: vna, quòd legendum, *ut Segestanos eliceret*, notam Siciliæ gentem: altera, *Item, Hannibal ut Saguntinos*. Ita repetendum Hannibalis nomē sit, omissum quasi superuacuum à tēporum hominumq; parum gnaris. Cap. xvii.

Velius Præfæctus Romanorum, arcem Tarentinorum tenens misit ad Hasdrubalem, &c.

Credo, *Linus præfæctus*, si hæc quidem gesta, ut apparet, bello Punico

Punico secundo. Nam constat è Liuiò aliisq̃ue, hunc præfuisse
arci, opido per focordiam eius amisso.

C A P. XXX.

*Adoratio sacra purpura. Non omnes ad eam promi-
scuè admissi. A Constantio cœpit, & hodie etiam
in usu.*

INter amplissimos honores, quibus Principes ætas posterior
affecit, adorandæ purpuræ fuisse comperio. Ammianus lib.
xv. Susceptus tamen idem dux leniter, adactusq̃ue, inclinante negotio
ipso ceruices, adorare solemniter anhelantem celsius purpuram. Idem
lib. xxi. Verùm cùm primitus visus, adorandæ purpuræ datam sibi
copiam aduertisset. Sed quid hîc adorare purpuram? non aliud quàm
tangere eam, & ad os veneranter admouere? Declarant sequen-
tia in Ammiano. Cùm enim ille (captiuus Lucilianus) securum
hoc facto se putaret ac Principi reconciliatum, subiecit iste: *Hæc
verba prudentia serua Constantio. Maiestatis enim insigne, non ut
Consiliario tibi, sed ut desinas pauere, porrexî.* Appellat autem Ma-
iestatis insigne porrigere purpuram hanc dare osculandam. Colli-
gase idem ex altero loco, superiùs paullo: *Inter complures alios ho-
nore conspicuos, adoraturi Imperatorem peregrè venientem ordinantur
etiam ex Tribunis insignibus. Cùm igitur à Mesopotamiâ reuersus Con-
stantius hoc exciperetur officio, Amphilocheius quidâ ex tribuno Paphla-
go ausus paullo petulantius stare, ut ipse quoque ad parile obsequium
admittendus, agnitus est & prohibitus.* Nam ordine scilicet ad-
missi fuerunt ad sacre purpuræ tactum. Idem Ammianus de
Thalassio inimico: *Quo adorare adesseq̃ue officio inter honoratos pro-
hibito.* Sic etiam olim salutatione prohibebantur. Suet. Vesp. cap.
xv. Mos hic non admodum vetus; sed à Constantio (si Am-
miano fides) ortus. Eodem libro xv. *Vrsicino ingresso Consistorium
offertur purpura: atque ita ante Principis pedes supplicem statuerunt
externorum Regum ritu, cùm semper antea ad similitudinem iudicum
salutatos Principes legerimus.* Sed & hodie hæc Adoratio in usu:
tangendi inquam vestem & ad os admouendi. Quod certis au-
tem

tem & honoratioribus tantum personis sacre purpure tactus
 permissus fuerit, quasi beneficij loco, vel ratione tituli, præter
 Ammianum toties hîc citatum, Cassiodorus in Variis satis de-
 clarat: Lib. x i. Ep. xx. de Primicerio: *Quapropter spectabilitatis*
honore suffultus inter Tribunos & Notarios venerandam purpuram
adoraturus accede. Iterum Ep. xxx i. de eodem: *Inter domesticos*
& protectores sacram purpuram adoraturus accedat.

CAP. XXXI.

Qui Diui fratres in Lampridio. Vopiscus correctus.

L Ampridius in Elagabalo: *Lapides qui Diui dicuntur, è pro-*
prio templo; Dianæ Laodiceæ simulachrum ex adyto suo, in quo
id Orestes posuerat, auferre voluit. Qui sunt hoc loco Diui? An
 Diui fratres, id est Castores? Argumentum ex Eusebio, qui Do-
 mitiani rebus adnotat: *Multa opera Romæ facta, in quibus Capitolium,*
Forum transitorium, Diuorum porticus. Atqui Domitianus inter
 alia Castorum templum instaurauit, siue additis porticibus or-
 nauit. Martialis lib. i x. Epigr. i v.

Quid loquar Alceiden, Phœbumque piôsq; Laconas?

Addita quid Latio Flauia templa polo?

Sed animus mihi pender, ampliûsque deliberandum censeo.

Vopiscus in Probo:

Orbis terrarum non arma fabricabit, non annonam præbebit: vo-
bis habebuntur aratra, equus nascetur ad pacem: nulla erunt bel-
la, nulla captiuitas.

Pro statu pacifico, quem describit, & quia sequitur de equo, non
 malè, * τὸν ἐμοὶ δοκῶν, legatur, *bobus habebuntur aratra.* Nam id
 inter præcipua pacis munera, terram coli, nec aut boues abripi,
 aut aratra in enses verti.

* pro mea
 opinione.

plough

CAP.

CAP. XXXII.

E J. Frontino pluria vitia sublata.

FRontinum mihi fodes corrige, lib. I v. cap. III.

M. Catonem vino eodem, quo remiges, contentum esse traditur. Satis enim liquet id esse alienum occupasse, proque eo mittendum in possessionem verbum egisse. Et cap. v.

Sempronius Tuditanus & C. Octavius Tribunus militum, omnibus fufis ad Cannas, cum circumfederentur, suaserunt commilitonibus, ut stringerent gladios, & per hostium praesidia erumperent secum. de cunctantibus duodecim omnino equitibus vel pedibus qui comitari sustinuerunt repertis, incolumes Canusium perucnerunt.

C. Octavius illum Tribunum — qui sit homo, nescio,

Neque novi: neque natus, necne is fuerit, id solide scio, quoniam ignotus planè & innominatus aliis est scriptoribus. Hoc igitur dubium me dabat, an non scriptum olim, Tuditanus è leg. octava Tribunus militum. Solent enim, ubi plures legiones, ad discrimen numerum addere & designare, in quâ quisque Tribunus. Liuius, Cæsar, & alij. Sed nil demuto, præter, Tribuni militum. Nam de Sempronio liquidò constat. Etiam illa vitiosa, duodecim omnino eq. bonoque periculo corrigas è Liuius: DC. omnino equit. Nam tot numero fuere, qui comites se dederunt animo huic Tribuno. Eodem cap. exemplo penultimo:

Aeginenses, cum à Vialotis liberi & coniuges caderentur, praoptauerunt spectare supplicia pignorum suorum, quam à Romanis desicere.

Palmerius ingeniosè quidem & acutè emendat, à Bæotiis. Ego tamen praoptem, ab Aetolis. Nam de horum acri & sæuo cum Romanis bello libri & historiae loquuntur. Sed nec à scripturâ nimium recedimus. Cap. ult.

C. Cæsar cum in partibus Pompeianis magna equitum Romanorum esset manus, eaque armorum scientiâ milites conficeret, ora oculisque eorum gladius peti iussit.

Sermo ille inquinatus: milites armorum scientiâ conficere. Coniicimus ex ipsâ re gestâ: sui que armorum scientiâ militis confideret.

CAP. XXXIII.

*De Claudiani versibus aliquot, coniectura.
Numeri militares.*

COr & cerebrum pænè mihi finditur, quoties apud Claudianum in oratione Romæ lego:

Ast ego quæ terras humeris pontumque subegi.

Quis enim bambalio sic loquatur? virtute, manu, copiis, quidvis potius dicendum erat. Itaque sine controuersia *τὸ humeris* *

* *ad cornus*

* *Disquis*
nunc huc
animus nunc
voluitur
illuc.

* *bonum*
sonum ha-
ven.

* *δὶ χα θυμὸς ὁρῶντι ἐνθα καὶ ἐνθα.*

Nam *armis* quidem idoneum sit; at nescio quomodo non satis * *ἐν παλαιῶν*, & à scripturâ longulè diffitum. *Numeris* autem, pro cohortibus & copiis militaribus, cùm benè aures implet, tum à libro minùs nihilo discedit. Sed vereor, ne quis hoc tanquam inusitatum proscribat, eoquæ Claudianum vsurum fuisse neget: quod tamen facere non sunt veriti cùm Vlpianus & Paullus Iurisperitorum coryphæi, tum politissimus ille Secundus. Nam Tertullianum & Optatum Mileuitanum in medium non voco. Quid, quòd hoc verbum circa Claudiani tempora frequentissimo in vsu? Patet ex Sozomeno: *Romanorum cohortes, quæ nunc numeri nuncupantur*. Itaque causam non video, cur id tantopere abhorruerit, qui satis liber talium, atque adeò religioni non habuit, *absentare, madidantes, podager* pro podagrico, & huiusmodi quædam vsurpare. Verumtamen si rectius quis reppererit, dabo manus.

* *Nā certi*
habeo nūc
huc & illuc
finitur.

* *Ἦσθαι γὰρ εἰδὲν ἑαυτὸς, ἀλλ' ἀλώμεθα.*

Apud eundem eodem libro:

Hoc erat in fratres? medio discordia Mauro

Nascitur, & mundus germanaque dissidet aula?

Ita libri vulgati, præter eum qui nouissimè Lutetiæ prodiit, habentem: *Hoc erat? in fratres m. d. M.* Vtrique; nōne præstet?

Hoc erat in fatis? m. d. M. N. & m. g. dissidet aula?

Paullò post:

Restitit

*Restitit in speculis fati, turbaque reductus
Librauit geminas euentu iudice vires,
Ad rerum momenta cliens, seseque daturus
Victori. Fortuna simul cum morte pependit.*

Postrema hæc non facio tanti. Quam tamen emendem, consilij certi parata gutta non est. Vt tamen deuorem, quod aliquamdiu circumrodo, quid si mente pro morte scribamus? Hoc nunc placet,

— * ἐπεὶ ἔ μιν π ὡς ὅς· θεωροῦσαι ἀμενεν.

Nec magis ferendum quod subiungitur :

— vix hæc amentia nostris

Excubiis, nedum puero rectore quiescet.

De præteritis enim sermo. quare valeat quod quiescet, ei que succedat quiesset per συκοπῶ pro quiescisset.

---* quando melius reperire haud est mihi quicquam.

CAP. XXXIV.

*De cultu sacrarum arborum. Longè lateq; diffusam
hanc superstitionem fuisse, & in Conciliis sæpe dam-
natam.*

Mirum ingenium, magna vis superstitionis: nihil tam ineptum & absolum fidei, quod non persuadeat; nihil tam indignum ac turpe factu,

— quod non mortalia pectora cogat.

Hæc nemora, hæc arbores quasi sacras, imò Deorum sedes, colit iussit. Plin. lib. xii. cap. i. *Arbores fuere numinum templa, priscoque ritu simplicia rura etiam nunc Deo præcellentem arborem dicant.* Maximus Tyrius Ser. xxxv. i. i. Κελτοὶ σέβουσι μὲν Διὶ, ἄλλαι μὲν δὲ Διὶ Κελτικὸν ἑστλὴν θεῶν. *Iouem Celta colunt, Iouis autem apud eos simulachrum alta quercus est.* Liuius: *Et hæc, inquit, sacrata quercus & quicquid Deorum est audiant.* Quintil. lib. x. *Quasi sacras vetustate quercus adoramus.* Itaq; vittis & lucernis eas colebant. Prudentius ii. contra Symmachum:

*Et quæ fumiferas arbor vittata lucernas
Sustinuit, cadit vltici succisa bipenni.*

Sed & vota ad eas nuncupare & tabellas appendere solebant. Ouidius ii. x. Metam.

Stabat in his ingens annoſo robore quercus
Una nemus: vitæ mediam memorēſque tabellæ
Sertaque cingebant, voti argumenta potentis.*

Iſidorus hunc morem tangit, nec intellegit. Lib. xvii. cap. v. i. *Lucus eſt denſitas arborum, tropo per Antiphrāſin, eò quòd non luceat, ſive à luce, quòd in eo lucebant funalia vel cerei propter vlmorum tenebras.* Non herclè ob vlmorum tenebras; ſed ob cultum. Et hac quoq; fini religioſi viatores ad eas gradum tanquam ad alicuius Dei vel aram vel ſimulachrum ſiſtebant. Apul. Flor. i. *Neque enim iuſtiùs religioſam moram viatori obiecerit aut ara floribus redimita, aut ſpelunca frondibus imbrata, aut quercus cornibus onerata, aut ſagus pellibus coronata, vel etiam colliculus ſepimine conſecratus, vel truncus dolamine effigiatuſ, vel ceſpes libamine humigatuſ, vel lapidis vngvine delibutuſ.* Quemadmodum autem exuias ferarum, ſic hoſtium etiam ſpolia ſæpè hîc deponebant. Liuius i. *Ibi ea (ſpolia) cùm ad quercum paſtoribus ſacram depoſuiſſet.* Lucanus i.

*Qualis frugifero quercus ſublimis in agro,
Exuias veteris populi ſacrataque geſtans
Dona ducum.*

De anathematis præterea legimus contra faſcinum appenſis, & pro fructuum prouentu: apud Suidam in *deſcript. ad Delo.* Ad ſummam, tanta diuinitas ineſſe credebatur, vt eas lædere ac violare extremum nefas ac piaculum haberetur. Exempla compendiſacio, quibus opera Poëtarum plena ſunt. Porrò autem latiffimè vagata eſt hæc ſuperſtitio, nullamque ferè gentem intactam & intemeratam reliquit. De lucis Baali apud Samaritas & alios quàm frequens ſacris in libris mentio? De Græcis Italiſque mitto dicere, ne vel eadem iterare, vel vulgaria & peruagata nimis adferre neceſſe ſit. De Indis Curt. lib. v. i. i. *Deos putant quicquid colere cœperunt, arbores maximè, quas violare capitale eſt.* De Gallis Maximus Tyrius ſermone ſuprà allegato. Lucanus de luco Maſſilienſium lib. i. i. i. etiam victimas iis cæſas docet:

Omnis que humanis luſtrata cruoribus arbor.

De Germanis Tacitus: *Lucos ac nemora conſecrant, Deorumque nominibus appellant.* Idem de Sueuis: *Stato tempore in ſilvam auguriſ patrum & priſcâ formidine ſacram omnes eiùſdem ſanguinis populi legationibus cœunt.* Et xx. Ann. Ciuilem Batauos ſacrum in ne-

mus conuocasse tradit. Chronicon Vrspergenſe de Saxonibus: *Frondosis arboribus, fontibus exhibebant venerationem.* Althamerus vult Hercyniam ſiluam ab Hercule, Martianum nemus, vulgò nigram ſiluam, à Marte nomen habere: & alius, Treboccos ſiue Triboces populum, quaſi Treybuchios, à tribus fagis antiquâ religione ſacris. Adeò verò penitus hæc perſuaſio ſe fixerat, vt ſæpiùs à ſanctiſſimis viris & Synodis damnata vix euelli ſtirpitus ex animis hominum potuerit, & ad poſtrema pænè tempora peruenerit. Contra eam D. Auguſtinus De tempore Sermon. CCXLI. *Quicumque in agro ſuo aut villâ aut iuxta villam aliquas arbores aut aras vel quælibet ſana habuerit, vbi miſeri homines ſolent aliqua vota reddere, ſi non eas deſtruxerit vel ſucciderit, in illis ſacrilegius, quæ ibi facta fuerint, ſine dubio particeps erit.* Et Concil. Carthag. v. can. xv. *Placuit ab Impp. gloriſſimis peti, vt reliquæ (gentilium) non ſolum in ſimulachris, ſed in quibuſcumque locis vel lucis vel arboribus omnino deleantur.* Arelatenſe 11. *Si in alicuius præſbyterio infideles aut ſaculas accenderint, aut arbores aut fontes vel ſaxa venerentur, ſi hæc eruere neglexerit, ſacrilegiũ ſe reum eſſe cognoſcat. Sacriuas arbores eas vocat Concil. Antiſiod. can. 111. Non licet inter ſentes aut arbores ſacriuas vel ad fontes vota exſoluere.*

CAP. XXXV.

Frontinus De Aquæduct. duobus locis correctus.

DE libellis Aquæductuum non ſine cauſâ dubitari poteſt, an eiufdem ſint Frontini, qui Strate. ematum collegit. Puriſ enim & emendatior in illis videtur ſermo. Vitia tamen, vt ſit, ac menda quædam irreperunt. quale eſt hoc lib. 1.

Martia autem parte ſui, poſt hortos Pallantianos, in riuũ qui vocatur Herculanens, deiciit ſe per Cælum. Ductus ipſius montis vſibus nihil vt inferior ſubminiſtrans, imitur ſupra portam Capenam.

Si enim ductus ille per montem Cælum, quomodo eo inferior? Corrigo: *Ductus ipſius montis vſibus nihil, at inferioribus miniſtrans, finitur ſupra portam Capenam.* Sententia eſt: Aqua Martia etſi per Cælum ducta, tamen colli illi non ſeruit, ſed tota & illibata fertur ad loca ſubiecta.

Libro secundo:

Nam cùm oriatur Anio supra Trebam angustâ (scribo Augustam: estq; Treba opidum Latij Plinio & Ptolomæo notum) seu quia per saxosos montes decurrit, paucis circa ipsum opidis obiacentibus cultis, seu quia lacus altitudine velut depuratur, &c.

Legerim: circa ipsum opidum obiacentibus cultis. Pauci, inquit, agri culti aut vomere scissi adiacent opidum Trebam: ideoque purior illic Anio, quoniam luti nihil trahit, aut radit è cultis ripis. Hæc enim caussa est, cur infra Anio sit turbidior, quòd (verba eius sunt è lib. i.) terras cultas circum se habeat, soli pinguis, & inde ripas solutiores. Vel possit etiam legi, paucis circa ipsum opidò. id est, opidò paucis; Comicâ phrasi.

CAP. XXXVI.

De pueris ac puellis alimentariis.

MOrem hunc, etsi satis memorabilem, vix est vt putem à quoquam antehac libatum. Et ideo pro bono me facturum existimo, si caput hoc ei dicauero. Fuerunt pueri puellæque tenuiores, eisque cùm alendis tum erudiendis annui redditus, vel ex ærario fiscove, vel è priuatorum donis & legatis: idque partim misericordiæ causâ, partim in honorem & cultum Augustorum Augustarumve; sed cum sexus discrimine, & vt illorum nomen pueri, harum puellæ referrent. Quæ diximus, subiectorum aspectu locorum patebunt. Et primò quidem de pueris Martianus ad leg. Falc. *Diui Seuerus & Antoninus rescripserunt, pecuniam relictam ad alimenta puerorum Falcidie subiectam esse: & vt idoneis nominibus collocetur pecunia, ad curam suam reuocaturum Præsidem provincie.* Et iterum lib. i. De legatis: *Si quid relictum sit ciuitatibus, omne valet: siue in distributionem relinquatur, siue in opus, siue in alimenta, vel in eruditionem puerorum, siue quid aliud.* Sed & lapis antiquus:

*

DIVO
ANTONINO
AVG. PIO
ALIMENTARI

De

De puellis autem Iul. Capitolinus, in Antonino Pio: *Puellas alimētarias in honorem Faustine Faustianas constituit.* In M. Antonino Philosopho: *Nouas puellas Faustianas instituit in honorem vxoris mortuæ.* Et de his vetus exstat numus, quem videre fuit in Musæo viri nobilis & tertium Antuerpiæ iam Consulis Nicolai Rokoxi; tum etiam omnibus hoc loci videndum dare. Est enim vir ille, si quis alius, in commune bonus, publicorumque commodorum, quæ publicè, quæ priuatim, admodum studiosus: ac proinde & rei antiquariæ & omnis elegantię thesauros, quos habet amplissimos, tam liberaliter omnibus recludit, vt quæ optimo iure sunt ipsius, ea publici iuris esse videantur. Huius igitur beneficio prodit in lucem hic numus, ad Capitolini loca nimis quàm accommodatus, & ex quo supplementum & emendare possis eum, cuius epigraphen tum mancam tum vitiosam Adolfus Occo publicauit.



Sed hæcenus de pueris puellisve seorsim; videamus qui coniungant. Facit Paulus I C^{us} libro iam allegato de Legatis, qui locus insignis, & eâ re totus hîc à me transcribendus: *Ciuitibus, inquit, legari potest etiam quod ad honorem ornatumque ciuitatis pertinet. Ad ornatum: puta quod ad instruendum forum, theatrum, stadium, legatum fuerit. Ad honorem: puta quod ad munus edendum venationemve, ludos scenicos, ludos Circenses, relictum fuerit. hoc amplius, quod in alimenta etatis puta infirmæ (senioribus, vel pueris, puellisq;) relictum fuerit; ad honorem ciuitatis pertinere respondetur.* Faciunt quoq; Spartianus & Capitolinus. ille in Hadriano: *Pueris ac puellis, quibus etiam Traianus alimenta detulerat, incrementum liberalitatis adiecit.* hic in Alexandro Seuro: *Puellas & pueros, quemadmodum Antoninus Faustianas instituerat, Mammeas & Mammeos instituit.* Adhæc lapides antiqui, Traiani vnus, alter Antonini Pij:

IMP. NERVAE. TRAIAN. AVG
GERM. P. MAX. TRIB
POTEST. COS. II. P. P.
NOMINE PVERORVM
PVELLARVM QVE
VLPIANORVM
EX. S. C. P.

T. AELI. HADRIANI
ANTONINI. AVG
PII. PONT. MAX
TRIB. POT. XIII
IMP. II. COS. III. PP.
FILIO
PVERI. ET. PVELLAE
ALIMENTARI

Tertius elegantissimi doctissimique Secundi nostri, quem honoris eius causâ L. M. describo.

C. PLINIVS. L. F. OV. F. CÆCILIVS
AVGV. LEGAT. PROC. PR. PROVINCIÆ. PONT
CONSVLARI. POTEST. IN. EAM. PROVINCIAM. ET
IMP. CÆS. NERVA. TRAIANO. AVG. GERMAN
CVRATOR. ALVEI. TIBERIS. ET. RIPARVM. ET
PRÆF. ÆRARI. SATVRNI. PRÆF. ÆRARI. MIL
QVÆST. IMP. SEVIR. EQVITVM.
TRIB. MILIT. LEG. III. GALLICÆ.
X. VIR. STLTIB. IVDICANDIS. THER.
ADIECTIS. IN. ORNATVM. H. S. CCC.
AMPLIVS IN TVTELA. H. S. CC. T. F. I.
ET. LIBERTORVM. SVORVM. NOMIN. H. S. XVII. LXVI. DCLVI. REI
INCREMENT. POSTEA. AD. EPVLVM. PLEB. VRBAN. VOLVIT. PERTIN
AMPLIVS. DEDIT. IN. ALIMENT. PVEROR. ET. PVELLAR. PLEB. VRB. HS. . .
IN. TVTELA. M. BIBLIOTHECÆ. H. S. C.
.

Nec omittendum quod ipse Plinius Ep. 11 x. lib. 1. *annuos sumptus in alimenta ingenuorum* pollicetur, & educationis eorum munus commendat, vtilissimūq; appellat. quod quidem non absimile orphanotrophorum muneri videtur, cuius in Codice Iustiniano Constitutionibꝫque Principum aliquoties mentio. Adhæc in lapidibus reperire est hæc talia:

QVÆST. ALIMENT.

Q. ARC. PVBL. ET. PEC. ALIMENTAR.

QVAE. AER. ET. ALIM.

CVRATOR REIP. ALIMENT.

Verum an hæc ad frumentariam modò distributionem pertinuerint, an & simul nostram hanc rem alimentariam respexerint, in medio relinquam. Sed nec plura concenturiabo, ne fortè puti-

putidum & * ἀμείβομαι me quisquam esse clamet. Vnum Dionis * Verborū
locum appingo, quo Traianum ita liberalitatem suam diffu-
disse constat, ὥς καὶ τὰ πάσι τὰ ἐν Ἱερλίου πατρὶς καὶ πατρὶος ἱερῶν πολλὰ
χαρίσας. vi etiam opidis Italia multa, ad puerorū alimenta, contulerit.

CAP. XXXVII.

In Claudiano diuinationes. Dissensus à viro docto.

IN Claudiano, de bello Getico:

Vulneribus pars nulla vacat, incisaque cuncti

Gloria fœdatis splendet iactantior oris.

Stephanus Clauerius iuris & humanitatis consultus qui Com-
mentario Poëtam hunc illustrauit, hos versus ita vulgauit. Re-
ctè præut quo pacto passim: *recisaque cunctis*. Tò *cunctis* enim
certè est * ἀπολλύντων & nulli rei, cùm de vno mentio fiat. Quia ta- * reiciendū.
men omnes ferè libri sic habent, orta mihi suspicio, adulteri-
num & * ὑποβλήτων esse pro *contis*, id est lanceis aut hastis, qui- * suppositi-
bus illæ gentes usæ, & vnde κοινότητες dicti. Iul. Pollux lib. i.
Onomast. Examina Lector, & omnes in vtraque parte calculos
pone. Εἰρήσθω δὲ κέλεος. Lib. i i. in Eutropium:

Subter adulantes tituli nimiaque leguntur

Vel maribus laudes: claro quòd nobilis ortu;

Cum viuunt domini: quòd maxima praelia solus

Impleat; hoc patitur miles: quòd tertius vrbs

Conditor; hoc Byz. as Constantinúsque videbunt?

Ita locum hunc, si quis alius, corruptissimum R. P. Mart.
Antonius Delrius egregiè iam olim emendauit. A quo tamen
abit Clauerius, & in tertio versu edit, *Coniua & Domini*; in
sequenti, & *pariter miles*. Quid hoc aliud, quàm inuentis
frugibus ad glandes redire?

— * ἢ μάλα τὸτο ἔπος νημερτὲς ἔειπε

vir ille in omni doctrinæ genere eminentissimus, probamq;
planè scripturam in integrum restituit. Cùm autem in eius
explanatione Clauerius per Dominos ipsos designari dicit
Imperatores, * Οἷός καὶ ἄλλον μῦθον ἀμείνονα τὸδε νοήσας.

Non enim illi omnium Domini, sed Eutropij tantum, à quibus
fastiditus & venum datus fuerat, intelligi debent, hac sen-
tentia:

M

tentiâ:

* Verè equi-
dem nimis
est ea verba
loquutus

* Sermone
hoc aliū me-
liorem pro-
mere nouit.

tentiâ: nihil ineptius esse vel intolerabilius, quàm quòd ille genus & longos iâctet natales, cuius adhuc domini sint superstites, sub quibus seruitutem eum seruissse constet. * Τοίονδ' ἐμὸν φεβ-
 νημεα, &, audeo dicere, omnium, qui animum aduertunt. At
 secundo loco, quò minùs ab impressâ librorum orbitâ recedamus, exarari possit, & patitur miles.

De IV. Consulatu Honorij:

*Quæ sub te vel causâ grauis, vel iudicis error?
 Nec legitur dubiis quis litibus addere finem
 Justior, & mersum latebris educere verum.*

Ita libri excusi; sed melioris notæ MS. in Bibliothecâ Vaticanâ:

*Quæ sub te vel causâ grauis, vel iudicis error
 Neglegitur? dubiis quis litibus addere finem
 Justior, & mersum latebris educere verum?*

Vtrum concinnius, palam esse puto. De nuptiis Honorij & Mariæ: — blando spirantem numine ceston

*Cingitur, impulsos pluuiis quo mitigat amnes,
 Quo mare, quo ventos irataque flumina soluit.*

Cui non suspecta hæc ταυτολογία? an aliud amnis à flumine? Puto fulmina non flumina γήσιον auctoris esse, idque, cieceto subdititio, suam in sedem reducendum. Sic apud alios, iracunda fulmina: fulminis ira. Sed horum talium iam sat est; imò vercor, ne nimis multum.

^a Οὐ γάρ πως πάντας χαρίζομαι τὰδ' αἰέσω.

Nec ad omnium hæc palatum: &, vt maximè sint, cauendum tamen, ^b μὴ κορὴς ἐλθὼν κρίση, vt ait Pindarus. Nam quod verissimè Poëta princeps;

^c Πάντων μὲν κόρυς ὄρεϊ καὶ ὕπνῳ καὶ φιλόπῳ,

Μολπῆς τε γλυκερῆς καὶ ἀμύμονος ὀρχητμοῦ*

& breuiter idem Lyricus, ^d Κόρυς δ' ἔχει καὶ μέλι.

^a Forè etenim cunctis non est mea cantio grata.

^b ne satietas adueniens grauis ac molesta sit.

^c Cunctarū satias rerum est, somni Verisq; Et cantus praedulcis & egregij salatus.

^d Satietatem & mel habet.

ERRATA.

Pag. 2. lin. 14. lege ὅν. pag. 7. l. 2. καλλιμενίδου. ibid. συνεκλυθέται.
 pag. 35. in marg. supposititium. pag. 68. lin. 13. Glanim.

PHILIPPI RVBENI

A D

IVSTVM LIPSIVM

POEMATIA.

GY
10A



det
amo
k v
ur,
mcc
cont
vian
comp
num
viam
es,
inter
is pr

GVILIELMO RICHARDOTO
 IOAN. RICHARD. PRAES.
 FILIO
 ACADEMIÆ DVACENÆ
 CANCELLARIO.



Audes IUSTI LIPSI, cuius
 memoria mihi sacrosancta,
 quò potius eant, quàm ad te,
 GVIL. RICHARDE, quem
 vnum omnium libentissimè
 lecturum existimo? Persua-
 det hoc eximius ille tuus erga *τὸν μακαρίτην*
 amor, ac debitus ille quidem cùm meritis eius
 & virtuti, tum affectui, quo te prosequeba-
 tur, pænè singulari. Talem certè fuisse iuxtà
 mecum tenent omnes, quos in eodem illo
 contubernio Felicitas intimè iunxit; &
 etiamnum probè meminerunt, quanti te
 semper fecerit vir ille omnium calculo ma-
 ximus, quotièsque & quàm pleno ore re-
 ctam indolem, suauissimos & optimos mo-
 res, ac mirificum in te studium virtutis &
 litterarum commendarit. Sed quid opus in
 his priuatam conscientiae fidem interponere,
 .M 3 quæ

quæ tot litteris ac publicis testata monimentis patent? Ad tuam in me beniuolentiam venio, quæ spem mihi facit, quemadmodum amanti res etiam minimæ, quæ ab amatâ proficiscuntur, in amore & deliciis, ita meum hoc qualecumque munusculum aliquo penes te loco fore, communisq; potius amicitia, quàm sui pretij æstimatione ponderandum. Sed neque longior hac in parte ero, pluribûsve, quid causâ meâ vel volueris vel feceris, enarrabo. *Satis magnum alter alteri theatrum sumus.* Rogabo tantum, spem hanc uti meam ratam facias; ac si verba rem, quod facile video, non exæquant, id non solum infantia meâ, sed & amplitudini viri adscribas, cuius hæc præcipua laus, *dignè laudari non posse.* Qui vel parua vel mediocria aggreditur, nisi fauet Euentus, reprehensionem facile incurrit;

— *in magnis vel voluisse sat est,*

& conatus etiam in laude. Etsi ne conabar ego quidem, neque tam longè spem meam porrigebam. Non enim ipse me prorsus ignoro, nec ex eâ sum litteratorum notâ, qui simul ac versum pedibus instruxerunt, in Heliconem continuò se venisse putant. Quod damus officium est, & omitti sine culpâ non potest. Iusta DOCTORI nostro
solui-

soluimus, ac dolori, quem ex eius obitu cepimus, multò grauiſſimo, poſtque tam longam intercapedinem etiamnum recenti, piè parentamus. Sed & ſoluimus quod debemus: ſi quidem ille ſoluit, qui cùm ſoluendo non eſt, memorem atque gratum animum præſtat, ac nomen publicè proſitetur. Quid, quòd ipſe LIPSIVS, huius conſilij olim fundus & ſubſcriptor? Notum id tibi, GVIL. RICHARDOTE; & vt aliis item ſit, ecce Epistolam eius teſtem. Cur autem ELECTIS hæc adiicio? Partim quòd Ampliſſimo PARENTI dignus eo FILIVS aptiſſimè ſubiungi videatur, partim ſaſtidij, quod illa Lectori fortean attulerint, leuandi & abſtergendi. ad morem videlicet ſcenicorum, qui reſcien-
dis auditorum animis aliud argumenti in exodio plerumque promunt & aſſumunt. Si fallor, &, quod aiunt, * κακὸν τὸ κακὸν ἰεμεν, ^{* malum malo curio,} voluntatem tamen ſtadiumque gratificandi non ingratum fore confido. Benè vale,
& viuere.

Guil. Richardoto & Phil. Rubenio suis.

A Bitis, imò abistis, & Vale illud, etsi mœstis, dicendum tamen fuit. O quando iterum Salue? Eritne vt videam, & viuam? Voueo:

Et non antè mihi claudantur lumina morte,
quàm ego vos brachiis istis claudam & astringam.

Quorum ego manantes oculos & saucia vidi
Pectora:

nec meis quidem illis ficcis, aut hoc illæso. Sed ite & redite felices, Italiam videte, ingenium polite, iudicium formate. Nam ego, cum Attio

Probis probatos potiùs quàm multis velim.

Nostis æuum, vanitatem, luxum, delicias, ineptias:

——— *non ita Romuli*

Præscriptum & intonsi Catonis:

neque hercules meum, vt tot annos audistis. Sed heus, tu Rubeni, nubem illam doloris circumfufam Carmen tuum * *ὑπο-
βατήριον* nonnihil dispulit, ô dii boni, bonum. Palpo non te percutio, sed cum Syracusio,

* *Os plenū
eu mellis
habes.*

* *Πληρες τοι μέλιτος τὸ καλὸν στόμα.*

ô os Gratiarum & Musarum! Vulgari potest, siue à te siue à me, sed vulgari. Vísne vt ego per Moretum? promptiùs fecero, nisi sint laudes meæ, & quidem superfluentes. Sed vale, mi amice,

* *quem su-
per omnes
diligō amā-
eos Ve-
pue hocce
meum.*

——— * *τὸν ἐγὼ πρὸ πάντων τῶν ἐταίρων*

Ἰὼν ἐμῇ κεφαλῇ:

& caput hoc ipsum tango. Louanij xv. Kal. Oct. ∞. 1551.

PHI-

PHILIPPI RVBENI

CARMEN

Apobaterion & Eucharisticum

A D

IVSTVM LIPSIVM

Doctorem & hospitem suum.



*Rgône sollicitos vacuum per inane precatus
Ventorum volucres animæ, scæuivæ potestas
Cæca GenI rapuit, nec cæli ad lucida templa
Fervida se faustâ penetrarunt alite vota?
Ergo igitur Divûm sunt pulvinaria frustra*

*Culta mihi, cunctâsque petitâ ritè per aras
Pace Deûm multâ geuua incerata tabellâ?
Hæc sortis promissâ, hæc coniectoris apellæ
Responsa, & cælo, Phœnicum more, sereno
Conscia secreti scrutantis sidera sati?
Hoc volucrum cantus, hoc præpetis omina pennæ,
A leuâ cornix, dextrâ Phæbæius oscen,
Multaque præterea, quibus immoderata cupido
Prona adhibere fidem, signorum lata notabant?
Heu spem fallacem! heu vanos similitantia visus
Ludibria, in mentes hominum quos nocte soporâ
Limina candenti mittunt perfectâ elephantio!*

N

Non

Non aded nupèr toto spem corde sinuque,
 Ceu minimè dubiam, ceu calitus affulgentem,
 Amplexus, curaque animum defixus in vna,
 Italiam mea vota, tuis sed MAXIME LIPSI
 (Ab frustra!) auspiciis ac ductu penè videbar
 Jam premere, & septemgeminæ miracula Romæ
 Per nebulam, quâ fas, mihi cognita, cominus ipsis
 Jam lustrare oculis, cupidoque morantia longum
 Sæpè representans animi mens gaudia (quid non
 Illa potis, quas non species ingignere rerum?)
 Vel sacro fixum lateri, vel ponè sequentem,
 Usque indiuiduum fantis fingeat ab ore
 Pendere, atque avidis haurire tot aurea dicta
 Auribus, & largo deductos flumine riuos.
 Nunc multum diuersa soli cælique docebas
 Ingenia; vt mutentur & hæc labentibus annis,
 Quæque olim tellus culturam dura negabat,
 Quæ neque Pomonæ neque Bacchi munera norat,
 Jam facilis domino, nec in vlllo tempore mendax
 Largiter & Bacchi & Pomonæ munera fundat;
 Fluminaque Arctoi quæ victa furoribus axis
 Sæpius iniectâ ceu compede torpescabant,
 Non interrupto labantur libera cursu:
 Nunc, quibus hic vastus distinguitur vrbibus orbis,
 Haut secus ac paruis in grandi corpore nauis:
 Quæ quibus emineant inprimis opida rebus,
 Quæ populi legum, quæ sit variantia morum,
 Quæ rerum regniqûe vices, vt in omnibus ortus
 Occasusque, suis vt quæque obnoxia fati:
 Nunc decora Italie veteris, sub flore virorum:
 Hic villam & magno prætoria culta colono:

Hic exspiratum cana per tectoria sulphur;
 Nec procul inde lacus ac frigida piscinarum
 Balnea, & illustres busta asseruantia manes:
 At fragmenta alibi cuneatae ingentia molis,
 Deque triumphatis eductos gentibus arcus:
 Quà lapsantem aram, quà crebrâ fulta columnâ
 Testa Deum: grandes debinc mirandâsque ruinas,
 Ac fortunatam testantia rudera Romam.
 Hæc in delitiis & amoribus: illa voluptas
 Titillare animum, seu cælum Phosphoros albâs
 Seu furuis Nocturnus equis alterna subirent.
 Hîs dapibus pascebam oculos, hæc mattya tamquam
 De Superum missas inhiabam sigmate partes,
 Cum velut hospitij ius & genialia sacra
 Aut fidi numen violassem Sigalionis,
 Ipsis à labris tam dulcia scitamenta
 Fugere, & medio flos Bacchi euanuit ore.
 Jam cælum sublimis & aurea sidera adibam
 (Sæpè iterare iuuat, iuuat indulgere dolori)
 Cum velut ille olim facinus puer ausus inausum
 Remigio liquidæ defectus in aëre pennæ,
 Aut Hyperionius vibrati fulminis ictu
 Excussus patriæ Phaëton temone quadrigæ,
 Votorum summo de vertice præcipitavi:
 Cum soli carpenda via est (quæ Diique Deæque
 Hæc Tropica?) illucæ ceu per caliginis umbram,
 Quod duce deiectus tali, qui nocte vel atrâ
 Lumen, qui mihi turba fuit per sola locorum.
 Usque adeone igitur miseris mortalibus ægrè
 Proueniunt votina? adedò fors altera passim
 Obuia? candidior tam rarò calculus exit?

I nunc, & vultu Fortuna crede sereno.
 Nimbos ille parat nimius nitor, illa procellas
 Sauas illa hiemes pellacia blanda minatur.
 Sed quid agis, quò me laxis spatiatuſ habenis
 Prouehis affectus? Summi Pratoris in albo
 Sic erat, & ſolido, cui fata inſculpta, metallo.
 Quod ſtatuit, nos velle decet, calique negata
 Decreto vani non ſuſpirare querellâ.
 Quin, quod & officiſ ratio nunc poſtulat, & mos,
 Trifſe vale potiùs facio? quin dicere grates
 Accingor tibi SVMME VIRVM? nam reddere dignas,
 Et grande hoc tecum pariando expungere nomen,
 Tam pote, flammigera quàm more volucris, in ora
 Intonſi radiata Dei, cùm pleniùs orbem
 Pernolgaſ, cùm iam medio aurigatur Olympo,
 Inconſuinam aciem & rectum fixiſſe patutem:
 Quàm velut aëriam referentia pennipotentum
 Corpora naturam, ſuperam volitare per æthram;
 Errare aut inſtar animantum Nerinorum
 Molem per liquidam & ſpatioſi terga profundi.
 Quid tibi, ſi tabulas inſpèxiſ, debeo, quid non
 Debeo? tu modicâ inuectum freta cæca carinâ,
 Non ad Erythrao latitantem gurgite prædam,
 Aut ſpolia illa nouæ noua Colchidos, aut Eoï
 Meſſeſque merceſque ſoli, ſed ad optima rerum,
 Ad pretioſum animi cenſum cultumque parandum,
 Dirigiſ, vt ſpeculâ nocturnum lumen ab altâ,
 Ardentèſque aſtrorum igneſ, quibus arboriſ vnctæ
 Nauita per tumidum moderatur Nerea greſſuſ.
 Tu tamquam ignotâ paſſim regione vaganti
 Sponte tuâ certam monſtras rectamque viarum.

Quæ sacros patet ad latices & Musica labra,
 Ac breuiore isthinc quasi tramite ducit ad illa
 Edita doctrinâ sapientum templa serenâ.
 Ad summam, angusto describam vt pluria gyro,
 Tu satus læpeto, tu Maie filius almae,
 Tu bonus ille mihi Genius, qui noxia missus
 Munera Pandoræ cumulo pensare bonorum,
 Nectareum rectæ mentis cratera propinat.
 Quid sanctum patuisse domus, quid in ipsa receptum
 Testa loquar: quæ Musæo communia cætu
 Musarum antistes colis, & mediocria quamuis,
 Maiestate tui supra omnia culmina, supra
 Cæsarea ambitiosa altè fastigia tollis:
 Testa, mihi præ queis tua vileat incluta Zeno
 Porticus, ac tantum complexa Academia nomen,
 Aut clarum variæ doctrinæ laude Lyceum,
 Cuncta togatorum facunda aut atria patrum.
 Nec dispar nostræ reliquæ sententia turbæ.
 Quamuis ante alias tibi dedita factio plaudit,
 Cui propius spectasse datum; tamen insimul omnis
 Hic caueæ fauor, hæc plenis vox vna theatris.
 Inuidiæ victor ferrugineique veneni
 Omnibus es, L I P S I, mirabilis: omnia iunctim
 Puncta caput docti te constituere senatus.
 Quin tua te veterum penè obstruxisse triumphat
 Ætas lumimbus: quin tanto Belgica alumno
 Turritum celo caput infert, iamque vetustæ
 Helladis Italiæque excelsos æquat honores.
 Quid mirum: vt vario diuersa per ostia lapsa
 Se gremio latæ confundunt Tethyos amnes,
 Vuida maternis libantes oscula Nymphis:

Sic tibi (mira fides) cunctorum mista bonorum
 Cópia, sic largus mentem confluxus inundat;
 Quæque alios hominum vix singula disque parata
 • Condecorauerunt, in te stipata relucet.
 Omnia solus habes: labris Dea Dadala Peitho
 Insidet, atque suos instillat mellea succos.
 Doctrina & virtus pariter (prò pulcra synoris!)
 Illa augusta tui sacraria pectoris ædem
 Delegere sibi: quoquò vestigia flectis,
 Quicquid agis, certo sequitur pede dia Minerva,
 Nec secùs in quouis felicem dirigit ætlu,
 Nestora quàm Pylum, Laërtiademque heròæ.
 Illa etiam à primis vagitibus amplexata est,
 Asseruitque suum: mox omni sedula curâ
 Commisit Phæbo & Phæbi formare puellis.
 Hinc de Pieriâ facias seu verba cathedrâ,
 Quouis cumque animos Alcides Gallice ducis:
 Siue premas calamum, calamo feliciùs illo,
 Quem donum Cephalo dederat Latoria virgo,
 Quidlibet assequeris, quidquid venare, potiris.
 Hinc, vt Amalthea Nympharum munere cornu
 Iugiter & pomis & odoro flore repletum,
 Omnigenas tu mentis opes semperque vigentis
 Ingenij fœtus autumnno perpete fundis,
 Qui saclis prosint pòst omnibus, & longæue
 Non metuant vmquam cariam tabemque senectæ.
 Quid stabilis vitæ ratio; nec discolor vllâ
 Parte, nec in vario variantes tempore mores?
 Sed placidi semper, faciles duraque remoti
 Tetricitate; quibus tantummon prodigus, omni
 Te vulgas populo, tua passim araria pandis.

Quid

Quid Decor, & suavi quæ cuncta lepore venustat
 Componitque pari Gravitatis Gratia librâ?
 Nempe palàm studuit Natura ostendere in vno,
 Quem voluit cunctis cumulatum excellere rebus,
 Unde satum mortale genus, quo semine oriundum,
 Quoque tenuis prodire queat, quæque vltima creta.
 Sed quid tam vastum laudum inconsultus in aquor
 Labor, & obsequio tenuis te ludo Camenæ?
 Non sunt apta meæ tam grandia vela carinæ;
 Nec verò alterius, totam licet ille Aganippen
 Hauserit, inque iugis Parnassi exegerit æuum.
 Non magè Vlyssæum cuiusquam viribus arcum
 Quàm domini curuare fuit, nec Pelian vllis,
 Præter Achilleos, prouum vibrare lacertis;
 Quàm tua fas alijs consummatissima verbis
 Ornamenta sequi. condignè te tua tantum
 Musa canat, cuius completi angustia mentis
 Haut valet, effari nec linguae possit egestas.
 Ten' igitur numero nos allegisse tuorum,
 Dignatum mensæ secreto? mène beatum
 Hoc apice & tanti maceratum culmine honoris!
 Qui mihi communis cum paucis, qui mihi fasces,
 Qui toga cum sellâ rutilans prætexta curuli.
 En quibus astringar vinculorum nexibus: en queis
 Vndique circunder nodis, quos nec ducis anceps
 Æmathij ferrum, nec vis Vulcania soluat.
 Verum, age, caelestem qui duxti largius ignem,
 Caestes imitatus opertos inspicere sensus,
 Inspice, quâsque agimus penito tibi pectore grates,
 Ponderibus perpende suis, & prompta probetur
 Ac veterem iuxta morem deuota voluntas.

Nec

Nec porro vulgata fiet mihi fabula fraudi,
 Fabula fuscæ culpâ sublata animarum,
 Hac modo grata tenebæ benefacta existere, citra
 Dum spem soluendi consistunt; longius autem
 Progressa in tenebæ euanida spargier auras.
 Dum vivo & video, dum copula coniugiumque
 Corporis atque animæ diuort lignara vigeant,
 Nulla erit hac nobis aut cura aut cautio maior,
 (Per lapidem deiuro Jouem, per numina Phæbi
 Et quarum cluet hic præses præstèsque sororum)
 Quàm ne sancta tui reuerentia claudicet hilum,
 Quàm tua ne minimo violetur gratia nauo.
 Sin mala me tantum manus, & cui (pro pudor!) ingens
 Hoc mundi Chaos atque ipse est obnoxius æther,
 Ipsa suos etiam submittit Delia fasces,
 Emonia pestis (quod abominor) insatuaret,
 Extremoque meam turparet crimine vitam:
 Te Dea, te vindex scelerum Rhamnusia testor,
 Infaustamque Aten, damnatorumque ministras
 Immites operum Eumenides, cuicumque daturum
 Ultrò me noxæ generi, quæcumque volentem
 Supplicia hausurum: Siculi tunc æra iuenci,
 Tunc formidatos tunica flagrantis amictus
 Nullus defugiam: tum dirum Ixionis axem,
 Augentemque famem dapibus, secundaque pœnis
 Viscera, cum vestris deposcam Belides cornis.
 Sed meliora Di, sed ter monstra illa nefasque
 Despuo: quæ fieri tum demum posse putabo,
 Æternâ cum lege Dei cumque ordine verso
 Naturæ, tellus cælo diffusior, astra
 Inferiora globo terræ, cum flumina retro

In caput alta suum fassis à fluctibus ibunt.
 Quòd si non prorsus similem popularibus vsti
 Memnonis, Eoiq̃ue colentibus vltima mundi,
 (Quis atro noctis sunt ora imbuta colore,
 Lucida cùm primi nascentis tela diei
 Excipiant, primi radiatum insigne salutent)
 Et claro iubare & radiorum luce propinquã
 Nonnihil ille meus me Cynthius illustrarit:
 Ac velut hoc solùm regio suprema calescit
 Aëris, etheriæ quòd sit contermina flamma,
 Fors itidem sacer hanc glaciem tepescerit ardor,
 Vicinúsque leuem stricturam diderit ignis:
 Si non hoc animi, quod lumine conferis, aruum
 Depositum fallet, siquid letamine longi
 Percoctum studij, commentandi que subactum
 Vomere, venturis frugum profuderit annis
 (Si modò venturos Lachesis mihi neuerit annos)
 Quantulacumque tuis rationibus illaturus
 Semper ero, LIPSI: septem quodq̃ue ille Sophorum
 De numero petiit Milesius hostimentum,
 Tu mihi tu solus memorabere fundus & auctor.
 Te, te prælatus cunctis mortalibus vnum
 (Sic dextrum mihi numen, & hæc ad cœpta secundum)
 Eximio quodam cultu venerabimur; vni
 Cœlicolum vt Regi fortissimus Æacidarum,
 Certo cratere & proprio libabimus auro.

IN EIVSDEM NATALEM.

CAstalios quisquis fontes & Musica labra
 Accessit, liquidoque rigavit nectare mentem,

O

Cecropia

Cecropiæ pia turba Deæ, cui dedita mens est
 In Sophiæ studiis, & pura in corde voluptas;
 Eia, agedum, niuco iam quisque insignis amictu,
 Incinctusque comas ederat & Parnasside lauro,
 Lætitia vultum mihi sumite, sumite cultum.
 Templâ Deum reſerate, coronatasque recenti
 Flore aras nubes Panchæi turis inumbret.
 Lux agitur, verè quam ſignet candida Eôi
 Bacca maris, feſtis & faſti lucibus addant;
 Lux bona, LIPSIADEN cui doctior imputat orbis;
 Lux magna, humanis quâ ſeſe obtutibus ipſi
 Vulgauere Diſ. Summo nam venit Olympo,
 Et dignata ſuo terras eſt corpore ſancto,
 Caſta puerperiis quæ præſidet Ilithyia,
 Ut maturatis prodiret nixibus infans.
 Ipſa videbatur cari præuertere patris
 Officium, manibusque ſuis de matre rubentem
 Tollere & altrici protendere dia Leuana.
 Innuba quinetiam Pallas, doctique Heliconis
 Numina ſe pueri voluerunt ſiſtere cumis,
 Atque haurire oculis, qui mox ſuius eſſet alumnus,
 Et famâ reliquis ſic antiſtaret alumnis,
 Ut matutinos præſtinguit Lucifer ignes.
 Si qua fides, ternas huc ſe penetraſſe ſorores
 Narrant, atque aliis ſubtemen nentibus aureum,
 Præmonuiſſe vnâ diuino carmine Clotho,
 Qui vagitantis ſplendor, quàm clara futura
 Fama foret, quantumque olim voluentibus annis
 Muſarum ſtudiis portenderet incrementum.
 Hic puer, illa inſit, hic erit velut ætherius Sol
 Deſubito exortus, qui peplum ſoluet opacæ

Noctis, & in clarâ mortales luce locabit.
 Per quem, sopita fuerant quæ turpiter artes,
 Pulchrius exsurgent, Augustique resument
 Maiestatem cui: per quem squalore remoto,
 Abstersoque situ, scriptorum sæcla priora
 Veros induerint habitus veteremque nitorem.
 Gaudete illustres animæ, si quid modò, si quid
 Jam sapitis, sensusque aliquis Acherunte sub imo est.
 Aurea mens illi, vox dulcis tincta Suiadæ
 Nectare, & omne genus rara ac miranda bonorum
 Congeries: vno se pectore cuncta recondent.
 Varronis memini, docti memini Arpinatis;
 Sed taceo. & tacuit cum dicto præscia Diva.
 Salve cura Deum. Sed & ô mea maxima cura
 Ac desiderium: quem suspiramus, & vsque,
 Ingenti quamquam dispecimur intervallo,
 Visibus hinc animi tuimur tamen omnituentis.
 Hæc tua lux & amœna tibi & genialis agatur,
 Antiquumque tuum obtineas. nam scimus, & vnâ
 Commemini tecum festum hoc agitare suâve,
 Vitigenumque hilarè Genio libare liquorem.
 Ferrea non animi delibent tempora pacem,
 Non vis morborum, non ærumnabile bellum,
 Et nostræ, heu, minitans patriæ res vertere fundo.
 Fortè breui meliora sequentur, moxque futurum,
 Ut tantis stet pausa malis, aliquisve Deorum
 Hos patriæ fluctus, hos tranquillauerit ætus.
 Namque vices rerum (tua sit fas dicta referre
 Hoc signata animo) sunt; & quæcumque geruntur
 In terrarum oris, rapido ceu turbine semper
 Versantur, nihilumque loco consistit eodem:

*Ac veluti variat faciem Oceaneia Tethys,
 Nunc hiemante mari, caloque minantibus vndis,
 Nunc iisdem placidis & leniter aequore strato;
 Hac itidem alternare volunt & vertier vsque
 Fati lex aeterna atque immutabilis ordo.
 Ipse vnus sapiens sibi constat: cumque minetur
 Horrida tempestas supra caput, ille futuri
 Securus fruitur praesentibus; ac pote quantum,
 Curasque luctusque animorum caeca venena
 Declinans, placidum tranquillumque exigit aenum:
 Secreto assimilis mundo summum aëra supra
 Lunaremque globum, quem numquam grando nivesque
 Horrificant, numquam vis subminis ignea flammam,
 Non agitat Boreas, non imbricus Auster; at vnum
 Obtinet ac nullam violatum nube serenum.
 Seria sed valeant hodie valeantque seueras:
 Absit sollicitus sermo, nec fabula mœsta
 Obscuram nitidam temeret ferrugine lucem.
 Nulla hodie occurrant atri vestigia luctus,
 Obscureque nihil. per sudum nulla vagentur
 Nubila, siluis fragus requiescat flamma Caurus,
 Atque ingens placidum stagni stet more profundum.
 Desinat argutam Pandione nata querellam:
 Desinat & lessum coniunx miseranda Ceycis.
 Ipsam arescentem spectet Sipyleia pubes
 Tantalida, & lachrimam stupeat non depluere vllam.
 Largior at solito laticum fluat Aënius fons,
 Et plus Pierij saltus siluæque virete.
 Omnia letitiae sint nostrae adfinia: fausta
 Passim verba sonent, plausus atque omnia leta.
 Hoc ius, hoc fas est: tu porro candide sapere*

Natalis redeas, tu fesse & fauste dierum,
 Jucundumque habeat seris te LIPSIVS annis,
 LIPSIVS Adriaci qui Vincere pulveris annos
 Pluriaque est dignus Vivendo condere sacra.

QVERELLA ABSENTIAE.

Quid me nunc Urbis strepitum fumumque quiete
 Mutasse & calo liberiore iuvat?
 Quid ruris secreta, quid optata otia prosunt,
 Et sopor ad fontem lenè strepentis aquae?
 Quid mihi nativos prati ridentis odores,
 Quosque levi spirant à pluviam segetes?
 Quid liquidas avium voces per frondea tecta,
 Cum matutino rore madescit humus,
 Si procul à Musis, abs te cultissime LIPSI,
 Dego rudes inter dissimilesque mei?
 Si te mens animi misere cupit & suspirat?
 Quo nil Sol spectat doctius & melius:
 Humanam supra qui mensuramque modumque es,
 Atque ita sim felix, Numivis instar habes.
 Quicum una quoties, aurà inuitante FauonI,
 Grudia non celeri culta pererro pede,
 Sermonemque bibo suspensis auribus omni
 Conditum Sophiae Pieridumque sale,
 Sermonem Hybleo stillantem melle, quod ipsa
 Adpersit Peitho, quod Venus & Charites,
 Protinus exiit quicquid dolet, atque animo omnis
 Prorsus amarities & scabitus fugit,
 Quicquid & internam pacem delibat, ab herba
 Ceu Lacedaemoniae letificante Helenes;

Inque vicem purâ pectus dulcedine tango,
 Quæ sit vel ducti dulcior ambrosiæ:
 Catibus & qualem celestibus assumptorum
 Percipere Heroum credibile est animas,
 Concilio Diuum cum Jupiter ora resolvens
 Resque hominum pandit fataque tam varia:
 Sollemni aut epulo, cum quâ præclara Deorum
 Dona canunt molli voce Heliconiades,
 Quâ tenerum argutâ testudine carminis auctor
 Carmen mobilibus temperat articulis.
 O niueam quæ tanta reducet gaudia lucem!
 O mihi felicem terque quaterque diem!
 Quod si fatorum lex durior intercedet,
 Summaque habent summi numinis imperia,
 Me longè externas aliquando diuidere oras,
 Expertemque tuis, ah, facere alloquiis,
 Tum nec arena Tægi me tota, nec aurifer Hermus
 Thesaurique inuent diuitis Arabia:
 Nec magè Sidonio saturatæ murice vestes,
 Lectæque Erythræis bacca sub æquoribus:
 Nec domus ampla, vbi eburque renideat atque argentum,
 Et ferat auratas Asra columna trabes,
 Assidue populo quæ concelebretur, & omni
 Mane salutantum persstrepit officiis:
 Quicquid & est horum, quæ Janus summus ab imo,
 Nec nemo è vulgo suspicit atque stupet.
 Hæc alius cupiat atque æstimet, improba quanti
 Ambitio taxat stultaque auaritia,
 Quæ neque curarum strepitum mentisque tumultus
 Sedant, & repetit perfida sæpè Dea.
 At mihi sit (voti summa hæc) te, PRIMA VIRORVM,

Simplicè
 Atque

Simplice vel cultu, sis vrbicumque, frui;
Sis vrbicumque, domum seu perpetuò vrbicam habebis;
Seu, dudum quod aues, auia rura coles :
Seu certum, in patriâ sortem quamcumque manere,
Siue erit illa bona, siue erit illa mala :
Seu potiùs, statione alibi te cõdere tutâ,
Dum venti ponunt, dum fera lenit hiems.
Tecum ego nam possim vel regna niuosa Aquilonis,
Aduersi fines vel penetrare Noti ;
Et siue Hesperios stabile est seu visere Eòos,
Visere & Eòos, visere & Hesperios.
Ergo iam vallésque mibi collésque valete,
Aruaque que vñt iam refecanda Ceres.
Ergo silua vale, cuius ego tutus in vmbra
Defendi capiti torrida solstitia:
Silua vale, toties quâ nulli debita cure
Moraque cum fragis legimus & cerasa,
Capripedésque salax Faunos genus & Satyriscos
Vidimus arte vagas prendere Hamadryadas.
Ite procul teneris cum satibus, ite capellæ;
Jam vestri satias me tenet ac pecoris:
Non ego vos posthac pendentes rupe videbo,
Bucera nec vallem sæcla per irriguam.
Sed neque vos alacri iuuenes contendere cursu,
Missilibúsvē scopum figere arundinibus:
Nec molleis choreas, nudâ cùm rustica surâ
Virgo leucs scitè subsilt ad numeros.
LIPSIVS antistat rebus longè omnibus vnus:
Hoc omnes vno sunt mibi deliciae.
Hic nos te subigat Rhodopeïe deserere Orpheu,
Atque Amphionia dulce mēlos cythara:

*Tu quamuis blandus auritas ducere quercus;
 Hic lapides cantu mouerit & scopulos.
 Ac veluti Clytici Sol aureus, atque Erymanthis
 Fugiter Herculeum stella trahit lapidem:
 LIPSI me virtus rapit incluta, & obstupefactum
 In se admirandis figit imaginibus.*

IN SENECAM A I. LIPSIO
 RESTITVTVM.

Antiqui monumenta Sopbi, quo sidera tangit
 Et Pandionis vrbs Martia certat Athenis,
 Indignis affecta modis, multisque pudendum
 Manca & hiulca locis; sed & aspera vulnera passa
 A Criticorum obelis & auari dentibus cui
 In medio leti quasi limine versabantur,
 Jam tunc deuota epula blattaque voraci.
 Non tulit hoc, reliquis tacite mussantibus, ardens
 LIPSIADAE virtus, quae passim sternere monstra,
 Quae coniuratas acies atque agmina contra
 Barbariae ire solet, totamque immane furentem
 Ac tumidam imperio & late dominantibus armis
 Versa fugam dare terga subegit, & excellentes
 Restituit Latio ciues, orbique magistros.
 Ille atrox prodire nefas haud passus, & hocce
 Tam detestando temerari crimine sacrum,
 Occupat auxilium, & notus accingitur artes:
 Noxia quicquid gangrana ac tabida serpere pestis
 Desit ulterius: quicquid cruda & hiantia late
 Sicut Apollineis coierunt vulnera succis:
 Stigmata quicquid faciesque cicatricosa recessit,

Inque

Inque vicem nitida illa ac germanissima forma,
 Carmine ceu magicæ ve redit Titanidos herbis.
 O sacer, ô magnus LIPSI labor, optima leto
 Eripere, integramque colum & noua condere fata!
 Nam verè mors est geminata atque altera Parca
 Scriptorum interitus: quibus auctor quippe superstes
 Ipse sibi, Famæque aternum viuit in ore.
 Scilicet hi fructus, hæc præmia digna laborum,
 Bis Stygios innare lacus, bis turpia monstra
 Formidare Erebi, nec fungi simplice fato.
 Verum hæc vt paucant alij, tibi nulla timenda
 Magne tamen LIPSI: te tutum viuida virtus
 Inque alios præstat pietas: tibi nescia ledi
 Membra, tibi nullo corpus penetrabile telo:
 Quale tuum Perrhæbe, tuum Neptunie Cycne.
 Si non ergo nigris miscentur cuncta fauillis,
 Si mens, vt certum, cineri bustoque superstes,
 Desuper ex altâ mortalia despicit arce,
 Quis tibi nunc, ANNÆE, videnti talia sensus,
 Quidve modo est animi, cum præstantissima cernis
 Ingenij monimenta tui, iam panè sepulta,
 Ac tristi cinefacta rogo, dubitata tueri
 Astra & succiduo melius splendescere cultu?
 Cum prodire iterumque virum volitare per ora
 Scripta tui sanctos animi testata recessus,
 Unde velut diti fluxerunt aurea venâ:
 Scripta, quibus sacro Virtutis pectora thyrso
 Percussa exstimulas, pulchroque Cupidine honesti
 Vel supra Alpinas inflammas algida ninguéis.
 Virtutem solam dum concinnare beatos
 Posse doces: hanc & tranquillâ in luce locare

Et veris cumulare bonis, quæ turbine nullo
 Fortuna excutiat, quæ firma & fixa perennent:
 Cetera quæ vulgum capiunt ceu grandia, parue
 Esse rei, siccum titulo faciente decoro.
 O ter & ô quater hoc felicem in vindice! quo se
 Porget ab Occasu redituum nomen ad Ortum,
 Nullaque venturis dispendia sentiet annis.
 Corniger vt quondam Laurente Numicius ora
 Ænean Anchisiaden iam cærule celi
 Sidereasque domos spectantem mortis ab omni
 Labe prius liquidis in fontibus expurgauit:
 Ut Thetis in mæsti nimium solatia nati
 Nectaris ambrosiæ confuso rore iacentem
 Imbuit Actoriden, & cassum lumine corpus
 Integrum ad seros tumuli seruauit honores:
 Ille tibi quicquid luteæ superabat ab vldâ
 Fæcis humo, quicquid reliquum contagis inesset,
 Eluit, æternaque dedit vernante iuuentâ
 Securum immanes æui contemnere vires.
 At benè te, LIPSI, benè te, cui cura mereri
 De multis benè, & officii commune iuuare:
 Qui velut astrorum dominus, velut ætherius Sol
 Ingenij radius ardentibus abdita claras,
 Obnuptasque altâ soluis caligine mentes.
 Te lemniscatæ decora ambitiosa coronæ
 Gemmatique premant orbes: tua tempora mille
 Circumeant laurus: tibi ceræ & magna elephantî
 Congeries, varij tibi pondera vâsta metalli
 Et picturatis animentur marmora venis:
 Omnis te celebret Phæbi Chorus: ingeniorum
 Omne tibi cesset genus, & persolvere tantis

*Mercedem meritis immixtus certet habenis.
 Ipse quidem parvâ facio tibi pauper acerrâ,
 Vilbus & Samius ad nudi cespitis aram;
 Sed puris herclè manibus, sed pectore casto.
 Ac veluti cum magna caput contingere signa
 Altè educta vetat moles, tum ponitur imâ
 In base florentis donum solenne corona:
 Sic nos tantarum ad fastigia surgere laudum,
 Temporaque & sacros inopes incingere crines
 Floridula ante pedes deponimus hæc tibiserta:
 Serta, mihi nuper quæ concinnata reductâ
 Phocidos in conualle sub umbrifero Parnasso.*

ALTERVM APOBATERION.

Ergo tanti erit è patriæ decedere flammâ,
 Ac fortunatas rursus adire plagas?
 Tanti erit æternâ sedem mihi figere in vrbe
 Inque clientelâ principis esse viri,
 LIPSIUS vt linguatur? hic editus ex Jove ramus?
 Palladis hic mystes atque Heliconiadum?
 Qui me præcipuo complexus amore, parentem
 Tantumnon operâ consilioque gerit:
 Quem præter cunctos ego diligo, proque parente
 Obseruo atque piis prosequor officiis.
 Dispice sis anime, & totum benè discute tecum,
 Nilque inconsulto quicquam age consilio.
 Nam temerè quisquis rem cæptat & impete cæco,
 Turpiter hunc paullò pòst piget atque pudet.
 Omnia sunt pensanda, vagi nec fluminis vnda
 Stultè intentato est ingrediunda vado.

Sed quid ego hæc toties nequicquam vulnera tracto?

Quid toties Unum hunc me refero ad scopulum?

Nil iam nil horum me fallit, & omnia mecum

Sæpè volutavi corde animoque prius.

Sentio quæ faciam dispendia, quo cruciatu

Mæstum hoc afficiet me modò discidium,

Cum lacrymis sparsus rorantibus osque genasque,

Triste inclinatâ voce iterabo Vale :

Ut desideris post factum ingentibus ictus

Ipse accusabo meque meumque abitum.

Sed tamen est fundus mihi LIPSIVS : ille futurum

Utibile atque in rem deputat istud iter.

Imò etiam iurat, melior sibi sanguis & atas

Esset, in afflictâ non fore diu patriâ ;

Sed grata exsilia & felicia quaesiturum,

Quæ Diui nondum deservere, loca.

Hoc hoc auspicij satis est, non vos ego vates,

Non ego vel lituos templaque vestra morer :

Non ego pensi habeam, pecudum quid fibra minetur,

Quid creperi fati provida cantet ausis.

LIPSIVS est nobis augur, Chaldaeus, harsipex :

Hic mi de calo servat, hic exta spicit.

Huic ego dum lito, Phæbe tuos ignoro profatus :

Nil mihi cum monitis Juno Moneta tuis.

Nec causâ est, illum cur credam abeundo relinqui ;

Pectore gestabo tempus in omne meo :

Et cum disjunget tantum terræque marisque,

Mente individuus, mente ego iunctus ero.

Semper inerrabit sermonum vena Venusque :

Semper inhærebunt aurea tot monita.

Quin etiam coram velut aspectare videbor,

Et

Et dicam, Sic fert ora, manus, oculos :
 Morumque effigies occurret, & illa suavi
 Temperie lenis letaque serietas:
 Illud nescio quid mentes inflectere præsens,
 Et capere, vt magico saga ministerio.
 Nec me deficiet quosuis accurrere Belgas,
 Pænula quosque teget, caussa quosque teget,
 Omnibus atque habitis post rebus, quarere id vnum,
 Dicite dum, Rectè LIPSIVS an'ne valet?
 Ingenuèque oculos ipsi debere fatebor,
 Atque aded nexu & mancupio esse suum.
 Euentura loquor: spirare absistite venti,
 Nil vobis feritur, nil nebulae aërie.
 Sic longum mihi iter Dii fortunate viales,
 Quod grauibz me angit sollicitudinibus:
 Sic tutò Alpinas mihi sit transcendere rupes,
 Et celo atque solo reddier Italia,
 Pacatàque olim patrià carisq; fruisçi,
 Et cessare meis vsque Heliconiasin.

LACRYMÆ IN FVNERE

IVSTI LIPSII.

Ferales numeros & lamentabile carmen
 Egro animo, nigràque obseptus nube doloris
 Ordior. An Cyrrham mihi fas atque antra mouere
 Delia? an Aōnias precibus ambire sorores?
 Et ius & fas est. nec enim parua vmbra cietur;
 Manibus, heu, lacrymas LIPSII damus, illius olim
 Mystæ Phœbe tui, atque tui, Polyhymnia, cætus.

P 3

Ergo

Ergo seu rupes vos Thesſia, ſive biuertex
 Parnaffus, doctſive tenent iuga ſacra Heliconis,
 Seu nemorum ramoſa domus, ſecretaque ſanctæ
 Caſtalia, ſecreta animis gratiſſima veſtris,
 Sufficite inſando vocem ingeniumque dolori.

O noſtrum quondam LIPSI decus! ó mibi cari
 Patris amate vicem, quis te rapit, heu, mibi luor?
 Quis feſtinatis, heu, ſic intercepti annus?
 Siccin' abis noſtri ſidus mirabile ſæcli,
 Siccin' abis, nec te poſt uſurpare licebit
 Amplius hiſce oculis: non auſcultare loquentem,
 Et dignas adytis voces dimittere in aures?
 O Atlantiade, & cum virgine Phæbe patrima,
 Vos decuit, decuit vos intercedere iuſſis
 Fatorum & veſtro noxam defendere alumno:
 Quò nil Cecropiæ tulerunt præſtantius arces,
 Nil Latium vetus atque nouum, nil Gallia triplex.
 Qui dignus Pylas æui contingere metas,
 Atque omni tandem poſito ſenioque ſitûque
 Æſonis in morem reuiſcere, ſive Jolai.
 Saltim cygneam ſi vocem & iuſſa fuiſſet
 Excipere, atque aliquod ſupremo tempore fungi
 Triſte miniſterium: ſi prono colligere ore
 Effugientem animam, caligantéſque propinquâ
 Claudere morte oculos, moſtúmve ſubire feretrum,
 Solamen tanto ſit lenimenque dolori.
 Nunc eſt omni expers fomento plaga, nec ullâ
 Ad ſanum coitura die: nunc prorſus in ima
 Viſcera totum enſem & vitæ ſecreta recepi.
 Nec certè Egiden grauioribus externauit
 Lucibus interitus letúmque parentis acerbum,

Quàm

Quàm me nigra dies properatâque funera LIPSII.
Nam quamuis nullâ consanguinitate propinquum,
Hic me non alio complettebatur amore,
Quàm si sanguis ego Verè ipsius: omnia nobis
Unus erat, quæ leua mihi simul omnia Diua
Abstulit. O vbi nunc amor ille & cura paterna?
O vbi spes, vbi votorum mensura meorum?
Arx vbi præsidiumque meum? quo sospite ouabam
Toto animo, calumque manu contingere rebar:
Pampinus vt palmesque tener, cui grandior vlmus
Firma pedamenta & ramorum fulcra ministrat,
Mox animos tollit, mox dulcis cogitat vvas:
Ah, quis apex animi nunc internuncius ibit?
Quis dubio responsa dabit? quis fulgida cæcis
Errorum in tenebris præpandet lumina menti?
Quis varios ægri sedabit pectoris æstus
Dulcibus alloquiis, postliminióque reuersum
(Si quando hoc voto Superis damnabimur æquis)
Excipiet, blandisque premet mea colla lacertis?
O calum! ô tellus! ô falsipotens Neptune!
Omnia mi periere, illi cum lumen ademptum,
Qui mihi lumen erat; iam nox manet atra dolorum,
Omnia iam tristi mihi tempora felle madebunt.
Nec me sacra iuuent, quorum percussus amore
Antè fui, valeant mea quondam gaudia Musæ.
Tantum flere lubet, luctum pro LIPSIO amabo,
Et rudibus cantabo modis lacrymabile carmen,
Quale vel Alcyones in littoribus desertis,
Vel sub populeâ modulatur Daulias umbrâ,
Pignera cum nido detraxit callidus auceps.
Ipse cum socio Charites grege Fontigenarum

Tam cari capitis queritantur praeoque fatum
 Et gemitu & lacrymis & luctuisono concentu,
 Castalisque timent posthac ne fontibus humor
 Desit, & assuetas silua arida denegat umbras.
 Adde & Musarum comites, & quotquot ubique
 Virtuti Sophiaeque litant, omnibus agere est,
 Omnes excessu LIPSI tenerè illacrymarunt.
 At misera ingeminans lugubres Belgica lēssos
 In celum & Superos liberrima verba profundit
 Dirumpitque sinus, nudataque pectora plangit,
 Aut deturpatos laniat. sibi pulvere crines,
 Luctu amens, tumultoque inconsolabilis harens.
 Elysium contra Chaos & iucunda vireta
 Fortunatorum nemorum tanti hospitis ergo
 Letitia plausuque fremunt: hunc agmina stipant
 Semideum Heroum: hunc certatim vndeundique magna
 Aduolitant anima, mirabundaque pererrant
 Luminibus tacitis, sociumque adiungere gaudent:
 Haud aliter quam cum feto patris edita busto
 Prodit auis, magni tendens per inania mundi
 Ad Ptolemæas Arabum de sinibus oras,
 Alituum coit omne genus, solisque volucrem
 Attonita denso circum agmine conglomerantur.
 Salus supremum Suadae illibata medulla,
 Doctrinae Sophiaeque penus, clarissima prisca
 Fax aui, & veterum scriptorum acerrime vindex,
 Humano propè maior, & egregium indulgentis
 Natura specimen, LIPSI optime maxime salve,
 Supremumque vale, facilisque hos pectore ab imo
 Depromptos gemitus atque illeabile murmur
 Accipe; si mea non odiosa ingrataque quondam

*Musa fuit; si te mappam mittente, tuisque
 Auspiciis primum spatia hæc decurrere capi.
 Accipe quod præstare Diis hic manibus vnum
 Officiosa potest pietas, quæ soluere iusta
 Mens agra ac magno valet oblimata dolore.
 Posterius cum me patriæ fors prospera reddet,
 Cottidie tua busta salutaturus adibo,
 Et benè, mi Doctor, repetam placidèque quiescas:
 Cottidie flores ferti simul atque soluti
 Plenis spargentur calathibuscis, vrnæque felix
 Myrrhæ & Achemenio semper stillabit amomo.
 Semper apud memorem meritorum gratia stabit,
 Et sincera tui reuerentia. Non potes vllos
 Parca ferox magno fines præscribere amori,
 Non potes; ipsa suis paret mens legibus, omni
 Libera hero, nullis docta inservire lupatis.
 Quid libri? quid scripta? quis illis marmora & altos
 Pyramidum sumptus animosæque conferat ara?
 Hæc ferro, hæc flammâ fugitiuorumque caduca
 Ictibus annorum; nulla illis tempora, nullæ
 Sunt metæ: quævis leget ac mirabitur ætas.
 Namque olim Genio sunt nata Diisque secundis,
 Sæpius & dio rore imbuat alma Iuuenta.*

Tantum est: nec istis de Herœe nostro, quod cò
 non pertineat, adiici quicquam decorè posse vi-
 deatur. Corollarij tamen vice attexam Elegeidion ad
 suauissimum & optatissimum fratrem meum: non
 mûsteum illud quidem atque recens, sed ante trien-
 nium, cum in Italiam ex Hispaniâ traiceret, ad eum
 missum.

Q

*See
 Corneille I
 1. 341*

missum. Discupio enim aliquod hîc exstare amoris
& grati in ipsum animi monimentum, qui tum artifi-
ci manu, tum acri certoque iudicio non parum in
Electis me iuuit.

AD PETRVM PAVLLVM RVBENIVM
nauigantem.

Non sic Aemonio trepidauit mater Achillæ,
Cum Laertiada cognitus indicio
Pro Menelæâ sumpsit bella horrida causâ,
Et præceps arces iuit ad Iliacas:
Non sic dilecti discrimine mota mariti
Penelope, Graie fama pudicitiae,
Spumantem quoties Maleam atque Capbarea saxa,
Fœniique audit tanta pericla maris:
Nec sic Aegæo posuit qui nomina ponto
De caro Thesei sollicitus capite,
Dum soluit patriis à littoribus Pyraei,
Androgeoneis manibus inferie:
Quàm modò magna tui diuexat cura meum cor,
O mihi vel luce hac frater amabilior.
Tyrrhenum te nunc parua trabe currere marmor
Et maris, heu, fluxæ credere te fidei!
Nunc ubi ventorum vis horrida debacchatur,
Infestisque hiemant æquora sideribus.
Ab, gemat aeternum, qui primus, naue paratâ,
Ausus in immenso velificare salo.
Hinc nos ludibrium facti pelagique notique:
Hinc immaturæ mortis aperta via.

Heſſora

not only -
but also

See
Correspondence
I. pp. 236 f.
(Feb. 1804)

Hec̃tōra qui magnum sēpē & Phrygia agmina contra
Inuictō steterat cum Telamoniade
Locrorum dūctōr, nimīā vi mersus aquarum
Littoreis iacuit fada rapina auibus.
Et tibi, quā cunctis mortalibus antistabas,
Quid versutia, quid prouida mens, Ithace,
Jōnio in magno valuit? longē tibi longē
Tum fuit, heu, dolus & callida consilia.
Nec tibi litterulæ, mi frater, nec tibi quidquam
Vena vigorq̃ue acris proderit ingenij:
Nec manus artifices effingere docta figuras,
Ac vel Apelleis pingere par tabulis.
Dūq̃ue Deaq̃ue omnes, qui celi lucida templa,
Qui terram colitis, qui mare nauigerum,
Et vos ante alios, Tyrrhenum quos penes æquor,
Ferte salutarem (namque potestis) opem.
Formidata rati defendite sidera, nimbos
Quæq̃ue solent, pelagi quæq̃ue ciere animos.
Æoliam rabiem metuat malē barbarus atrox,
Et cui non puræ sacrilegæq̃ue manus.
Ille nigri fremitum ponti borreat: ille minantes
In cælum fluctus pallidus aspiciat.
At tibi nec subitis quid peccet motibus Auster
Nossē sit, & quantus detonet Oārion,
Nec miserā tacito iam mussante arte pauore
Optatos trepidē quærere Tyndaridas;
Sed ridente salo & modicē vibrantibus vndis
Leniter adspirans aura secunda ferat,
Grata coronatā dum admotā ad littora prorā,
Æquoreis votum dissoluatur heris.
En erit, ut veniat lux hæc properantibus horis,

Hic radiet niueis Delius alitibus?

En erit, vt fratri curram obuius, & venienti

Jucunda hac manuum vincula vt iniiciam?

Tum mihi fulua Tagi venient sub tecta fluenta,

Eoique legam dona opulenta maris.

At nunc, heu, misero peracescunt omnia: nulla

Non mala, te rursum dum potior, patior.

Quin etiam studia hac, queis nil acceptius antè,

Et quascumque odi delicias animi:

Solis & ipse parum, mihi crede, est lucidus orbis,

Luridaque obtusis cornibus ipsa soror:

Obscuri astrorum, quibus ether pingitur, ignes;

Ipsi etiam melli fellis amaror inest.



C E N S V R A,

PHILIPPI RUBENI Electorum Libros duos, eiusdemque ad IUSTVM LIPSIVM Poëmatia, ab eruditione & elegantia commendo, ac publicâ luce & lectione digna censeo. Antuerpiæ, Id. Nouembr. M. D C. VII.

Laurentius Beyerlinck S.T.L. Ecclesiæ Cathedralis Antuerp. Canonicus & Censor.

S V M M A P R I V I L E G I I

ALBERTI ET ISABELLÆ CLARÆ EVGENIÆ, Archiducum Austriæ, Ducum Burgundiæ, &c. Serenissimorum Belgicæ Principum, Priuilegio cautum est, nequis *Philippi Rubeni Electorum libros duos, eiusdemque ad IUSTVM LIPSIVM Poëmatia*, præter voluntatem Ioannis Moreti, typographi Antuerpiensis, intra sexennium excudat, aut alibi excusa in inferioris Germaniæ ditiones importet, venaliâve habeat. Qui secùs faxit, confiscatione librorum, & alia graui pœna mulcabitur: vti latius patet in litteris datis Bruxellæ xv. Nouembris M. D C. VII.

Signat.


Buschere.


ANTVERPIAE,
EX OFFICINA PLANTINIANA,

Apud Ioannem Moretum.

cId. Idc. viii.









Petrus Leimanus (Petrus Anthonis)

Amo

Petrus Leimanus (Petrus Anthonis)

Amo






Rockox collection, p. 87

Bound August 1984 by Tara Devereux



ICONISMVS APICIS IN LAPIDE
CLIVI CAPITOLINI .

Pag. 74.





[59]

58

Michele de Vito (active first half of 19th Century)

A Cart with Peasants returning from the Festa of Montevergine; and A Neapolitan Calesso with a Nun holding a Bottle of Wine

both signed 'de Vito', and respectively inscribed 'Carro, che si usa in Napoli nel ritorno della Festa/di Montevergine' and 'Calesso Napolitano', black chalk and watercolour, fragmentary watermarks FJ
323 x 427mm., and 325 x 414mm. (2)

£500-800

Christie's London IV/18/1989

59

Giovanni Volpato and Abraham Louis Rodolphe Ducros (1748-1810) (1732-1803)

Figures by the Temple of Vespasian

watercolour over a printed base
654 x 442mm.

£800-1,200

Xaviero della Gatta (d. 1823)

A Neapolitan Woman and a Girl with a rolled Apron in a Landscape; and A Woman with a Vendor of Corn and Buns

both signed and dated 'Gatta P. 1783' and 'Gatta.p. 1785', and numbered 'Nº 11' and 'Nº 14.' (*verso*) bodycolour
222 × 167mm. and 220 × 165mm. (2)

£1,000-1,200

Xaviero della Gatta (d. 1823)

Men playing Morra and drinking outside an Inn; and A Street Vendor

the first signed and dated 'Gatta.f.1784', and with a cut inscription (*recto*), respectively numbered 'Nº 2.' and 'Nº 8' (*versi*), bodycolour
225 × 165mm., and 260 × 206mm. (2)

£800-1,200

Xaviero della Gatta (d. 1823)

A Waterseller; and A Cart with Peasants returning from the Fiesta di Montevergine

both signed and dated 'Gatta.1828' (the second erased), and inscribed 'L'Acquajolo Napolitano.' and 'Il Ritorno dalla Festa di Montevergine', black chalk, pen and grey ink, watercolour

264 × 337mm., and 273 × 342mm.

(2)

£500-1,000

Circle of Xaviero della Gatta (d. 1823)

The Festa di San Bruno in Serra

pencil, watercolour heightened with white
434 × 679mm.

£700-1,000

Good
mudstone

FIRST CLASS
PERMIT NO
1101
BOULDER

The other items:

[... a]

2 Mallets (to hit victims)
(see Du Choul, p. 311)

Basin (Du Choul p. 316)
(text p. 315)

(Aspergillus)

Sprinkling device

(Holy-water sprinkler)

Head of ox

decorated with

bead-rolls

(with which they were
decorated when alive)

Knife to dismember

victim

(Du Choul
p. 322)



Vase (Praefericulum)

(now believed more a relic?)

(Du Choul p. 308: very
similar, but from a different
example).

Apex

the conical cap
of the flamen,
ornamented
with a rod.

also:

the small rod at
the top of the flamen's
or high priest's
cap, wound around
with wool.

The engraving renders
the relief (all that is
left) of the entablature
of the Temple of Jupiter
Tonans (actually temple
of Vespasian, built by
Titus and Domitian,
sons of Vespasian),
supported by 3 columns.
Until the 19th C.
only the topmost part
of the columns were
visible - the rest
being buried under
a huge mound of
earth at the western
end of the Forum.
The print is in
reverse of the actual
relief.

✓

Call returned no later than 1604

12/2: Eledorum ... Expression of gratitude for PPR who helped him
greatly "artifici manu" & keen judgment.
Written when? (Miller H. p. 36, note) says drawings in
Spring or Summer 1606 - (nonsense)

Footnote: The print illustrates a discussion of a passage in Quintilian
about the costume of an orator; in order to explain the word
sinus, which he takes to be part of the toga, not a
separate piece. (the hanging) (or fold)

Begins with sentence:

p. 20

Incredibile est, quantum ad pleniorum antiquitatis
nobilitatem valeat observatio numorum, lapidum, aliorumque
veterum monumentorum.

Autura: Nov. 15, 1607
9 Privilege / Ad Lectorem. refers to Lipsius
death.

Prints label of 1601

^{Chinese}
Fig of Flora Painted (?) on
R's house (see Harrington)
upper floor, tow. garden.

Decorations on garden path etc.
Catuncus, lyre, shield & sun?

Peace

the main gift, to
labor the earth,
not to drag away
the oxen or to
turn ploughs into
swords.



OM/137204/c/ 358

23

lot 187 \Rightarrow Dec 11th 1985. (pm)
London

Jan Weenix.

023429

20.12.85